

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

40 pes

Namba 941


Wik i stat long Fonde Julai 16, 1992.

40 toea


NUPELA ? GAVMAN

Nau long GAVMAN

...trinde



• Sir Michael Somare




• Paul Pora



• Rabble Namallu



• Jerry Nalau



• Bernard Narakobi

long name!



• Nilkare (ol LNA)

NUPELA
GAVMAN
ripot...pes 3

Nau long OPOSISEN

...15 Julai



• Palas Wingti




• Sir Julius Chan




• Paul Tohian




• David Mai



• John Kaputin



• Tim Ward



• Masket langallo

Garong, Pep na Lang bai kot yet

CLEMENT MIRIA i raitim

PETER Garong, Melchior Pep na Galang Lang bai kamap yet long kot bihain long pablik prosekyuta i makim wanpela lidasip traibunel.

Pablik prosekyuta i no salim wanpela pas i go yet long Sief Jastis, Sir Buri Kidu, na askim long makim ol man long harim kot bilong traibunel.

Ripot i kam long opis bilong Sief Jastis i tok ol i wetim yet wanpela pas bilong kam long opis bilong Pablik Prosekyuta long tu o tripela de bihain.

Wantok i no inap long toktok wantaim Pablik Prosekyuta, Kina Bona. Bikos em i no stap long opis bilong

em long olgeta de.

Tasol Sief Ombudsmen Komisina, Charles Maino i tok long asde olsem dispela tripela memba husat i winim gen sia long palamen, Garong, Pep na Lang bai bungim yet sas bilong paulim pablik mani long opis, sapos Pablik Prosekyuta i laik larim ol dispela sas i stap.

Mista Maino i tok lo i stap long mama lo i karamapim olgeta man-meri bilong kantri.

Em i tok em i no lukim olsem i gat wanpela as long Pablik Prosekyuta i lusim ol dispela sas. Bikos ol i bin mekim bikipela wok long painimaut, na bihain givim long Pablik Prosekyuta.

i go moa long pes 2

INSAIT


RAGBI
LIG NIUS

Namba tu son sempionsip

• Hagen Kot kalabusim meri...p2

• Ol senis long Morobe gavman...p3

• Ol wok long 1992 Goroka so i stat...p5



• Skul Bilong Stuakipa bai amamasim 20 yia nau..p5



HINO. BOS BILONG OL HAIWE.

Hino

Ela Motors

PORT MORESBY 229400 • LAE 433655 • RABAUL 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

Hagen Kot kalabusim meri long kilim man

CLEMENT MIRIA i raitim

NESENEL kot long Hagen i salim pinis wanpela meri i go long 4-pela yia kalabus bihain long em i kilim man bilong em.

Long mun Jun, Nesenel Kot jas, Jastis Woods i harim olsem Margaret Pena i bin kros wantaim namba tu meri bilong man bilong em. Trabel

ya i bin kamap taim man bilong em helpim namba tu meri na kros wantaim Margaret na paitim em.

Taim Margaret i lukim olsem man ya i paitim em, em i rausim naip na sutim man bilong em i dai.

Narapela meri tu i bin kamap long ai bilong Nesenel Kot long sas bilong kilim namba tu meri bilong man bilong em. Tasol kot i rausim sas bilong em na larim em i go fri. Long

wanem, i no gat inap samting long soim olsem em i bin gat strongpela tingting long kilim dispela meri.

Kot i harim olsem Helen Namba i stap long haus bilong em taim namba tu meri i kam insait na paitim em. Helen i laik traim rausim em i go na naip em i holim long katim kaikai i sutim namba tu meri. Olsem na em i dai. Kot i tok Helen i no bin min long kilim namba tu meri ya.

Jastis Woods tu i bin rausim 9-pela arapela lain long sas bilong kilim man. Dispela em bikos i no gat inap ripot long soim olsem ol i bin wokim trabel. Long mun Oktoba las yia, plis i bin sasim ol lain ya long bung na kilim wanpela man.

Bihainim sas bilong kilim man, kot i rausim wanpela man ol i bin sasim em. Kot i bin salim em i go fri taim tripela witnes i bin les long givim stori bilong ol long kot.

Red Cross helpim tupela famili husat i lusim haus long paia

IVAN BAYAGAU i raitim

RED Cross i bin givim sampela samting bilong kuk na kaikai wantaim ol klos samting i go long tupela famili long Mosbi.

Dispela tupela famili i bin lusim olgeta samting bilong ol long paia. Papa bilong wanpela haus em Semese Pukari bilong Galp provins. Em wantaim famili i bin slip i stap long wanpela nait taim sampela man i kam na rausim ol long haus na kukim dispela haus.

Meri bilong Pukari i kisim sampela klos bilong ol pikinini, tasol planti em paia i kukim. Pukari i bin lusim moa long K5,000 long dispela paia.

Dispela birua i bin kamap long 30 Me long dispela yia.

Narapela man husat i bungim wankain birua



• Jenerel seketeri bilong Red Cross, Donald Sigamata i givim bokis ol samting bilong kukim kaikai i go long Semese Pukari long asde moning.

bilong paia em Akila Eivita bilong Goroka long Isten Hailans provins. Em i no bin stap long haus taim

paia i kukim long mun Jun.

Eivita wantaim brata bilong em i bin sindaun ausait long haus na

lukim smok i kam long baksait bilong haus. Paia i kukim olgeta haus hariap tru na em i no gat taim long sevim

ol samting. Paia i bin kukim olgeta samting wantaim K7900 em i bin stap insait long haus.

Ol Sepik banisim rot long Hoskins

JAMES KILA i raitim

BIKPELA kros i stap nau namel long ol Sepik husat i stap long Kapore sab divisen long Hoskins Wel Pam blok na ol pipel bilong ples Waloka long Wes Nu Briten provins. Kros i bin kamap bihain long ol sampela lain bilong Waloka i paitim wanpela man Sepik nogut

tru. Dispela man i slip nau long Kimbe haus sik.

Ol lain Sepik long Kapore i bin banisim rot long las wiken na i laik bekim dispela trabel i bin kamap long wantok bilong ol.

Ripot i kam long Kimbe i tok long Tunde, ol lain Sepik i bin banisim rot na stapim ol ka i kam long rot olsem long Hoskins. Long dis-

pela taim, ol ka na PMV i no bin ron.

Wantok Niuspepa i no inap long kisim ol toktok long ol plis long dispela trabel, tasol wanpela man husat i no laik kolim nem bilong em i tok, ol manmeri long taun i pret nogut tru long dispela trabel bikos ol lain Sepik i gat bikpela laik tru long bekim pait bilong ol lain Waloka. Em i tok ol manmeri i pret bikos nogut ol lain Sepik i paul na i paitim ol nating.

Em i tok tu olsem em i lukim ol lain Sepik i banisim rot wantaim ol bikpela ston na sanap was long sait wantaim ol ain, tamiok na ol samting bilong pait. Em i tok olsem ol plisman i wok long hatwok tru long rausim ol man ya.

Las Sarere ol plis i bin rausim rot blok ol lain Sepik i wokim tasol long Tunde, taim ol plisman i go pinis, ol lain ya i kam na wokim nupela rot blok gen.

Ol plisman i bel hat long dispela na i tok strong long ol lain Sepik long rausim ol rot blok.

Ol tripela memba bai kot gen long traibunel

i kam long pes 1

Mista Maino i tok stat long tude taim ol rit bilong ileksen i kam bek, dispela tripela man bai i kamap memba gen. Ol i bin risain pastaim long ileksen, tasol dispela ol sas i no senis.

Garong, Pep na Lang i bin risain olsem memba bilong palamen long mun Me, 1992. Dispela em long taim ol i kamap long lidasip traibunel.

Olgeta i sanap gen long ileksen na winim ol sia bilong ol.

Tred stua lusim kago long Maprik

GODFRIED NIAKA i raitim

LONG Maprik Haiwe long Is Sepik provins, ol man i bin stapim wanpela ka bilong ples Wansok na stilim ol kago bilong wanpela tred stua. Kos bilong ol dispela kago em inap long K700.

Dispela trabel i bin kamap long Hagama bris long Maprik yet.

Is Sepik Provinsal Plis Komanda (PPC), Sief Inspekta John Wakon i tok dispela trabel i bin kamap long Tunde nait namel long 8 na 9 klok.

Em i tok 8-pela man i bin sanap long rot. Na taim draiva i stapim ka, ol i go antap long ka na rausim olgeta kago bilong tred stua.

Sief Inspekta Wakon i tok dispela ol lain i bin yusim tupela sotgan wantaim sampela tamiok. Antap long ka i bin gat ol arapela pasindia tasol ol i no inap mekim wanem.

Em i tok ol plisman long Maprik i wok long painimaut yet long dispela.

PLIS RIPOT



RABAUL: Ripot i kam long Rabaul olsem long las wiken, i bin gat trabel we ol raskol i brukim ol haus long taun na stilim ol samting. Provinsal Plis Komanda, Sief Suprintenden John Toguata i tok long dispela taim tu, ol stilman i bin brukim opis bilong Battery Service na stilim wanpela bokis mani i gat K2,000 long en.

RABAUL: Long Sarere, Julai 11 sampela raskol i bin hensapim wanpela man long ples Takekel klostu long Tomaringa bareks. Ol i hensapim em wantaim bus naip na stilim sampela mani em i karim long dispela taim.

MADANG: Long Madang, tripela man i bin bagarapim wanpela yangpela meri long Fraide nait. Meri ya wantaim ol lain bilong em i wetim sip Karkar i stap long bris taim trabel ya i kamap. Ol tripela man i kisim bus naip i go na pretim ol lain ya na pulim meri i go insait long liklik bus long arere na bagarapim em. Plis i tok olsem wanpela bilong ol dispela man i bin ranawe long haus kalabus.

MADANG: Na long Fonde, Julai 9 tupela yangpela man i bin stapim wanpela bas wantaim tupela gan ol yet i wokim long ples. Dispela i kamap long Del Bris long Talidig, not kos rot. Ol i bin stilim sampela mani na ol samting bilong ol lain insait long bas. Bihain, ol i brukim glas bilong bas ya na ranawe. Ol plis i ting olsem ol mangi bilong ol ples klostu long Del bris i bin mekim dispela pasin.

HAGEN: Long las mun, Nesenel Kot long Hagen i bin kalabusim wanpela man long sas bilong holim na bagarapim meri. Paul Pila bai kalabus long 5-pela yia. Kot i painim olsem Pila i bin go insait long haus bilong wanpela meri long mun Mas taim meri ya i slip indai pinis na bagarapim em. Paul i tokim kot olsem em wantaim meri ya i save pren. Tasol kot i no kisim inap ripot long sapatim ol toktok bilong Paul.

MADANG: Tupela man i bin kamap long ai bilong Madang Distrik Kot long dispela wik long sas bilong stil. Dispela tupela man em Moses Lambom bilong ples Riwo na Ombrim Dangis. Kot i painim olsem namel long Epril 27 na 29, dispela tupela man i bin brukim, go insait na stilim ol samting inap long kos bilong K300 long tupela haus. Dispela tupela man i bin stilim ol samting long haus bilong Flavia Arnold na Jean Mary Wason long Nagada. Ol i bin skruim taim bilong harim kot i go long givim inap taim long tupela man ya long redim ol toktok bilong ol. Kot i skruim taim bilong ol lain husat i bin kilim wanpela plisman long dispela yia i go bihain gen long wankain as tasol.

SENTRAL: Plis i no amamas long dispela kain pasin sampela man i mekim long stapim ol PMV ka long boda bilong Galp na Sentral provins. Sentral provins Plis Komanda, Daniel Lingnoge i tok ol i wari tru long bikpela namba bilong ol raskol pasin em i wok long kamap long Hiritano Haiwe. Lingnoge i tok ol papa bilong PMV long Galp provins husat i save kisim taim long ol dispela lain nogut i laikim givim wanpela askim i go long ol bikman long lukluk long dispela. Lingnoge i askim strong ol bikman bilong ples long kisim ol man husat i save mekim ol dispela pasin i go long plis. Em i bilip olsem ol lain long ples i save long wanem ol man i save mekim dispela pasin, tasol ol i les long kisim ol i go long plis. Em i tok ol pipel i no ken larim ol plis long go painimaut long ples.

SENTRAL: Provinsal Plis Komanda, Daniel Lingnoge i tok ol bikman bilong ples Barakau bai kisim 4-pela man husat i bin stilim samting bilong tupela turis bilong Jemani. Tupela ya em ol haikul sumatin husat i bin stap wantaim narapela tupela man na stilim K20, ki bilong ka na kemera i kos moa long K1,500. Dispela ol lain i bin stapim dispela tupela turis na stilim ol samting long ol. Lingnoge i amamas tru long ol bikman bilong ples long helpim plis long kisim ol trabel man i kam long lo. Em i tok ol dispela bikman i soim gutpela pasin na ol i no laik bagarapim nem bilong ples na larim ol pipel i stap long pret. Nogut plis i mekim painimaut long ples na kamapim moa hevi.

Morobe gavman i senis

SAM YAKAM i raitim

TUPELA memba bilong oposisen nau i holim ol wok olsem minista insait long gavman bilong nupela primia bilong Morobe, Titi Christian.

Tupela i stap namel long 5-pela senis em nupela primia i mekim long gavman bilong em. Long ol dispela senis, em i rausim tripela olpela gavman minista na givim wok bilong ol i go long ol nara-pela man.

Deputi primia bilong Morobe provins nau em memba bilong Selepet, Mang Kambu.

Long Tunde apinun, provinsal kabinet i bin bung na makim ol nupela minista.

Tupela memba bilong oposisen husat i kalap i go holim nau wok insait long gavman em memba bilong Ahi, Tom Poang (Spot, Kalsa na Turisem) na olpela primia na memba bilong Salamaua, Joshua Hagai (Fiseris na Marin Risoses).

Ol narapela nupela wok minista i go long Peter Namus (Pablik Sevis), Koni Wamben (Provinsal Afeas) na Genzie Kenza (Len na Main).

Primia yet bai holim wok olsem provinsal minista bilong Fainens na Plening.

Olgeta arapela wok i stap wankain yet olsem taim Jerry Nalau i bin stap primia.

Primia Christian i tok dispela ol senis i kamap long givim sans long ol arapela memba long givim wanem kain tingting ol i gat long ranim gavman na provins. Na tu em i laikim olsem olgeta minista insait long gavman i mas makim olgeta 4-pela kona bilong Morobe.

Primia i tok em i no laikim ol aipas man na lain bilong slip i wok wantaim em. Husat i no laik wok i mas lusim opis na givim spes long ol arapela man bilong wok.

Em i tok, "Mi bai bihainim wanem hap em Nalau i lusim i stap long en. Na wok wantaim ol pablik sevan na pipel bilong Morobe long kirapim provins."

Bod laikim gavman sekap long ol turis bilas long kantri

TURISEM bod bilong Papua Niugini i laikim gavman long sekap long olgeta bilas i stap insait long kantri.

Dispela em long ol wara, diwai, singsing, bus, bilas bilong ol tumbuna, pisin, wel abus na ol kain kain samting olsem. Bod i laikim gavman long putim sampela mani i go long dispela wok.

Siaman bilong bod, Simon Kenehe i bin mekim dispela tok bihain long Minista bilong Kalsa na Turisem i makim em gen long stap olsem siaman long narapela tripela yia.

Kenehe i tok turisem em i wanpela bikpela rot bilong pulim mani i kam insait long kantri. Na sapos i gat ripot isoim tru ol hap ples we i gat gupela samting bilong soim ol turis,

ol i ken painim sampela rot long stretim ol hap ya bilong ol turis.

Bod i bin toktok long dispela las yia na em i laik wok i mas kirap long en. Kenehe i tok ol i bin tingting long mekim planti samting tu long kirapim wok turisem long PNG. Sampela bilong ol dispela samting em:

- gavman i mas wokim ol intanesenel ples balus long olgeta boda provins. Dispela bai daunim pe bilong ol balus na kisim ol turis i go kwik long ol ples em

ol i laik go long en.

- ol lain husat i kisim ol samting i kam insait long wok bilong turisem i no ken baim takis. Dispela bai helpim ol PNG bisnisman long kirapim bisnis long wok turis.

- gavman i mas helpim bod long givim gupela nius bilong PNG long ol ovasis kantri. Em bai kirapim tingting bilong ol pipel long ol narapela kantri long kam hia.

- ol provinsal na nesenel gavman i mas i go moa long pes 11

Sogeri nesenel haikul redi long bikpela de

BIKPELA de bilong Sogeri nesenel haikul long Sentrel provins bai kamap long Sarere, 25 Julai, 1992.

Ol i save kolim dispela de olsem Sogeri Singsing na bai i kamap long skul yet. Olgeta samting bai stat long 9 klok moning i go inap long 12 klok na bihain long 1 klok gen i go inap long 5 klok apinun.

Tisa husat i go pas long redim ol samting, Lance Taylor i tok long nau yet, olgeta samting i wok long ron orait. Long wanem, ol tisa na sumatin bilong skul i wok hat tru.

Taylor i tok long dispela yia, bai i gat 22 singsing grup na 45 kain kain pilai na samting bilong wan hap.

Em i skruim tok olsem Sogeri Singsing em i wanpela bikpela rot we ol sumatin inap skulim ol pipel bilong Papua Niugini long ol stori na pasin tumbuna i bin stap olsem wanem. Na em i bikpela wok olsem yumi i no ken lusim ol dispela pasin.

Hom onasip skim i bilong baim ol haus

OL kampani long siti na taun we i gat haus-ing skim bilong ol wokman i mas lukautim gut mani bilong ol. Bikos dispela em i wanpela we tasol long hom onasip skim i karim kaikai.

Hom onasip skim i bilong helpim ol wokman long baim ol haus.

Menesing dairekta bilong PNG Hom Fainens, John Kent i bin tok olsem long bung bilong Mosbi Semba ov Komes na Industri long Trinde, Julai 15.

Insait long dispela bung, em i tokaut long tripela nupela hom onasip skim bilong PNG Hom Fainens. PNG Hom Fainens em wanpela oganaisesen bilong Gret Briten gavman. Bikpela plen bilong PNG Hom Fainens em long yusim wanem mani em i gat long bringim moa senis na mani.

Mista Kent i tok ol kampani long PNG i save givim haus long ol wokman. Bikos ol i laik pulim ol gupela save-man long wok wantaim ol. Ol wokman gen i lukim olsem taim ol i stap wok long siti o taun, ol i laik mekim moa mani, na bihain ol i go bek long ples.



Stail bilong Sangi... I gat planti man insait long Papua Niugini husat i save long wokim kaving. Na wanpela bilong ol em Titus Sangi, husat i gat 26 krismas bilong Angoram long Is Sepik provins.

Dispela bikpela kaving bilong Sangi i bihainim kain dawai bilong pait em ol tumbuna i save yusim long bipo. Na em i wokim long tik

diwai. Antap long dispela kaving, em i sapim pes bilong wanpela sanguma na ol kain kain arapela liklik samting.

I gat ol arapela tasol dispela i smat moa. Na long pinisim dispela kaving, Sangi i bin wokim inap long tripela wik olgeta.

Sangi i marit wantaim tupela pikinini na em i stap nau long Kuriva long Sentrel provins.

Poto: Ivan Bayagau.

Nupela gavman bai kamap klia long Fraide

BIHAIN long sampela minit i abrusim 12 klok long Fraide, 17 Julai, nupela gavman bai kamap.

Tasol no gat wanpela samting i klia yet. Long wanem ripot bilong gavman i kam long Madang i tok ol i gat 55 memba. Na ripot bilong Oposisen i kam long Alotau i tok olsem ol i gat 55 memba. Dispela tupela namba wantaim i abrusim namba bilong ol sia long Nesenel Palamen. I gat 109 sia tasol long hap.

Oposisen i tok ol i gat 55 memba nau bihain long memba bilong Rabaul, John Kaputin i kam bek long ovasis na i go joinim ol. Na dispela i brukim

namba bilong Rabbie Namaliu na ol lain bilong em long 54 tasol.

Planti man i tok dispela kain pasin bilong pulim na grisim ol memba bai i go het yet, maski taim bilong bung long Haus Palamen i kamap klostu. Na sampela bai traime yet long grisim ol memba long plua bilong palamen.

Lida bilong Pipels Demokratik Muvmen (PDM), Paias Wingti i tok ol lain bilong Lig fo Nesenel Edvensmen (LNA) i joinim pinis PDM wantaim Pipels Progres Pati long wokim nupela gavman. i go moa long pes 4



WANTOK

NIUSPEPA BILONG OL PAPUA NIUGINI STRET

Taim bilong traime i kam pinis

Wanpela de tasol i stap na yumi bai save husat bai kamapim nupela gavman bilong Papua Niugini.

Haus Palamen long dispela taim bai i narakain. Kain kain samting bai kamap taim ol memba i kibung na paitim toktok na vot. Tasol i gat wanpela samting i stap yet em ol memba i no ken lus tingting.

Nau tasol taim bilong ileksen i pinis na ol pipel i tingim yet promis ol memba i bin wokim long taim bilong kempein. Planti i bin toktok long bringim ol kain kain developmen na senis i go insait long hap bilong ol. Ol arapela i toktok long hevi bilong lo na oda na ol yut.

Olsem na nau em i taim bilong traime. Ol memba i mas glasim gut wanem sait ol bai sapatim na go long en.

Olgeta pati bai traime long pulim ol indipenden kendidet. Planti i gat gutpela tingting tasol gris bilong mani na pawa wantaim biknem inap pulim ol. Maski long dispela nau na tingim pipel bilong yu wan wan pas-taim.

Dispela ol pipel i votim yu na bringim yu i go long palamen. Na yu holim nau wok olsem maus bilong ol, blkos yu yet i bin tokim ol olsem pinis.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

BIHAIN LONG 1992 NESENEL ILEKSEN

Olgeta siting memba i lus long Simbu

MICHAEL KOMA i raitim

OLGETA siting memba long Simbu provins i lusim olgeta sia bilong ol long nesenel ileksen.

Sia bilong Simbu rijonal em Peter Kuman i bin holim nau i stap long han bilong olpela Simbu primia David Goro Mai. Em i bin winim 21,960 na wanpela bisnisman, Palma Embia i kam bihain long 12,096 vot.

Long Trinde 2 Julai, Distrik Ritening Opisa bilong Kundiawa/Gembogl Open ilektoret Steven Yakali i tokaut long wina bilong dispela sia olsem Joseph Bare Onguglo wantaim 3,661 vot. Siting memba Wagi Meremba i bin kisim tasol 2,532 vot.

Sia bilong Karamui/Nomane em Pawa Sisioka i bin holim nau i go long han bilong olpela politisen, Philip Biriwae Yamo.

Olpela plis komanda bilong

Simbu mobail skwat, Kerenge Ben Okoro i kisim 1,532 vot na winim sia bilong Sinasina/Yongomugl Open ilektoret. Man husat i kam bihain long Kerenge em Ludger Mond bilong ples Mai wantaim 1,450 vot. Siting memba John Numi i stap daunbilu tro.

Long Suave, wanpela skul tisa i autim olpela Komunikesens minista Brown Sinamoi long 2,636 vot. Wina em Yawe Riong na Sinamoi i

kam bihain wantaim 2,457 vot.

Long Kerowagi Open ilektoret, olpela menasa bilong Hagen Distrik Watabod, John Kamb i win. Em i kisim 3,120 vot na Camillus Dagma Bongro i kisim 2,214 vot. Siting memba Jim Yer Waim i kam namba 4 wantaim 1,275 vot.

Na long Gumine Open, John Mua Nilkare i winim Bill Ninkama wantaim 2,661 vot. Man husat i kam bihain long Nilkare em Aulkupa J. Wamil.

Manus givim ol namba wan ripot

MANUS i bin namba wan provins long givim ol ripot bilong 1992 nesenel ileksen i go long bikpela ilektrel opis long Mosbi.

Ripot bilong ol ileksen long Manus i stap long tupela buk. Na tupela ritening opisa bilong Manus Open na Manus rijonal, Joe Wilarai na Simon Sinai i bin bringim ol dispela buk i go long Mosbi.

Long taim tupela i givim ol buk i go long ilektrel Opis, nupela memba bilong Manus Open, Martin Thompson i givim bikpela tok amamas tu i go long Manus ilektrel opis long mekim gutpela wok na pinisim ol samting hariap.

Em i tok ilektrel opis long Manus i bin wok gut na dispela i givim sans long ol pipel bilong Manus long makim stret ol lida. Thompson i tok planti ol kendidet husat i lus long ileksen long ol arapela hap i wok long komplem.



Red Cross kisim yet...Saba Kanesh (raitan), wanpela memba bilong ol lain Sri Lanka Tamil komyuniti long Mosbi i givim K1,000 sek i go long Sue Darby bilong Red Cross Sosaiti. Foto: Ivan Bayagau.

Nupela gavman bai kamap klia long Fraide

i kam long pes 3

Em i tok ol i gat namba bilong wokim gavman na em bai kamap praim minista long Fraide.

"Bung bilong mipela i

gutpela tru, na no gat man i sutim toktok nabaut. Mipela olgeta i pasim tok long wokim nupela gavman na wok strong long kirapim ol wok long ples na setelmen we planti pipel i stap long enm." Wingti i tok.

Orait long Madang, ripot i tok long asde olsem i gat 55 memba tu long hap. Dispela ol lain i bilong Pangu Pati, PAP na Melanesien Alaiens (MA). Tasol ol i bilip long kisim gen narapela tripela memba nau o pastaim long ol i vot long tumora.

Long skelim ol man bilong kamap nupela praim minista bilong Papua Niugini namel long:

Rabbie Namallu: i gat gutpela sapot tasol em i gat hevi long meri bilong em husat i sik. Tasol bihain long em i

kam bek long Australia, Namaliu i tok Margaret Nakikus i sapatim em long winim dispela namba wan sia. Wanpela man husat i skelim Namaliu i tok em i bin pundaun long wok long hevi bilong Bogenvil. Na tu em i no bihainim promis bilong em long rausim ol stil na paul pasin long gavman. Long taim em i stap long gavman, 7-pela memba i bin kot long lidasip traibunel long sas bilong stil na paulim pablik mani.

Namel long ol em olpela memba bilong Kavieng na minista bilong Hausing, Gerald Sigulogo, olpela memba bilong Sentrel na deputi praim minista Ted Diro, olpela memba bilong Lae na Leba na Emploimen minista Tony Ila, olpela memba bilong Kikori na Fiseris na Marin Risos minista Allan

Ebu, olpela memba bilong Gazelle Eserom Burege, olpela memba bilong Nawae Timothy Bonga, Galeng Lang, Melchior Pep na Peter Garong.

Sir Michael Somare: taim em i winim gen sia bilong em, Sir Michael i no wokim planti nois o toktok nabaut. Em i bin stap isi tru. Planti kendidet bilong Pangu long Momase rijon i bin win. Olsem na dispela inap givim sans long lapun long kisim dispela wok.

Paias Wingti: i gat gutpela sans bilong winim dispela wok sapos olgeta memba em i tok i stap wantaim i tru. Long asde pastaim long em i lusim Mosbi na go long Alotau, Wingti i tokaut long kisim nupela gavman.

Tasol wanem samting i kamap, yumi bai lukim long Fraide.

Rot bilong PPP op long Wes Sepik

WANPELA kendidet bilong Pipels Progres Pati (PPP), Bob Nitin i bin winim sia bilong Telefomin Open long

Wes Sepik. Na dispela i opim nau rot bilong PPP long Wes Sepik long 1992 nesenel ileksen. Wan-

pela bikpela tingting bilong provinsal PPP opis em long makim moa man bilong resis long provins.

BIABIA KISIM HOLIDE BILONG EM NA GO LONG PLES...




NAU EM KAMAP LONG PLES NA PAPA MAMA I WETIM EM...



INSAIT LONG BALUS EM TING LONG KAIKAI PIK LONG PLES...



TASOL TAIM EM LUKIM KAIKAI, EM TING PIK, YAH... NOGAT, LAMFLAPS BILONG TAUIN I PULAP LONG PLET...





■ WANPELA man Arowe long Mosbi i go pilai hos. Em go long 6 Mail na betim K100 long wanpela hos. Maket bilong dispela hos em K1,000. Man Arowe i amamas nogut tru bikos em i laik winim dispela mani na bai i go long Rabaul, slip long Kaivuna hotel na bihain i kam bek long Mosbi. I no longtaim ol hos i stat ron, tasol em i no harim nem bilong hos bilong em. Em i bel hat na wokabout isi i go antap long opis na askim long mani bilong em. Tasol ol wokman i rausim em. Boi i tanim na lukim bos bilong dispela hap i sanap i stap. Em kirap brukim han tasol na sutim stret nus bilong bos. Bikman ya i pundaun i go daun guria long graun i stap na Arowe i kirapim das long 6 Mail i go bek long Godens.

Waup Weri,
Kimbe, W.N.B.P.

□ KANAGE wantaim tambu bilong em i limlimbur long taun i go na tupela i hangre nogut tru. Tupela i go bek long haus na lapun meri i kuk i stap. Gutpela smel kaikai na tambu bilong Kanage i kisim taim nau. Taim lapun meri i kisim kaikai i kam ausait, tupela i no wet. Tambu i kirap kisim rais na daunim tasol i go daun. Rais tu i hat na kukim nek bilong em. Olsem na boi kirap kisim kap sup na kapsaitim tasol i go daun. Sup i kukim nek bilong em moa yet na wara i pundaun long ai bilong tambu. Kanage i lukim na askim, "Tambu, yu karai long wanem?" Tasol tambu i sem long tokim Kanage olsem sup i kukim nek bilong em. Olsem na em i tok, "Nogat, mi lukim lapun i redim gutpela kaikai tru olsem na mi wari na mi karai ya."

John Jendaiuw,
Lae, M.P.

■ SUSA bilong Kanage i salim boi nogut ya long go baim Ox & Palm tinmit long stua. Kanage i paul long dispela nem olsem na i wok long kolim Ox & Palm i go long rot. Tasol long hap rot, em i kikim ston na kirap tok Ston & Palm i go kamap long stua. Long hap em i askim nau stuakipa, "Poru, mi laikim wanpela Ston & Palm ya?" Tasol stuakipa tu i paul na kirap salim Kanage i go bek long haus long askim gen susa bilong em.

Albert Timan,
Rabaul, E.N.B.P.

moa tok pilai long pes 20

Ol haus bilong Goroka so sanap nau

OL wokman i stat pinis long wokim ol haus bilong ol salim samting long Goroka so.

Dispela i kamap bihain long Isten Highlands Kapitel Atoriti i givim K5,000 long so komiti.

So kodineta, Koi Minimulu i tok olsem ol inap long wokim 16 haus na ol i tingting long wokim sampela moa. Minimulu i tok, komiti bilong em i salim

pinis fopela bilong ol dispela haus. Kos bilong yusim wanpela bilong ol dispela haus em K400.

So long dispela yia bai kamap gen long Nesenel Spot Institut. So komiti bai baim dispela graun long K16,220. Olsem na Miniulu i tok ol i lukluk long provinsal gavman long helpim ol long dispela.

Em i tok ol narapela

Nupela primia inap wok

NUPELA primia bilong Morobe inap long ranim provins bilong em.

Olsem na ol pipel i no ken tingting planti long dispela. Em ol toktok bilong wanpela bikman long Lae, Guti Kawa. Em i tok olsem Titi Christian i gat planti save long ranim provins bilong em.

Dispela em long wanem em i stap long Tutumang na i save long we provins i ron. Kawa i tok em i save olsem Christian bai pinisim ol wok em olpela primia i statim na kamapim tu ol sampela nupela wok.

Sapos em i no mekim wok gut, ol pipel i gat pawa long rausim em long ileksen.

Skul Bilong Stuakipa redi long amamasim 20 yia

GODFRIED NIAKA i raitim

LONG Sarere 25 Julai, Skul Bilong Stuakipa (SBS) long Wewak bai i amamasim 20 yia bilong en long Is Sepik provins.

Ripot *Wantok Niuspepa* i kisim i tok olsem long 10 klok moning, olgeta sumatin, tisa, na ol arapela manmeri bai bung. Na long 30 minit i lusim 10 klok, ol lain mausman bilong Papua Niugini na Austria gavman bai i givim sampela toktok. Bihain long dispela, bai i gat lotu na long 2 klok apinun, ol sumatin bilong SBS na ol lain sumatin husat i greduet pinis bai putim kamap ol kain kain pilai.

Skul bilong Stuakipa em i wanpela kain projek bilong kantri Austria. Dispela projek i bin stat long Wewak long 1972.

Menesa bilong SBS long Wewak, Michael Beer i tok SBS em i wanpela projek Austria i bin statim long helpim ol yangpela manmeri



• Ol sumatin bilong Skul Bilong Stuakipa long Wewa i sindaun wantaim tisa bilong ol long kisim dispela foto: *Poto: Jane Salin.*

long Is Sepik.

Em i tok olsem taim SBS i stat long Wewak, ol i wok long lainim ol yangpela manmeri husat i gat stua na husat i no gat stua long we bilong statim na ranim ol liklik stua bisnis.

Beer i tok olsem long taim

SBS i stat i kam inap nau, em i no bin kisim sampela kain helpim i kam long ol narapela oganaisesen.

Em i tok long 1987, SBS i bin wokim wanpela bikipela bakstua long Wewak. Na ol i kolim dispela bakstua olsem

Wills. Na nau ol i wet long ol narapela spon-sa long givim han long dispela so.

I gat 6-pela wik i stap

yet, na so komiti i wok hat. Ol i laik stretim olgeta samting bai so i ran gut bihainim tingting na laik bilong ol.

Nem Maborasa i senis nau

MADANG i gat nupela nem bilong provinsal so em ol i save kolim olsem *Maborasa So*.

Nupela nem nau em Madang So na em bai kamap long Septemba 14 i go inap long 17, 1992.

Siaman bilong festival, David Mulul i tok dispela senis i kamap long wanem Karkar distrik i no stap insait long nem *Maborasa*. Dispela nem i bin kamap taim Karkar i stap aninit yet long Madang distrik.

Em i tok, "Mipela inap long painim nupela nem olsem Maborasa, we Karkar i stap insait. Tasol dispela i wankain olsem long givim nupela nem long provins. Olsem na mipela i lusim tasol i stap olsem Madang festival."

Em i tok komiti bilong so i wokim nau sampela nupela progrem bilong so. Sampela em ol singsing tum-buna, stringben na disko resis na ol pilai bilong ol pikinini.

Mulul i tok komiti bilong em i laikim ol pikinini long stap long so tu, long wanem, festival i bilong olgeta bikipela man, meri na pikinini wantaim.

Narapela samting ol i laik kamapim em Madang Festival tropi. Ol soka na ragbi lig tim bilong Madang na Lae tasol bai resis long dispela tropi. Ol bai pilai wanpela wik pastaim long so i kamap. Na long taim bilong so, ol bai kisim tropi.

Mulul i tok komiti bilong em i wok nau long kirapim gen resis bilong Madang kwin. Meri husat i winim dispela resis bai makim Madang insait long resis bilong *Miss PNG* long narapela yia.

Long 1990, komiti bilong Madang so i bin kisim K60,000. Na siaman i tok, ol i tingting long winim K70,000 long dispela yia. Em i tok provinsal gavman i givim pinis K10,000 long so komiti.

Nambawan Bakstua Bilong Yumi.

Beer i tok dispela bakstua i bilong givim moa save long ol sumatin bilong SBS long ranim stua na bilong kisim mani long ranim dispela SBS projek long Wewak.

Yu bin save tu olsem long 1992, ol kampani bilong painim wel wantaim gol na kopa bai givim moa long K1.3 milien i go long baim ol skul fi bilong ol Papua Niugini sumatin tu o nogat?



Dispela tok save yu lukim nau i kam long:
THE PNG CHAMBER OF MINES AND PETROLEUM
P.O. Box 1032, Port Moresby, Phone: 21 2988
Fax: 21 7107

TU MINIT TINGTING

PASIN WELKAM

"Man i welkamim yu, em i welkamim mi." (Mt. 10:40)

TUDE yumi stori long taim Jisas i go stap long haus bilong Marta na Maria na Lasarus. (L 10:38-42). Olgeta taim em i tait long wok na i laik kisim win liklik, na kisim sampela gutpela kaikai, Jisas i save go long haus bilong tripela gutpren bilong em. Na oltaim ol i welkamim em. Tude yumi toktok liklik long dispela pasin welkam.

Long taim bilong Jisas, em i taim bilong olgeta pipel long hap bilong em long kisim ol pasindia i kam long haus bilong ol long nait. Long wanem, long dispela taim ol hotel na ol haus slip ol i ples nogut tru na doti olgeta.

Em i pasin bilong dispela taim, sapos wanpela ausaitman i kam long ples, em i no mas lukluk naba ut bilong painim ples we em i ken stap long nait. Nogat. Ol man bilong ples yet ol i mas singautim em i kam long haus bilong ol. Em i kastam bilong ol.

Na sapos em i olsem, Santu Pol na Santu Jon na Santu Pita i strong long dispela aidia: sapos ol haidden yet i save mekim dispela pasin, ol Kristen yet i mas

win long en tru. Pol i tok olsem long Roman 12:13 - "Sapos ol man bilong narapela ples i kam long yupela, yupela i mas lukautim ol gut." Na 1 Pita 4:9 i tok olsem: "Sapos ol narapela manmeri i kam stap wantaim yupela, orait, yupela i mas lukautim ol gut." Long 1 Tim 3:2,

Pol i tokim hetman bilong sios (olsem bisop samting) long em i "mas lukautim gut ol man i kam long haus bilong em". Na long 1 Tim 5:9, Pol i tok amamas long meri i save "givim kaikai samting long ol man i kam long narapela ples". Na long Hibrui 13:2 Pol i askim ol Juda long ting bek long Olpela Testamen stori long Jenesis 18:1, we Abraham i bin givim kaikai samting long tupela pasindia man, na tupela i kamap ensel yet. Na tupela i bin bekim olsem: tupela i givim strong long Sara long karim pikinini. Pas-taim em i no inap.

Long taim sios i nupela yet, i gat planti memba i go i kam na i mas painim gutpela haus we ol i ken stap, long taim ol i kamap long wanpela nupela taun. Long dispela taim, ol misineri, ol tisa, ol saveman, na ol slev i kisim fridom pinis i mas oltaim welkam long haus bilong ol arapela Kristen. Em i strongpela lo bilong Sen Ppl.

Long Papua Niugini, dispela pasin bilong olgeta wantok i ken kam sindaun long haus bilong yu long taun, em i strongpela moa. Bipo bipo tru, long taim bilong ol tumbuna, ol pipel i no save i go i kam longwe long ples.

Ol i no bin gat Tok Pisin yet, na ol i no save wokabaut i go long ol hap we ol pipel i gat narapela tok ples. Ol i pret long sanguma na posin. Tasol nau em i narakain tru. Ol pipel bilong ples i save stap nabaut long PNG

long olgeta hap.

Na sapos wanpela wantok i kam, ol man i mas givim kaikai na ples bilong slip long em. Em i wanpela bikpela lo bilong wantok sistem. Tasol planti taim ol pipel i wok na i stap long taun, ol i bagarap tru long planti wantok tumas i kam sindaun wantaim ol, na pinisim nating kaikai bilong ol. Na ol i no inap rausim ol. Em i lo bilong wantok sistem. Dispela pasin em i as bilong planti bel hevi long ol taun bilong PNG.

Long Kristen pasin bilong welkamim ol ausaitman, i no gat tok long ol wantok tasol. Nogat, i gat tok long ol ausaitman yumi no save long ol. Long las pas bilong em, Sen Jon i skol olsem long hetman Gaius: "Gutpela pren, yu save bihainim gut pasin bilong tok tru na yu mekim gutpela wok bilong helpim ol Kristen brata. Na yu save mekim



FRANK MIHALIC I RAITIM

dispela pasin tu long ol man yu yet i no save long ol. Sampela bilong dispela ol brata i bin tokim ol manmeri long ol pasin yu bin mekim bilong givim bel bilong yu long ol. Na taim ol i laik wokabaut moa long rot bilong ol, bai i gutpela tru sapos yu helpim ol gen long ol samting ol i mas kisim i go wantaim. Yu ken helpim ol inap long laik bilong God yet ... Yumi mas helpim ol dispela kain man." (3 Jon 6).

Sapos yu Kristen inap long mekim pasin wantok long ol manmeri i no wantok bilong yu, kas bilong yu. Nau yu bihainim Kristen pasin tru.

Ol Katolik yut holim namba wan bung long Vanimo

ARI HABA i raitim

MOA long 150 Katolik yut bilong Vanimo daiosis i bin bung na holim yut reli bilong ol. Bung i bin stat long 2 Julai i go inap long 5 Julai, 1992.

Kodineta bilong ol Katolik yut long Vanimo, Bruder Norbert Beliss i tok as tingting bilong dispela bung em

long glasim ol pasin na rot bilong kristen pasin na bilip bilong bihainim lotu na autim Gutnius.

Em i tok dispela inap kamapim tu sampela gutpela tingting na pasin bilong ol yut long bihainim. Bikos long dispela rot tasol, wok bilong viles developmen program inap go het.

Bruder Beliss i tok "Dispela em i namba wan taim tru bilong dispela kain yut reli long

kamap long Vanimo Katolik daiosis."

Long dispela bung, ol Katolik yut i bin kamap long ol ples olsem long Laitre, Osima, Vanimo taun yet, Baro, Wesipi na Ningera.

Long las de bilong bung, wan wan yut grup i bin putim kamap ol drama pilai, gita singsing resis na ol singsing tumbuna. Ol yut bilong Wessip i bin

soim wanpela gutpela drama pilai long ol kain pasin nogut bilong graun.

Long dispela pilai, ol i soim olsem ol man bilong dring spak, wokim pasin pamuk, raskol, bikhet nabaut na kisim spakbrus i go long bikpela paia taim ol i dai. Na ol lain bilong lotu na holim biknem bilong God i go stret long gutpela ples long heven.

Ol yangpela i bin amamas tru long dispela kain bung. Bikos, ol i tok, dispela em i wanpela rot bilong ol long luksave long wanpela na narapela. Na long pasin bilong ranim ol kristen program insait long ol peris bilong ol yet.

Ol i laikim tu olsem dispela kain bung bilong ol yut i mas kamap long olgeta yia.

Lotu Bahai kirap long Aitape

OL lain memba bilong lotu Bahai long ples Yakoi long Aitape, Wes Sepik provins i wok long mekim wok isi isi yet bihain long dispela lotu i bin stat long 1985 wantaim 6-pela memba tasol.

Man husat i go pas long lotu Bahai long ples Yakoi, Timothy Yaputong i tok long dispela yia, namba bilong ol memba bilong ol long Yakoi i go antap nau long 25. Em i tok ol narapela 10-pela i stap olsem ol man na meri bilong lukluk tasol.

Yaputong i tok olsem long nau yet, ol wok kamap bilong lotu Bahai long ples i wok long ron isi isi. Dispela long wanem ol i gat hevi long sait bilong mani em ol memba i wok long painim.

Narapela bikpela hevi em ol i wok long painim em long pinisim wanpela haus bung ol i kolim long Lokel Spirituel Asembli. Yaputong i tok dispela i kamap long wanem ol memba i gat ol narapela wok bilong ol yet long mekim.

Marimari Lutheran Sios i pulap long tingim 106 yia long PNG

SAM YAKAM i raitim

MOA long 2,000 Lutheran Sios memba i bin holim bikpela lotu bung long Marimari Lutheran Sios long Godens, Mosbi long Julai 11, 1992. Dispela em long amamasim 106 kris-mas bilong sios.

Insait long Papua Niugini, olgeta sios memba i holim wankain amamas. Long wankain taim, Bisop Anonga Pingina bilong Papua Distrik i tokaut long nupela Kainantu Distrik long hailans rijon. Dispela i bringim namba bilong olgeta distrik long Papua Niugini i go antap long 15 distrik olgeta.

Nupela Kainantu distrik i bihainim plen bilong sios long kirapim narapela tripela distrik pastaim long yia 2000.

Bisop Pingina i tok insait long 106 yia sios i stap wok, namba bilong ol memba i wok long go antap yet.

Na tu planti nupela developmen na senis i kamap long wok bilong sios. Aninit long ol nupela developmen, sios i tokaut pinis long kirapim tupela moa distrik namel long dispela 8-pela yia long bringim namba bilong ol distrik insait long Papua Niugini i go antap long 18.

Long dispela taim tu, Bisop Pingina

i bin givim bikpela tok amamas i go long Pasto Deutrick Waach na meri bilong em Regina long wok bilong tupela long Papua Distrik.

Deutrick wantaim meri bilong em i bin kam long Papua Niugini long 1985.

Long dispela taim, Waach i gat 29 kris-mas tasol. Waach i tok taim em i kamap long Papua Niugini, em i no gat bilip long em yet long mekim wok olsem wasman bilong ol studen long Papua Niugini. Tasol em i painimaut olsem ol studen na kongrigesen i helpim em long lainim planti pasin na samting long Papua Niugini.

Long dispela as, em i givim bikpela tok amamas i go long olgeta sios memba. Pasto Waach i tok nau em i gat moa ekspiriens long wok wantaim ol pipel. Na dispela i mekim em i gat bikpela bilip long em yet long mekim wok bilong God.

Em i tok wok bilong sios long Papua Niugini i wok long gro yet. Planti yangpela manmeri i lainim yet wok bilong God na tokaut klia long hevi bilong ol na wanem samting ol inap helpim sios long en.

"Olgeta dispela pasin i soim olsem ol manmeri i laikim wok bilong God. Na mekim wok bilong sios long laik bilong God," Waach i tok.

Waach wantaim Regina bai lusim Papua Niugini na i go bek long kantri Jemani long Sande Julai 18, 1992.



• Ol sampela lain memba bilong lotu Bahai i sanap ausait long Lokel Spirituel Asembli bilong ol long ples Yakoi long Aitape, Wes Sepik provins. Foto: Felix Ramram.

Siassi stap wankain olsem 20 yia bipo

INSAIT long 20 yia em Pangu i bin stap bosim ol wok politik long Siassi ailan long Morobe, no gat wanpela bikpela wok developmen i bin kamap long hap.

Dispela em toktok bilong wanpela olpela bikman bilong Umboi Timba projek, Sam Kaut.

Em i tok Siassi i gat tupela memba, Issac Narol (provinsal gavman) na Peter Garong (nesenel gavman). Tasol i luk olsem ples ya i no gat memba

na i bagarap tru.

"Mi bilong Siassi na mi laikim tupela memba bilong mi long tokim mi long we ol i bin yusim ilek-trol developmen fan mani bilong ol," Kaut i tok.

Wanpela hevi i stap nau em i olsem. Rot ol i stat wokim namel long Lablab na Bunsil, i no pinis yet olsem na ol ka i no ron. Em i tok olsem wok edukesen insait long Siassi i nogut tru. Olsem na Narol olsem Edukesen minista i mas traim long stretim dispela hevi.

OL LIKLIK NIUS

❑ **NU AILAN:** Nesenel Yut Sevis bai holim namba tri bod kibung bilong en bilong dispela yia long Kavieng. Dispela kibung bai stat long Ogas 3 na pinis long Ogas 5, 1992.

❑ **NESENEL KAPITEL:** Ol namba wan 1,500 rikrut bilong Nesenel Sevis Ko bai go long ol wok bilong ol long mun Novemba. Na long Januəri, 1993, ol bai statim ol tru tru trening bilong ol. Dispela ol lain bai go long 10-pela hap. Namel long ol i gat tupela bai go long hailans, tripela long sauten, tupela long Niugini ailan rijon na tripela long noten rijon. Trening bilong ol bai stat bihain long Praisim Minista Rabbie Namaliu i tokaut olsem Nesenel Eksekyutiv Kaunsil i oraitim ol lo bilong Nesenel Sevis Ko na Nesenel Sevis Ko (Saplai na Tenda Bod) Regulesen 1992.

❑ **SAUTEN HAILANS:** Ol papamama long Sauten Hailans provins i sutim tok nau long Edukesen dipatmen long bikpela hevi bilong lo na oda long kantri. Dispela i kamap ples klia bihainim sampela ol bung bilong ol yut em yut opis i bin holim long ol distrik bilong provins. Yut opis na Nesenel Yut Sevis i bin holim ol kain kain bung long provins. Na insait long ol dispela bung, tupela bikpela askim i bin kamap: bilong wanem na ol yangpela i laik go long taun na i no laik stap long ples bilong helpim ol papamama: bilong wanem na yupela i larim ol pikinini bilong yupela i go raun nating na stap long taun? Na planti papamama husat i kamap long dispela bung i sutim tok long wok bilong skul. Ol i tok skul i bagarapim laip bilong ol yangpela.

❑ **MOROBE:** Ol pipel bilong Bulolo i stap wantaim pret bihainim ol stori olsem memba bilong Bulolo, Mathew Bendum i laik bekim wari bilong em long ol pipel i no votim em. Ol ripot i kam long Bulolo i tok olsem Bendum i laik kisim bek wanpela ka em i givim i go long Bulolo Helt Senta bilong yusim olsem ambulans. Ol ripot i tok tu olsem olpela memba i laik banisim olgeta rot insait long Bulolo eria we em i bin helpim long wokim taim em i stap long palamen.

❑ **ISTEN HAILANS:** Distrik Kot opis long Isten Hailans i wok long pulap na kapsait nau long ol meri. Dispela em ol mama husat i laik kisim mani bilong mentenens em ol papa i baim long lusim ol wantaim pikinini. Ausait long Goroka Distrik Haus Kot, bikpela lain mama stret i kamap long kisim ol mani bilong ol. Man husat i lukautim wok bilong kisim na givim ol dispela mani i tok ol i bin stat givim ol mani long Mande. Na dispela bai stap inap long wanpela wik. Long ol narapela samting, Nesenel Kot raun long Isten Hailans provins i bin stat long las wik na bai stap inap long tumora.

Komyuniti lida i no amamas long ileksen

WANPELA komyuniti lida bilong Bogia long Madang provins i no amamas long wanem samting i kamap bihainim long ileksen.

Albert Ruarri i tok ol wina bilong ol tripela sia long Madang i no bilong Madang. Namel long ol em tupela waitman na wanpela ausait man.

Ruarri i bin sutim tok long Peter Barter husat i winim sia bilong Madang provinsal na Tim Ward husat i winim sia bilong Boasia open.

Narapela man em Stanley Pil husat i winim sia bilong Madang open. Pil i bilong Hagen.

Ruarri i tok em bai amamas long lukim ol pikinini bilong Madang yet i holim ol dispela wok. Bikos ol bai klla gut long wanem samting em ol pipel i laikim long en.

Dispela komyuniti lida i tok em bai sapotim Peter Yama na ol lain bilong em long bringim dispela samting i go long kot.

Sinia mejistret i no amamas long ol Aitape plisman

FAY DUEGA i raitim

SINIA mejistret Orim Karapo bilong Vanimo i no amamas long rot ol plisman i wok long Aitape.

Em i mekim dispela toktok bihain long em i go long Aitape las wik long harim ol kot. Long wanpela kot, plis prosekyuta i no bin kamap tupela taim long kotim wan-

pela man long spak na mekim nabaut.

Sinia mejistret Karapo i no amamas long dispela olsem na em i tokim prosekyuta Henry Kikoli long sanap long ai bilong kot long Fraide na tok klia long wanem as em i no kamap long dispela tupela taim. Kikoli i kamap na tokaut olsem em i no kamap long wanem dispela man em tambu bilong em.

Bihainim ol dispela samting, Karapo i raitim pinis wanpela

pas i go pinis long Plis Komanda long Aitape, Sajen Roger Taro long dispela.

Long pas bilong em, Karapo i tokaut klia olsem mejistret long Aitape i no inap harim ol kot stat long las wik Fraide inap olgeta dispela samting i stret.

Mejistret Patricia Tivese bilong Aitape tu i bin raitim pinis planti pas i go long stesin komanda na komplek long ol dispela samting.

Pas bilong em i tok, "I luk

olsem ol plisman long oda i no mekim wanpela samting, maski dispela hevi bilong lo na Aitape i wok long kamap bikpela."

Sampela kain hevi olsem em long wanpela plisman husat i save yusim praivet ka bilong em long karim ol pasindia na kisim mani. Narapela em long planti man husat i save ronim ol wilwil long nait na i no gat lait long ol.

Nupela Morobe primia bai rausim ol setelmen

SAM YAKAM i raitim

MOROBE provinsal gavman bai skruim wok em olpela primia Jerry Nalau i bin lusim long en.

Nupela primia na memba bilong Buang Titi Christian i tok gavman bilong em bai karimaut Dregehafen Wan Plen bilong Nalau i go inap long 1995.

Primia Titi i mekim dispela toktok bihain long em i makim ol nupela minista bilong em long Tunde Julai 14, 1992. Aninit long mama plen bilong Dregehafen Wan Plen, Titi i tok em bai rausim olgeta setelmen long graun bilong gavman long Lae siti.

Long sapotim toktok bilong Primia Titi, provinsal minista bilong Edukesen, Isaac Narol i tok long givim olgeta sapot long skruim dispela wok long 1992. Em i tok long las yia, provinsal gavman i rausim pinis planti manmeri i go bek long ples bilong ol.

Na planti pipel i amamas long go bek long ol ples bilong ol. Long dispela as, provinsal gavman i putim moa long K20,000 long baim rot bilong ol dispela manmeri.

Tupela man go skul long Jayapura koles

TUPELA Papua Niugini studen i go skul nau long Abepura Katolik koles long Jayapura long Indonesia.

Dispela tupela man em Felix Kialoi bilong Madang na Andrew Pake bilong Manus provins. Tupela i bin lusim kantri na go long Jayapura long Sande Julai 5.

Felix na Andrew i namba wan studen bilong wanpela narapela kantri long go skul long Katolik koles long Indonesia. Olgeta studen long hap i save skul long tok ples Bahasa.

Tupela man ya i bin go stap 5-pela mun long Vanimo na lainim Bahasa pastaim long ol i go. Man husat i bin skulim tupela em Pater Peter Gonn. Bipo em i bin wok misin long hap olsem na em i save gut long tok ples bilong ol.

Klostu ol vot long Westen Hailans bagarap

WOK bilong kaunim vot long Westen Hailans provins inap bagarap sapos Ilektrik Komisn i no bin salim mani bilong baim ol poling opisa hariap.

Long Fraide, Jun 26, klostu long 3,000 poling opisa i bin go long provinsal hetkwata long kisim mani bilong ol. Ol i laikim pe bilong ol long 4 klok apinun. Na long 5 klok, ol i stat kaunim ol vot.

Namba bilong ol opisa i bin bikpela tumas olsem na ekting dipatmen seketeri bilong Westen Hailans, Oseah John i tokim ol long wet. Bikos ol wokman bilong Fainens opis i wok long putim yet ol pe long wan wan paket.

Aitape/Lumi laik kot

OL kendidet husat i bin resis long sia bilong Aitape Lumi i no amamas tumas. Olsem na ol i laik bringim dispela wari bilong ol i go long kot.

Dispela tingting i kamap long wanpela kibung em ol i bin holim tupela wik i go pinis. Ol i tok olsem long taim bilong ileksen, memba bilong Aitape Paul Mambei i bin grisim ol pipel na ol grup long votim em.

Ol dispela lain i tokaut olsem ol i gat inap ripot bilong soim kot olsem Mambei i bin yusim man na gris long kisim ol vot.



Pe bilong ileksen • Ol manmeri husat i helpim Ilektrik Komisen long kisim na kaunim vot i wetim potnait ausait long bikpela opis long Boroko, Mosbi long las Fraide.

LAE'S NO.1 USED CARS

Next Week Only

PNG Motors

"No.1 Car of the Week"

SUBARU 1600 DL SEDAN

This car is horrible, the paintwork is flat, the body is dented and the seats are torn. It drives ok but that is about all. It has no spare tyre or jack or tools but is only **K990.00**

In our yard we have quality, used cars at Bargain Prices, so don't delay...

TOYOTA DYNA WU90
Reg. No. AEV 308 This truck has done no heavy work, regularly serviced, good tyres, well cared for, excellent value. **K11,990.00**

TOYOTA DYNA 250
Very clean, new upholstery, new paintwork, ready for work. **K8,990.00**

SUZUKI SJ410 (SIERRA)
Reg. No. BAB036, White in colour - Good Cheap 4 x 4 **K4,500.00**

NISSAN NAVARA
4x4 Coffee Body Reg. No. ALA 713 Diesel Engine, Strong Tray, New Tyres **K8,990.00**

MAZDA E2200 EZY LOADER
Choice of 2 from **K3,990.00**



PNG MOTORS

This weeks specials apply to PNG MOTORS - LAE only.



• Ol plisman na soldia bilong nupela Jemani i stapim wanpela protes long Minik long Mande Julai 6. Ol manmeri bilong Jemani i bin protes taim lida bilong 7-pela bikpela kantri long wol i kibung long hap. Ol lida bilong Amerika, Kanada, Itali, Frans, Gret Briten, Japan na Jemani i bin kibung long lkonomi bilong wol.




• Wanpela paitman bilong Bosnia i putim san glas wantaim sen su, na sindaun smok arere long matmat klostu long Kosevo haus sik long Sarajevo long Sande Julai 5. Yunaitet Nesen i save saplaim helpim long balus i go pundaun long Sarajevo ples balus. Tasol pait namel long Bosnia na Krosia pipel i kamap klostu nau long ples balus, tasol dispela i no pretim ol balus long pundaun yet wantaim moa saptai long helpim ol trangu pipel.



• Ol plisman long Wasington, Amerika i raunim ol manmeri husat i bin protes long las wik. Ol i protes bikos bikos sampela plisman i bin sutim indal wanpela man, Jose Garcia.



• Andre Agassi bilong Amerika em nupela wol sempion nau bilong tenis. Em i winim dispela taitel bihain long em i autim Goran Ivanisevic bilong bilong Krosia long wik Mande Julai 6. Agassi holim pasim tropi em i winim, bihain long em i winim 5-pela bilong 6-pela set.



Ol lida blong 7-pela nem kantri long wol i bung • Praim Minista bilong Itali, Giuliano Mista Amato i painim ples bilong em long sanap wantaim ol arapela nem lida bilong wol. Long lep i go long raithan em Mista Delors (Kanada), Mista Miyazawa (Japan), Mista Mulroney (Frans), Mista Mitterand, Mista Kohl (Jemani), Presiden bilong Amerika George Bush, na Presiden bilong Gret Briten John Major.

POWER

to the people!

***IT'S THE GREAT RICE REVOLUTION
IN YOUR STORE NOW!***



**5 extra
King Size
Virginia**

**Winfield
25's**

Government Warning: Smoking is Dangerous to Health

Ol disebel long Aitape laikim senta

Ol disebel lain bilong Aitape na Lumi long Wes Sepik provins i laikim gavman i mas helpim ol long wokim wanpela senta bilong

ol. Tasol ol i no sindaun nating. Ol tu i mekim pinis sampela wok long bungim mani. Siaman bilong ol disebel long

Aitape, Joseph Era i tok olsem.

Em i tok longpela taim nau provinsal na nesenel gavman i lus tingting long ol. Era i wanpela disebel tu.

"Mipela i save stap long ol wan wan ples bilong mipela. Na mipela i painimaut olsem laip i hat tru. Olsem na mipela i laik wokim wanpela senta we mipela i ken stap wantaim na helpim mipela yet," Era i tok.

Era i tok olsem, ol i bin mekim sampela samting pinis long bungim mani tasol dis-

pela i no inap. Na tu ol i stretim tok pinis wantaim Dipatmen bilong Praimeri Indastri long kirapim wanpela kakaruk projek. Olsem na nau ol i singaut long provinsal na nesenel gavman long helpim ol.

Era i tok ol lain husat i laik givim sampela helpim long ol long mekim dispela driman kamap tru i ken salim pas i go long dispela adres: The Secretary, Aitape/ Lumi Disables, C/- District Manager, Aitape, Wes Sepik Province.

Bod laikim gavman sekap

i kam long pes 3 wok wantaim bod long trenim lokel pipel long kamap wasman bilong turis. Ol dispela lain bai lainim ol we bilong lukautim na tokim ol turis long ol kalsa bilong ol.

long kantri. Em i tok em i save olsem Yuropien Ekonomik komyuniti (EEC) i bin givim sampela mani long PNG gavman. Dispela em bihain long kibung bilong ol long Lomes. Ol i bin givim mani long kirapim wok turis long ol nupela kantri olsem PNG.

Ol Lai i pait bihain long vot

BIKPELA pait i bin kamap long ples Lai long Sauten Hailans provins bihain long ol i pinis long kaunim ol vot.


Pait i bin kamap bihain long ol i tokaut long nem bilong ol kendidet husat i win long ileksen. Ol lain husat i pait em ol lain long lowa Lai na Apa Lai.

Siaman bilong kot long hap, Kisomb Parom i tok

ol lain sapota bilong wanpela kendidet, Joe Kopol i bin statim dispela pait. Dispela pait i stat long Sande, Julai 5 taim ol sampela lain i bagarapim 5-pela meri. Ol meri ya i bin wokabaut i go bek long ples, bihain long ol i go long wanpela singsing taim dispela birua i kamap. Long dispela taim tu, pikinini bilong wanpela long ol meri ya i lus.

Namba bilong PNG i wok long go antap

MESERY GUBAG I raitim



• Mausman bilong Yunaited Nesens Populesen Fan (UNPF) long Papua Niugini, Siba Dass i givim ol toktok bilong em long semina long Mosbi. Foto: Mesery Gubag.

OLGETA yia Papua Niugini i wok long kamapim 86,000 ol nupela manmeri.

Na sapos yumi i no mekim sampela samting long mekim populesen bilong yumi i gro isi isi, PNG bai gat planti moa hevi olsem ol narapela kantri.

Dispela em hap tok bilong mausman bilong Yunaited Nesens Populesen Fan (UNFPA) long PNG, Siba Dass.

Wanpela wok painimaut ripot bilong Yunaited Nesens i soim olsem long 1990, populesen bilong Papua Niugini i bin stap olsem 3.7 milion. Na olgeta yia em i wok long go antap long 86,000 pipel. Namba bilong ol pipel bai i go antap long 7.4 milion bihain long 30 yia taim.

Em i bin tok olsem long makim Wol Populesen De. Dispela de i save kamap long olgeta Julai 6 long wan wan yia. Tasol long Papua Niugini, ol i bin makim dispela de long Sarere, Julai 11. Klostu long 100 pipel i bin kamap long bung long Mosbi.

Em i bin mekim dispela toktok long wanpela semina bilong 'Ol meri, populesen na we bilong kamapim gutpela sindaun'. Dipatmen bilong Hom Afeas na Yut i bin holim dispela semina long Mosbi.

Dass i tok dispela de i bilong stap na tingim ol senis i kamap long graun bilong yumi.

Sampela senis i gutpela na sampela i nogut. Olsem na dispela em i taim bilong painim sampela we bilong stapim ol hevi olsem bikipela populesen, no gat inap graun, wara, wok na ol kain samting olsem.

"Insait long PNG, UNFPA i sapotim ol projek bilong ol meri. Dispela em ol projek bilong kamapim gutpela sindaun bilong ol meri. Na em i long skul, trening bilong wok na helpim ol meri long wokim ol samting long salim na kisim mani," Dass i tok.

Em i tok wanpela wok painimaut i soim olsem planti meri husat i no go long haikul i save karim samting olsem 7-pela pikinini. Ol meri husat i go long haikul i save gat tripela pikinini na daunbilo. Dispela i soim olsem sapos yumi no mekim wanpela samting long skulim ol lain bilong yumi nau, bai bikipela hevi i kamap long taim bihain.

Dass i tok bikipela populesen i save

kamapim planti hevi, na as bilong dispela semina i bilong klaim tingting bilong ol pipel long PNG long luksave long dispela hevi. Ol provins ausait long Mosbi i salim ol mausmeri bilong ol i kam long dispela kibung.

Ol dispela meri i bin stap insait long wan wik kos long lainim sampela we bilong helpim ol lain bilong ol taim ol i go bek long ol provins bilong ol. Na Sarere Julai 11 i bin makim las de long kos bilong ol.

Tingim ol senis long Wol Populesen De

WOL populesen de em i taim bilong amamas long laip long dispela graun.

Dispela em tok bilong eksekutiv dairekta bilong Yunaitet Nesens Populesen Fan UNFPA), Dokta Nafis Sadik.

Dokta Sadif i tok long dispela taim, ol pipel i ken sindaun na tingim ol senis i bin kamap insait long laip bilong ol.

Em i tok olsem long graun bilong yumi nau, i gat klostu long 5.5 bilion pipel. Na dispela em i wanpela bikipela samting, long wanem, namba bilong ol pipel i kamap bikipela hariap tru. Na nogut bai i no gat inap graun long ol pipel bilong stap long en.


Planti kain samting olsem gro bilong populesen na westim nating kaikai i helpim long mekim hevi bilong wol i bikipela moa. Em i tok yumi mas traim stapim ol sampela senis i wok long kamap.

Dispela em ol samting we yumi save yusim na kamapim ol samting nating. Sadif i tok yumi mas askim yumi yet long traim na painim ol ansa long ol dispela hevi. Em i tok bikipela samting tru em long mekim dispela graun i stap gut bilong ol pikinini long taim bihain.

NOKEN PEIM MOA LONG OL STOA!



10t



10t



10t



10t



5t

"NAU 63% BIKPELA MOA!"

Sapos ol askim moa...go long narapela stoa!

Steretim rot long Girinumu

Dia Edita,

Mi wanpela manki bilong Sauten Hailans tasol nau mi stap long Girinumu blok long Mosbi.

Mi laik autim liklik wari bilong mi i go long Dipatmen bilong Woks na Trensport.

Mi lukim olsem dipatmen i no luksave long wanpela rot i go long Girinumu blok.

Rot ya i stat long Sogeri Kaunsil Semba na go olgeta long ples mi stap long en.

Long olgeta de, planti ka i save ran long dispela rot. Na rot i luk olsem wanpela bikpela haiwe stret.

Ol draiva save kam lusim ka long Girinumu na wokabaut i go long Kokoda Trail long Noten provins.

Olsem na mi laikim Dipatmen bilong Woks na Trensport long stretim dispela rot.

Edward Kunis
Welfe Senta
Sogeri, Mosbi

Asua bilong lo na oda stap long han bilong ol palamen lida

Dia Edita,

Long kantri bilong mipela, ol lida i save toktok planti long hevi bilong lo na oda i kamap bikpela. Na gavman i givim planti mani long plis fos long stretim dispela hevi.

Dispela singaut na kra i bilong ol lida em ol samting bilong lap. Tru, hevi i kamap na mipela i pilim. Mipela ol manmeri long ples i wari na i wok long askim, "Watpo ol dispela samting nogut i wok long kamap?"

Em i olsem sampela lida long gavman i bagarapim pablik mani. Na taim ripot bilong dispela i kamap ples klia, ol dispela

lida bai risain na ranawe i go hait olgeta.

Mipela ol pipel long ples i harim. Na dispela em eksampel mipela tu i bihainim.

Mipela tu i stil. Tasol mipela ol manmeri long ples na rot i no inap long risain o abrusim ol dispela rong. Nogat.

Gavman i strongim lo pinis. Olsem na mipela bai i mas kalabus yet. Tasol olsem wanem long lida long palamen husat i paulim pablik mani? Ating dispela em i narakain lo long ol dispela em ol manmeri long ples na rot i brukim.

Narapela samting em ol pipel i gat tingting long gavman i

helpim ol. Tasol helpim i no kam. Na mipela i harim olsem ol lida i bagarapim wok.

Em nau. Sampela lain bai tingting long mekim rabis pasin olsem kilim narapela man nating, mekim pamuk pasin, hensapim ol opis na kisim pe bilong ol wokman, na hensapim ol PMV ka long haiwe.

Yes, husat i asua long hevi bilong lo na oda insait long kantri bilong mipela? Em ol lida yet.

Joseph To Ngong
Malakuna Namba 4
KOKOPO

Baim gut ol wokboi

Dia Edita,

Mi wanpela manki Madang tasol nau mi stap long Rabaul, Is Nu Briten provins. Mi laik autim liklik wari i go long ol man husat i gat bisnis insait long Rabaul.

Planti taim mi lukim ol bisnisman kisim ol man nabaut long kamap wokboi bilong ol. Wari bilong mi em olsem. Planti bilong ol dispela bisnisman i no save baim gut wokboi bilong ol. Ol dispela wokboi i save wokhat nating inap wan o tu mun.

Planti wokman i save lukim dispela na lusim wok. Dispela kain pasin i no stret.

Yu husat bisnisman i laik kisim wokman yu mas i gat inap mani long baim ol. Long dispela kain hevi tasol na planti raskol pasin i kamap long provins bilong yumi.

Tom Masi
RABAUL

TOKSAVE I KAM LONG EDITA:
Wantok Niuspepa i no inap long putim nem bilong ol manmeri long dispela Painim Pren pes, sapos yupela putim giaman nem long leta na salim i kam.
Ol pas i gat trupela nem taso! bai stap insait long dispela pes.

Kantri i mas lukautim gut ol rabisman

Dia Edita,

Mi wanpela man bilong Simbu tasol nau mi stap long Kamkumung blok long Lae siti. Mi laik autim wari bilong mi long pablik. Wari bilong mi i olsem.

Yumi Papua Niugini save kolim yumi yet Kristen kantri. Tasol yumi no save helpim ol rabisman bilong yumi.

I luk olsem yumi save kolim yumi Kristen long maus tasol. Sapos ol lida bilong yumi painim sampela rot long lukautim ol dispela lain olsem wokim wanpela kompaun bilong ol, em bai i gutpela tru.

Ating ol i laik helpim ol gutpela manmeri tasol. Na lus tingting long ol trangu ya. Na tu ol sios i no laik traim helpim ol lain ya. Sapos ol i kolim nem bilong God long wok bilong ol, ol i mas traim na mekim wok bilong Bikpela tru.

Ritim Baibel long Luk16: 19-31.

Otto Kupai
Morobe Provins



Sampela kendidet na sapota i no mekim gutpela pasin long brukim ol balot bokis

Dia Edita,

Mi no amamas long rabis pasin sampela kendidet wantaim sapota bilong ol i wokim long taim bilong 1992 ileksen.

Ol kendidet wantaim ol sapota i bin go na mekin trabel long taim bilong kaunim vot.

Kain pasin ol sapota i mekim long brukim balot bokis na pretim ol wokman bilong ilektrol komisin i no gutpela tumas. Trangu dispela ol wokman i mekim wok bilong ol tasol.

Yupela mas save olsem ol pipel yet i save lukim man na vot. Sapos ol i no laikim yu, ol i no inap givim vot long yu. Olsem na yupela noken krosim ol wokman bilong ilektrol

komisin. Ol i kaunim tasol namba bilong vot em ol lain long ples i givim.

Na yupela mas pret long lo na maski soim strong bilong yupela na brukim ol balot bokis. Noken bagarap vot bilong sampela sapos yu save olsem yu i no inap kisim planti namba long wanpela bokis.

Dispela pasin bilong brukim balot bokis i save stapim sans bilong sampela gutpela lida em ol pipel i laikim. Gutpela lida inap lus sapos ol bikhet man i belhat na brukim balot bokis em ol i save dispela man ya i gat planti pipel i votim em.

Wokomi Kuwak
MOSBI.

Ol Sepik na Hailans noken kros

Dia Edita,

Mi wanpela manki i save laikim tru long ritim *Wantok Niuspepa*. Tasol mi save les long lukim ol man i komplem long narapela ol lain.

Sampela taim i go pinis, mi bin lukim sampela pas bilong ol lain long Hailans i komplem long ol Sepik, na ol Sepik tu i komplem long ol Hailans.

Ol lain long Hailans i no laikim ol manki Sepik i putim Hailans hat. Na ol lain long Sepik i no laikim ol Hailans i karim Sepik basket.

Mi no amamas long dispela kain pasin bilong kros na daunim tingting bilong ol arapela o brata na susa.

Yupela ol brata na susa bilong

Hailans na Sepik i mas tingting pastaim bipo yupela kisim pen na pepa na raitim pas long autim wari bilong yupela.

Yupela mas save olsem wanem samting yupela i salim long maket na ol manmeri i baim i no bilong yu moa. Olsem na taim ol dispela lain i laik wokim stail o salim ken, em laik bilong ol.

Bikos ol man i lusim mani bilong ol long baim dispela samting.

Na ol i gat olgeta rait long mekim samting em ol i ting i gutpela long ol long dispela samting yupela salim long ol pinis.

David Mowe
WEWAK.

Daunim prais bilong ol seken en klos laplap

Dia Edita,

Mi wanpela meri Bulolo. Mi laik autim wari bilong mi go long ol lain i save salim seken en klos.

Long Bulolo mi lukim ol dispela lain i save sasim bikpela mani tru. Prais bilong ol klos long seken en i save winim ken prais bilong klos em ol i salim long stua.

Yupela ol lain i save salim seken en klos i mas save olsem dispela ol klos yupela i salim em ol olpela klos. Ol lain i yusim pinis dis-

pela klos na yupela i laik apim prais i go antap ken.

Dispela ol klos i no nupela. Olsem na yupela mas daunim prais i go daun long K3 o K4. Na noken apim prais i go antap long K8 o K9.

Maryanne Baulos
BULOLO.

Ol Hailans mas lukautim gut ol nambis meri

Dia Edita,

Mi bilong Mendi tasol nau mi stap long Kudjip ti plantesin long Hagen.

Taim ol man hailans i save go long nambis, ol i save maritim ol meri long hap, na kisim i go bek long ples bilong ol.

Na taim ol i go stap long ples bilong ol nau, ol i save paitim ol trangu meri ya, na givim ol hatwok tru. Mi lukim dispela kain pasin na mi no amamas.

Mi laikim ol dispela man i mas lusim pasin olsem. Bilong wanem ol dispela meri i lusim ples na papamama bilong ol, na i kam maritim yumi. Olsem na yumi mas lukautim ol gut.

Baibel i tok olsem marit i bikpela samting long ai bilong God.

Mi no amamas long dispela pasin yumi ol hailans i save mekim.

Yasi Kamburu Owi
HAGEN.

Ol PMV bas long Wewak mas stretim gut sia bilong sindaun

Dia Edita,

Mi wanpela meri bilong Is Sepik provins. Mi laik autim wanpela wari bilong mi long *Wantok Niuspepa*.

Belhevi bilong mi stap wantaim papa bilong ol PMV bas hia long Wewak. Sampela bilong ol dispela bas i nogat gutpela sia bilong sindaun.

Bilong wanem na sia ol bilong bas i bruk nabaut, na ain tasol i stap.

Papa bilong ol bas i save kisim bikpela mani. Tasol ol i no tingting long stretim ol dispela sia o kisim nupela sia bilong bas. Pes bilong ol i olsem mani.

Lucy Wira
WEWAK

Poris painim Michael Kuli

Dia Edita,

Mi painim wanpela pren bilong mi husat i save stap long Mosbi. Longpela taim mi bin lusim em. Na mi no save long em i stap long wanem hap nau.

Nem bilong em Michael Kuli. Na em i bilong Kuragumun ples insait long Yangoru long Is Sepik provins.

Sapos yu husat manmeri save long Michael, plis toksave long em bai em i ken rait long mi.

Gabriel Poris
P.O.Box 184
Kokopo, Rabaul
E.N.B.P

Redio Wes Nu Briten mas tingim ol lain bilong narapela provins tu

Dia Edita,

Mi wanpela manki bilong Niugini Ailan. Tasol nau mi stap long Kimbe long Wes Nu Briten provins. Na mi gat liklik bel hevi long ol wokman bilong Redio Wes Nu Briten. Olsem na mi laik autim long *Wantok Niuspepa*.

Nau yet mi save harim Redio Wes Nu Briten. Tasol planti taim mi no save harim singsing bilong ol arapela provins. Mi save harim singsing bilong Wes Nu Briten tasol na yau bilong mi i sua pinis.

Olsem na mi laik askim ol dispela wokman, inap yupela pilai sampela singsing bilong ol arapela provins? Sapos nogat orait, pilai wanpela o

tupela tasol long progrem bilong yupela.

Bikos Wes Nu Briten i pulap nau long manmeri bilong ol arapela hap. Na ol i gat laik long harim singsing bilong.

Maski long gridi long redio bilong yupela. Na pilai singsing bilong yupela tasol.

Nau yet sapos yu wanpela man bilong Wes Nu Briten i stap long Is Sepik, yu bai harim singsing bilong Wes Nu Briten long Redio Wewak.

Olsem na plis yupela ol wokman bilong Redio Wes Nu Briten i mas tingim mipela ol pipel bilong arapela hap.

George Yal
BIALLA

Ol Mendi boi, stapim pasin bilong stilim mani long poket bilong ol manmeri

Dia Edita,

Mi wanpela manki Hagen tasol nau mi stap long Mendi taun long Sauten Hailans provins. Mi save raun na lukim planti yangpela man i raun na pulim mani long poket bilong ol lapun manmeri. Na tu long sampela yangpela manmeri taim ol i kalap long ol PMV bas long bas stap.

Plis papamama bilong ol dispela pikinini. Traim

na tokim ol long planim kaikai long gaden, na salim long maket long kisim mani.

Na ol manki long Mendi taun, inap yupela lusim dispela pasin bilong pulim mani long poket na bilum bilong ol manmeri?









John Nepo Aiko
Sugu Fam
MENDI



CELEBRITY



A TREAT TO EAT



STAP LONG:

BROMLEY & MANTON STORES
 STEAMSHIPS JOINT VENTURE STORES
 COLLINS & LEAHY STORES
 FREDDY CHAN,
 JAMES CHUNG,
 RABTRAD,
 SEETO HUNG,
 SUN YAU ENTERPRISES,

RABAU
 RABAU
 LAE, MADANG, RABAU, BULOLO
 RABAU
 PORT MORESBY

RECIPE 4

**COCONUT CREAMED NOODLES
 CELEBRITY PORK LUNCHEON MEAT**

Samting bilong kuk: 1 paket noodles, 1 raun onion, 1 kap kokonas milk na 1 300g Celebrity Pork Luncheon Meat.
Wei bilong kukim: Katim onion igo liklik na boilim wantaim kokonas milk long sospan. Putim noodles insait tu na weit inap em kuk. Katim 300g Celebrity Pork Luncheon Meat igo liklik liklik na putim insait tu. Taim olgeta samting i kuk, sevim wantaim kuk rais na katim spring onion igo liklik liklik na putim wantaim.



Nem: Simon Michael
Krismas: 16
Adres: St Xaviers High School, P O Box 107, Kairiru Island, East Sepik Province.
Hobis: Raitim pas, harim regei musik, pilai soka na tok pilai wantaim ol poroman bilong mi.

Mi yet mi bilong Kairiru ailan, na mi laik mekim pen pren wantaim ol yangpela manmeri husat i gat wankain krismas olsem mi. Sapos mi kisim planti pas, mi promis olsem bai mi givim sampela long ol wan skul bilong mi long bekim.

Nem: Unns Aumia
Krismas: 21
Adres: PO Box 299, KIMBE, West New Britain Province.
Hobis: Mi save laikim long pilai gita, soka, ragbi lig, harim musik na lukim TV.

Mi laik mekim pen pren wantaim ol yangpela manmeri long Papua, Niugini Ailan, na Momase rijon.

Nem: Nelson Wafi
Krismas: 22
Adres: P O Box 162, KIMBE, West New Britain Province.
Hobis: Ol samting mi save laikim long mekim long fri taim bilong mi em pilai soka, ragbi lig, na tu mekim pren wantaim ol nupela pren.

Makim gutpela lida na gavman

Dia Edita,
 Mipela olgeta i save pinis olsem palamen bai i bung long dispela Fraide na makim nupela praim minista na gavman.

Mipela ol grasrut pipel i wet tasol long lukim ol 109 lida bilong mipela i mekim stretpela tingting, na makim wanpela stretpela praim minista, na tu gavman bilong lukautim mipela.

Mipela ritim niuspepa na harim long redio olsem ol nupela na olpela memba i winim ileksen i toktok i go i kam nau. Sampela i tok kantri mas i gat wanpela praim minista i kam long Papua.

Sampela Hailans i tok olgeta memba long antap i mas bung wantaim na makim oposisen lida, Paias Wingti olsem praim minista.

Sampela i tok Praim Minista Rabbie Namaliu i mas risain olsem lida bilong Pangu, bai nupela man i kisim ples.

Sampela i tok papa bilong kantri, Sir Michael Somare i mas kamap praim minista gen.
John Kemu GOROKA

Ombudsmen Komisen mas sekim Namaliu na Pora

Dia Edita,

Mi laik askim Ombudsmen Komisen long mekim wok painimaut long Praim Minista Rabbie Namaliu na Fainens Minista Paul Pora. Mi bilip tupela i as bilong paul pasin em i bin kamp long gavman bipo long ileksen.

Long planti taim, tupela i bin autim tok olsem i nogat mani bilong mekim wok long olgeta hap bilong Papua Niugini. Bikos



• Namaliu

long bikpela hevi bilong Bogenvil ailan.

Long lukluk na bilip bilong mi, tupela bikman ya i giamanin



• Pora

stret mipela ol pipel bilong PNG.

Hamas tausen kina ol i bin baim i go long ol memba bilong palamen olsem Tony Ila, na

ol arapela husat i kamap pinis long Lidasip Traibunel, tasol ol i winim ileksen na kam bek gen nau.

Ol dispela mani, gavman i ken yusim gut long kamapim sampela gutpela wok long kantri.

Tasol gavman i yusim dispela mani long holim pawa long gavman.

Joseph To Ngong Malakuna Namba 4 Viles KOKOPO

Higaturu wel pam mas apim pe bilong ol wokman

Dia Edita,

Mi laik autim wari bilong mi i go long ol bosman bilong Higaturu wel pam long Noten provins.

Mi save olsem las taim ol i apim pe bilong ol wokman em long 1988. Bihain long dispela taim i kam inap nau, pe i no go antap moa.

Planti wokman i no amamas long dispela samting, na ol i askim Higaturu wel pam wokas yunien long pait hat long dispela hevi. Bikos nau yet prais bilong ol samting long stua i go antap. Na ol wokman i no inap baim planti kaikai long dispela liklik mani ol i kisim.

Kampani i no ken tingting tumas long wokim mani. Em i mas tingting tu long laip na sindaun bilong ol wokman tu.

Ol wokman i stap na kampani i stap. Sapos ol wokman i les long wok, kampani bai i no inap wokim mani.

Olsem na mi askim ol bos long lukluk long dispela samting, na stretim dispela hevi hariap.

P. Sisipira POPONDETA.

Ol PMV pasindia long Popondeta i no save sindaun gut long ka

Dia Edita,

Mi wanpela manki Goilala tasol nau mi stap long Popondeta.

Mi laik autim wari bilong mi i go long ol pasindia husat i save ran long PMV.

Planti taim mi save lukim ol pasindia i no bihainim lo bilong trafik. Dispela ol pasindia i laik sindaun antap long sait bilong ka na ol hap ain nabaut.

Sampela pasindia i laik hangamap long treila bilong ka. Sampela i laik sindaun antap long sel bilong PMV.

Mi no amamas long dispela kain pasin. Bikos ol pasindia i laik painim birua ya.

Mi askim provinsal plis komanda na ol lain plisman bilong em long Popondeta long lukluk long dispela samting. Dispela pasin i bin kamap longtaim yet, na ol plis i no mekim wanpela samting long stapim.

Olsem na mi askim ol plis long Popondeta long lukluk strong na holim pasim ol pasindia i save mekim olsem.

P. Sisipira POPONDETA.

Tony Gende, yu stap ye?

Dia Edita,

Mi painim pren bilong mi. Nem bilong em Tony Gende. Em i bin go long Goroka long 1990, na i no kam bek long mi. Mi no save long wanem hap tru Tony Gende i stap nau.

Sapos yu husat brata o susa i save long wanem hap Tony i stap, inap yupela i raitim pas na tok save long em o tokim Tony long raitim pas long mi long dispela adres.

Marianne. R. Kimzie P.O. Box 1086 Port Moresby, NCD

Maski sotim laip bilong ol yangpela soldia long Bogenvil

Dia Edita,

Mi wanpela yangpela manki Nambayufa long hap bilong Isten Hailans provins tasol nau mi stap long Mosbi.

Mi save wari tru long lukim long niuspepa na harim long redio olsem ol yangpela soldia i dai long Bogenvil. Mi save askim mi yet bilong wanem na gavman i salim ol nupela soldia boi i go long Bogenvil?

Mi save wari long ol dispela yangpela soldia. Bikos ol i nogat planti save long wok bilong ami yet, na ol bos bilong ami i save larim ol i go pait. Dispela 6-pela mun trening i no inap.

Bilong wanem na ami i no laik salim ol olupela soldia husat i wok longpela taim pinis. Ol olupela lain i gat planti save long pait.

Ating ami i laik larim ol yangpela soldia long dai hariap. Yupela mas sore liklik long papamama bilong ol yangpela soldia husat i lusim bikpela mani long baim skul fi.

Planti bilong ol dispela boi i gat longpela laip, na maski long sotim laip bilong ol. Ol i gat gutpela samting tu long wokim long bihain taim.

Mobeta yupela salim ol maritman i go long Bogenvil, bikos ol i gat tenis pinis.

Selwyn Kundi MOSBI.

Maski spak nabaut long taim bilong Len a Gut Fraide

Dia Edita,

Mi gat wanpela liklik komplek i bihainim mipela ol bilip manmeri bilong dispela graun. Sapos mipela i gat bikpela bilip long Jisas Kraus olsem Redima bilong mipela, mipela i mas amamas gut long taim bilong Len o Gut

Fraide.

Mi autim dispela tingting bikos planti taim mipela tingim mipela yet. Na lus tingting long Jisas i karim pen bilong mipela long Diwai Kros.

Olsem na mipela ol bilip manmeri i mas lus tingting long pasin bilong holim botol bia

long taim bilong Len a Gut Fraide.

Em i tru olsem mipela olgeta i no santu long dispela graun. Tasol mipela i mas lusim liklik ol samting bilong dispela graun, na tingim liklik Bikpela bilong mipela, Jisas Kraus.

Mipela mas save olsem Jisas Kraus i rausim tudak na bringim lait long mipela. Mipela i mas tingim gutpela laip long bihain taim. Noken tingim ol amamas bilong dispela graun, na mekim nabaut long de bilong tingim Bikpela bilong mipela.

Em tasol liklik toktok bilong mi.

John Talom Kuraip Katolik Misen RABAU

Ol Saina mas rispektim pablik holide na noken opim stua

Dia Edita,

Mi laik autim liklik wari bilong mi long *Wantok Niuspepa* long sampela samting em mi lukim i no stret long ai bilong mi.

Planti taim mi save lukim ol Saina i save opim stua bilong ol long ol pablik holide. Mi no amamas long dispela pasin. Mi ting olsem ol i no gat rispek long gavman na kantri bilong mipela.

Olsem na mi laikim gavman long mekim sampela kain lo we inap long

kalabusim ol lain husat i mekim dispela pasin. Ol Saina i laik mekim tasol mani na i no tingting long rispektim de bilong malolo em gavman i putim long tingim sampela bikpela samting em i kamap bipo.

Na tu ol i no save pasim stua long Sande.

Yupela ol Saina mas save olsem Sande em i taim bilong lotu. Na maski long wok long dispela taim.

Leonard Kivoko BOROKO

Ol nambis pipel i no strong long ol hailans

Dia Edita,

Mi wanpela longlong blut bilong Papua Niugini, nau yet mi stap long Lae siti. Mi save ritim *Wantok Niuspepa* na mi save lukim ol man i komplek long rausim ol hailans. Bikos ol i save bagarapim ol taun.

Mi sapatim toktok bilong ol dispela lain husat i save komplek long rausim ol hailans. Tasol mi no amamas long pas bilong brata Tiss Kepas. Pas bilong em i bin kamap long Epril 9, 1992. Em i tok ol hailans i stap na ol nambis pipel i stap.

Brata Tiss, mi laik save wanem as tru na yu mekim ol dispela toktok. Olsem wanem sapos mipela i rausim yupela, bai yupela tanim graun?

Brata yu tok olsem sapos ol hailans i lusim taun

na siti na go bek long ples, no gat man bai klinim taun na bus bai karamapim. Bikos yu bilip olsem mipela ol lain long nambis i no fit long wok na lukautim taun.

Mi laik tokim yu olsem ol lain long nambis i les long lukim yupela. Bikos yupela save mekim nabaut, na slip nabaut long as bilong ol diwai. Na tromoi pipia na spetim buai long wanem hap yupela laik. Dispela kain pasin bilong yupela i save bagarapim ples.

Mobeta yupela go bek long hailans na stap long provins na taun bilong yupela yet.

Nelson Ma'a 4 Mail LAE.

Pihole painim Nulute long taim bilong woa yet

Dia Edita,

Mi painim wanpela pren bilong mi. Nem bilong em Nulute. Na em i bilong Maruhia Keanari long Madang. Mi bin lusim em long taim bilong woa yet.

Em i mas stap nau long Rabaul o Kavieng.

Plis, yu husat man o meri i save long dispela man, tokim em long rait i kam long mi. Hia em adres na nem bilong mi:

Ipakuo Pihole C/- Asaroka Lutheran High School, P.O. Box 570, GOROKA Eastern Highlands Province.

YU NO INAP WINIM TOYOTA HILUX

Dispela kar tasol em i bikpela na strongpela 1 tonne 4 wil draiv kar insait long Papua Niugini nau. Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap bilong Papua Niugini i sapatim dispela nupela kar.

Ela Motors

NAMBAWAN LONG
PAPUA NIUGINI

- PORT MORESBY 229400
- LAE 433655
- RABAUL 921988
- MADANG 822188
- GOROKA 721844
- MT HAGEN 521888
- WEWAK 862255
- KAVIENG 942132
- KIMBE 935155
- TABUBIL 589060
- VANIMO 871254
- PORGERA 579367



EM 4249

Namba wan nesanel yut trening kamap long Huon Galp

SANANG ZAZORING i raitim

DISPELA em i namba wan taim bilong nesanel yut progrem long holim namba wan trening bilong en insait long Bundun konprens senta.

Bihain long 6-pela wik kos, ol 26 yut lida bilong Huon Galp long Morobe provins i bin greduet wantaim setifiket bilong projek menesmen na lidasip.

Greduesen bilong ol i bin pulim planti man i go long Bundun konprens senta. Wapela bilong ol em Stoney Kumalo - nesanel dairekta bilong yut progrem long Papua Niugini.

Stoney Kumalo i bin tok dispela em i traim progrem long painim rot bilong daunim pasin nogut.

Em i tok ol yet i kisim hevi bilong ol bikipela manmeri i no luksave long ol.

Dispela progrem ol i bin statim



• Wapela yut grup bilong Bundun i go pas wantaim wapela singsing tumbuna na bringim ol lain husat i greduet long senta i go long ples bung bilong kisim ol setifiket bilong ol.

long 1990 wantaim 2.2 milion kina gavman i putim long traim dispela progrem. Kumalo i tok, taim bilong karim brif kes na bihainim

ol politisen i mas pinis nau. Em i tok, yumi i no ken wet long ol arapela i putim spun kaikai long maus bilong yumi.

Kumalo i tok strong long lusim pasin bilong kisim fri mani. Em i tok long dispela rot, samting olsem 12.5 milion kina i lus nat-

ing. Long dispela as Kumalo i tok - nau yumi mas senisim sistem i go long rot bilong kisim dinau mani na bihain bekim. Long mekim olsem, 2 milion kina ol i putim long egrikalsa beng bilong yusim.

Em i tok, ol yangpela manmeri i mas save long lukautim kopi pas-taim ol i ken askim long kisim dinau mani. Em i mekim wapela gutpela tok long ol yut olsem, "Mi bilip olsem Dokta Urich Bermann i no lainim yupela long kamap raskol o menesa bilong wok raskol na raun nating."

Em i tok ol yangpela i mas save long wokim gaden na wok wantaim ol komyuniti long ples.

Yupela i mas soim samting tru yupela i bin lainim long dispela trening.

Ol meri Madang toktok long envairomen

LONG Sarere 25 Epril, ol meri Madang i bin bung long Mirap long not kos rot long toktok long envairomen.

Ol meri bilong Mirap Katolik Wimens Grup i bin lukautim dispela bung bilong ol meri. Na moa long 500 na man tu i kamap.

Long dispela taim, ol meri Mirap i bin soim wapela gutpela pilai drama long wanem samting inap kamap bihain sapos ol papa graun i no tingting gut pastaim na salim ol bus na graun bilong ol. Na tu, Adik Gulali, wapela asples Madang i bin toktok long bikipela wok bilong lukautim gut ol bus, graun, wara na solwara bilong yumi.

Bihain long dispela toktok, ol meri i bruk i go long ol liklik grup bilong toktok long wanem samting bai gavman, ol kampani na ol papa graun i mas mekim long helpim gutpela lukaut bilong envairomen. Sampela taim ol papa i save amamas long salim asples, tasol ol mama i save bungim kain kain hevi.

Olsem na long dispela bung, ol meri i bin kamapim ol kain tingting olsem:

- ol papa graun i no ken givim tok orait moa long ol kampani i kam insait na bagarapim ol bus, graun, wara na solwara;

- ol papa graun i mas save olsem amamas i bilong sotpela taim tasol. Laip bilong famili em i bikipela

samting. Ol papa graun i mas tingting gut bikos long taim bihain bai:

1. ol i kisim diwai bilong wokim haus long wanem hap;
2. ol i planim kaikai tasol kaikai i no inap kamap gut;
3. ol i kisim abus long wanem hap;
4. ol famili i bungim kain kain hevi; na
5. planti ol arapela wankain hevi.

- ol papa graun i no ken hariap long oraitim ol kampani i kam insait wok. Ol i mas kisim tu tingting bilong ol arapela lain olsem ol meri, famili, ol wanpisin, Aoples Madang, ol manmeri bilong lo na planti arapela grup na oganaisesen;

- lenona kampani i mas bilong ol pipel bilong ples, na i no bilong tupela o tripela bikman tasol;

- ol papa graun i mas kisim tok save o stori long pasin bilong kampani na skelim gut pastaim long ol i sainim tok orait;

- ol tingting na laik bilong ol papa graun i mas stap insait long ol pemit o tok orait bilong wok;

- ol i mas save olsem ol diwai i bilong ol papa bilong graun.

Miwaute na Wilbeite rot i pas nau

OL papa bilong graun long Miwaute na Wilbeite long Lumi, Wes Sepik provins i pasim pinis wapela rot namel long Aitape na Lumi.

Ol i mekim olsem long wanem rot ya i luk olsem haiwe stret. Na ol i tok sapos ol pipel i laik yusim dispela rot, ol i mas tokim provinsal na nesanel gavman long wokim gut.

Ol i bin stapim dispela rot long Jun 30. Na long dispela taim i kam inap nau, ol pipel husat i laik go long Lumi na Aitape i flai tasol long balus.

Dispela bus rot i bilong ol lain Miwaute. Long bipo, ol save yusim dispela rot long go daun long nambis na senisim ol kaikai bilong ol na kisim ol samting bilong nambis i go bek long ples. Bihain ol kiap na ol misineri i yusim long mekim ol wok bilong ol.

Bihain, planti ol lain nabaut i yusim dispela rot na wokim olsem bikrot.

MESERY GUBAG i raitim

WANPELA meri i kamap namba wan meri long stap insait long bod bilong Nesanel Hausing Kopresen long Papua Niugini.

Dispela meri em Josephine Gena husat i save wok olsem Asisten Seketeri long divisen bilong ol meri wantaim dipatmen bilong Hom Afeas. Long Tunde, Julai 7 Jas Tomarum Konilio bilong Nesanel Kot i bin givim wok bilong memba long bod i go long Josephine Gena na Graeme Dunnage, menesa bilong maketing na spesel projeks long wapela kampani bilong ol haus ol i kolim long "The Professionals". Narapela nupela memba bilong dispela bod em John Kalele. Kalele i menesa bilong wapela kampani bilong ol akaunten ol i kolim long "JK & Associates".

Dispela nupela bod i bin holim namba wan

Memba laikim Ombudsmen sekim ol pipel

ISRAEL KEPAS i raitim

WANPELA provinsal memba long Is Sepik, Damien Sarawabe i laikim Ombudsmen Komisen na ol arapela lo bodi long sekap long rot em ol pipel i yusim ol developmen mani long kantri.

Em i sutim dispela toktok long mani bilong Iktorel Developmen Fan na ol provinsal developmen fan mani.

Sarawabe i bin holim wok olsem provinsal Fainens na Plening minista inap long taim Nesanel Eksekutyutiv Kaunsil i rausim wok bilong provinsal gavman. Em i tok long olgeta taim, ol nius ripot i save sutim tok long ol memba na minista olsem ol i no save yusim gut dispela mani.

"Tasol olsem wanem long oi pipel yet husat i kisim ol dispela mani," Surawabe i askim.

Em i tok i gutpela olsem ol lo bodi wantaim ol memba na ol pipel i mas sekap long ol lain husat i bin kisim dispela ol mani. Na lukim sapos ol dispela lain husat i aplai long kisim ol dispela mani i yusim stret long wanem projek ol i laik mekim long en o nogat. Sapos nogat, orait dispela ol lain i mas sanap long ai bilong kot.

Memba i tok planti lain i save yusim nem bilong ol bisnis grup, ol lotu na ol famili o wanpisin long aplai long kisim mani long ol provinsal na nesanel memba.

Tasol samting tru, dispela mani i bilong ol yet long yusim. Ol i no save tromoi dispela mani long wanem projek em ol i bin askim long en taim ol i aplai.

Namba wan meri stap long NHC bod

kibung bilong en long Fraide Julai 10, 1992.

Gena i tok taim em i stap long dispela wok, em bai pait long givim haus long ol meri husat

i save wok long gavman na ol praiwet kampani. Em i tok olsem i gat planti hevi bilong haus na ol meri tasol i save kisim taim stret.

Em i tok em bai wok long lukluk long sampela rot long kamapim ol polisi we ol meri tu bai i gat sans long kisim haus.



• Namba wan meri long stap insait long bod bilong Nesanel Hausing Kopresen, Josephine Gena long lephan i sekan wantaim siaman bilong NHC bod, John Khallahle. Dispela em i namba wan taim bilong kain samting olsem long kamap.

Cheshire Homes laikim moa helpim

CHESHIRE Homes long Mosbi i bin kisim K3,000 long Trinde Julai 8.

Dispela mani i bilong helpim sanapim wapela haus slip bilong ol disebel manmeri na pikinini ol i save lukautim.

Dispela em i namba wan helpim ol i kisim. Nupela haus ya bai i kos K200,000. Na nau yet ol disebel i laikim narapela K197,000.

Man i save go pas long olgeta wok bilong Cheshire Homes, Bruder John Morgan i tok ol i laikim sampela moa mani pastaim long pinis bilong dispela yia.

Dispela nupela haus bai i gat 20 rum. Na tu bai i gat ples bilong kuk, ekksesais, opis na liklik klinik.

Godfried Vaes bilong Beljium long Yurop i bin salim dispela mani i kam, na Pater Theo Aerts bilong Bomana Seminari i bin givim i go long Bruder Morgan.

Dispela em i namba tu taim bilong Mista Vaes long helpim ol trangu manmeri na pikinini bilong Cheshire Homes.

Long las yia em i bin askim sampela lain long provins bilong em, na ol i bungim K1,000 na salim i kam.

Cheshire Homes i yusim dispela mani long baim sampela samting, na givim i go long ol lain long Don Bosko. Na ol lain long Don Bosko i wokim sampela samting em ol disebel i yusim nau.

Mista Vaes i gat bikipela wari tru long ol lain husat i save stap long Cheshire Homes long Mosbi. Bikos long sampela yia i go pinis, taim em i mekim lukluk raun i kam long hia, em i painimaut olsem Cheshire Home i no gat gutpela samting olsem ol i save yusim long ol kantri long Yurop.

WANTOK

BISNIS LONG PAPUA NIUGINI

WANTOK

Wel pam groa askim nupela gavman long slekim lo bilong agrikalsa beng

EDDIE SAUNDERS i raitim

Siaman bilong Hoskins Sentrel Agrikalsa Komiti insait long Hoskins welpam setlemen, Wes Nu Briten provins i askim nau nupela gavman long senisim strongpela lo bilong agrikalsa beng long givim dinau.

Palamen bai bung long dispela Fraide long makim nupela gavman.

Bruno Sengodimi, wampela wel pam groa yet i tok sapos ol pipel long ples i kisim dinau isi long beng, planti wok i ken kamap. Na dispela i ken stapim ol yangpela manmeri long lusim ples na go raun nating long ol taun o siti bilong Papua Niugini.

Mista Sengodimi em wampela bod memba tu

bilong nupela Wel Pam Developmen Kopresen. Gavman bilong Praim Minista Rabbie Namaliu i bin statim dispela nupela kopresen long dispela yia.

Mista Sengodimi i tok rurel developmen em wampela rot tasol long ol pipel long ples i luk-save long ol gutpela senis i kamap long kantri. Na bai ol i amamas tu long ples bilong ol.

Long lukluk bilong em, gavman bilong PNG i save toktok planti long sapotim na bringim developmen long rurel ples. Tasol wok developmen long ol ples i kamap long ol provins long Niugini ailan na Hailans tasol.

Em i tok dispela tupela rijon i winim

Noten na Sauten rijon. Long wanem moa kopi, kakao, kokonas, wel na kopra plantesin i kamap nau.

Tasol em i askim tu olsem nupela gavman i mas strongim wok bilong ol dispela plantesin taim ol i laik bruk daun.

PNG na Australia Kastom opis bai wok bung gen

LONG Fraide Julai 14, wok bung wantaim bilong ol wokman bilong Australia na Papua Niugini long Kastoms opis bai pinis.

Long 1988, gavman bilong Australia na Papua Niugini i bin sainim wampela pepa long wok bung wantaim inap long 5-pela yia. Na nau dispela kontrak o tokorait i pinis.

Namel long 1988 na 1992, gavman bilong PNG i bin kisim bikpela winmani long wok bilong en.

Bilong wanem ol wokman i kisim gutpela skul, na wok bilong ol i kamap smat tru.

Dispela wok bung i gat 9-pela hap long en. Sampela long ol dispela wok em, sekim ol manmeri na

kago taim ol i kam long ovasis, we bilong ranim opis, we long skelim na salim gut ol kago long sip na kain ol samting olsem.

Long sapotim dispela wok, tupela gavman i save givim mani i go long Kastom long olgeta yia. Australia i save givim klostu long K3 milien na PNG i save givim K700,000.

Dispela helpim bilong Australia i no inap pinis olgeta.

Bos bilong PNG Kastoms, Pius Saun na bos bilong ol Kastoms long Australia, Frank Kelly bai sainim nupela pepa long wok bung wantaim gen namel long tupela kantri ya.

Stadi egens timba wok long Warangoi eria

EDDIE SAUNDERS i raitim

BIKPELA wok bilong katim timba long Warangoi eria bilong Is Nu Briten provins i ken bagarapim laip na sindaun bilong ol pipel.

Baining Eko Forestri Projek i karimaut wampela stadi long mun Jun na Julai, 1992 na painimaut olsem. Intanesenel Institut bilong Environmen na Developmen (IIED) i b in sapotim dispela wok painimaut.

Bikpela as bilong dispela stadi em long painimaut wanem kain ol senis long samting bilong graun, sindaun na laip bilong ol pipel na helpim bai Baining Trekasaw Mill i bringim long ol pipel long ples.

Wok bilong katim timba em ol i bin makim long kamap long namel bilong Arumbrum na Rapamari-na wara. Dispela eria i karamapim 30,000 hekta olgeta. Insait long dispela eria, 10,000 hekta tasol i gat ol gutpela timba bilong katim.

I gat bilip olsem ol pipel bilong Riet wan pisin i papa long dispela hap graun.

Ol saveman olsem Lukis Romaso bilong Kum-Gie Consult bilong Lae, Kamung Matrus bilong Viles Developmen Tras na Philip Holzknicht bilong Niugini Risoses Menesmen i go pas long mekim dispela stadi aninit long oda bilong IIED, Ekolojikel Tredinh Kampani na Max Handerson.

Mista Handerson em wampela man husat i save sapot long lukautim ol bus insait long kantri. Em i save stap long Rabaul.

Ol i tokaut long ripot bilong ol olsem bikpela timba wok bai bringim moa hevi olsem bagarapim sindaun bilong ol pipel na ol laip bilong graun. Ol i makim olsem liklik timba wok tasol i ken kamap.


Ol i pret tu olsem planti wail laip insait long bik-bus bai ranawe o bungim hevi.

Ripot i tok planti diwai bai lus nating long 10-pela yia samting.

Ripot i tok moa olsem namba bilong pipel i groa, na graun long Gasel Peninsula i sot nau. Mekim na ol Baining pipel i salim graun klostu klostu nau long ol ausait pipel. Na ol i no save olsem ol yet bai sot long graun long bihain taim.


Our country,

and our bank



Celebrate together

PNGBC is celebrating together with the people of Papua New Guinea the 16th Independence day celebrations. We have branches and sub-branches throughout Papua New Guinea and we provide better services to all all the people. PNGBC is the true bank for the people of Papua New Guinea.



P.O. Box 78, Port Moresby. Telephone: 21 1999. Fax: 21 1954

WANTOK

BISNIS LONG PAPUA NIUGINI

WANTOK

KOPRA

Pe bilong kopra i go antap nau long K30 long wan wan tan long dispela yia. Pe bilong ol bikipela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

Smoke	K263
F.M.S	K265
Hot Air	K268

Na pe bilong kopra long ol liklik depo i stap olsem:

SAMARAI	Smoke	K231
	F.M.S	K233
	Hot Air	K235

KANDRIAN na NAMATANAI	Smoke	K228
	F.M.S	K230
	Hot Air	K233

BUKA	Smoke	K227
	F.M.S	K229
	Hot Air	K232

FINSCHHAFEN	Smoke	K223
	F.M.S	K225
	Hot Air	K228

LORENGAU	Smoke	K198
	F.M.S	K200
	Hot Air	K203

KEREMA	Smoke	K218
	F.M.S	K220
	Hot Air	K223

KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapot long Gavman. Dispela i stat long Janueri 1, 1992

KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
6/07	7/07	8/07	9/07	10/07
Pe ol baiya sasim long papa bilong fementri				
K604	K636	K628	K655	K649

Sapot prais	K629	K629	K629	K629
-------------	------	------	------	------

Prais ol papa bilong fementri i kisim

K1233	K1265	K1257	K1284	K1278
Sapot prais bilong kakao long dispela mun em K628.95. Dispela prais i no wankain olsem pe bilong kakao long ol narapela hap bilong kantri.				

KOPI

Pe bilong drai arabika na robusta kopi long wanwan kilogram long Jun 15, 1992. Dispela i karamapim prais bilong kopi long dua bilong faktori, na i no long sait bilong rot.

Arabika :	
Kainantu	K1.00
Goroka	K0.95
Minz na Banz	K0.90
Hagen	K0.92
Lae	K1.00
Mumeng	K1.00
Wau/Bulolo	K0.85

Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.

Robusta :
Is Sepik
Madang

Ripot bilong ol arapela senta husat i save groim robusta kopi i no kamap.

RABA

Gavien faktori (ESP) - 21 1/2 kg
Doa faktori (Sentrel) - 36 1/2 kg inap long 391/kg

KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem:
Drai long san em namel long K0.80 na K1.10.
Drai long faktori em namel long \$6.50 na \$8.00.
A. T. Agri i lukautim Kobum Spice em i stap long Bundi we planti ol kadamon i save kam long en.

PRAIS BILONG OL BENSIN

Kos long wanpela lita Ex Pump (Wantaim takis)	
Petrol	51.9 toea
Disil	38.8 toea
Kerosin	43.0 toea



Wol Beng na gavman oraitim Oro Wel Pam long dinau

JAMES KILA i raitim

WOL Beng na Nesenel gavman i orait pinis Oro Wel Pam insait long Noten provins long kisim dinau long kirapim bikipela wok bilong em.

Dispela tokorait i bin kamap bihain long Wel Pam Industri Kopresen (OPIC) i bin holim kibung bilong em.

Embasada bilong PNG long Amerika i kisim tokorait pinis long putim nem bilong em antap long tokorait bilong dispela dinau. Long PNG yet em ileksen i pinis

nau tasol, na i nogat fainens minista yet long putim nem antap long tokorait.

Nau yet ol toktok i go i kam nau long painim sapos wanpela memba long komiti husat i lukautim gavman nau i ken putim nem antap long dispela tokorait.

Long kliam rot bilong kisim dispela dinau mani, mas i gat tupela nem antap long pepa. Namba wan nem mas i kam long Higaturu Pty Ltd husat bai yusim dispela mani. Na narapela nem mas i kam long Wel Pam Industri Kopresen.


Pepa bilong putim nem antap long tokorait i redi pinis. Tasol tok-

tok i go i kam yet.

Dipatmen bilong Fainens na Plening na menesmen bilong OPIC i pasim tok pinis, na orait long ol senis Higaturu Trenspot Pty Ltd (HTPL) i laik kamapim. Tasol ol dispela tokorait i no stap yet long pepa. Bikos loya bilong stet i no stap.

Ol toktok insait long tokorait em ol i mas raitim gen. Bikos man i go pas long raitim ol dispela tokorait antap long pepa i no save gut long tokorait bilong gavman wantaim Wol Beng.

Miting i no kamap. Bikos i hat long holim kibung wantaim loya bilong stet.



Banana i karim plaua tasol • Mista Peter Kumain Kolain bilong Wonewara long Marawaka, namel long Morobe provins na Kainantu distrik bilong Isten Hailans provins i soim dispela flaua bilong banana tasol. Em i tok banana i kamap olsem bikos planti taim ol meri i katim lip bilong en long mekim mumu.

Olsem na banana i sanap wantaim nogat lip na karim plaua tasol. *Poto Charles Basse.*

Papua Niugini Institut bilong Menesmen gat nupela bod

PAPUA Niugini Institut bilong Menesmen bai wok aninit long nupela Bod ov Dairekta nau.

Bodi ya i bin kamap inkoperet long 1972. Na i statim gen wok bilong em long stat bilong dispela yia tasol.

Long wanpela kibung long mun Jun, Nesenel Eksekutiv Kaunsil i glasim gen ol as bilong kirapim institut. Gavman i orait tu long saplaim mani long institut ya aninit long baset bilong olgeta yia.

Bikos em i lukim olsem dipat-

men na ajensi bilong em wantaim ol praivet kampani i ken kisim bikipela helpim long dispela institut.

Ol lain i laik kisim helpim olsem bilong trening long institut i mas kamap memba pastaim.

Nupela siaman bilong NHC laik stretim asua bilong mani

NUPELA siaman bilong Nesenel Hausing Kopresen (NHC) bod, John Khallahle i tokaut long glasim gen lo i luakutim wok bilong kopresen. As bilong dispela em long kirapim gen kopresen we i bungim hevi bilong mani.

Em i tok olsem long bung bilong

luksave long tupela nupela bod memba, Josephine Gena na Gramme Dunnage.

Mista Khallahle i tok em i gutpela aidia olsem ol i mas stretim hevi bilong mani long narapela 12-pela mun pastaim. Em i tok sapos ol dispela hevi i no stret

long narapela 12-pela mun, kopresen bai bungim moa hevi long bihain taim.

Em i tok wantaim helpim bilong ol saveman husat i kisim kontrak pinis long lukautim mani na pepa wok, kopresen bai sekim na glasim gut olgeta wok bilong em.

Kadamon bisnis long kantri nogat maket - Lee

BETELNUT HOLDINGS em wanpela kampani long Papua Niugini husat i save salim kadamon. Long 6-pela mun i go pinis, em i painim hat liklik long painim ol ples o maket bilong salim kadamon insait long kantri.

Menesing Dairekta bilong Betelnut Holdings, Hardy Lee i tok kampani i bin traim hat tru long painim sampela gutpela eria long kantri long salim kadamon. Tasol i kam inap nau, dispela hatwok i no

karim kaikai yet.

Em i tok em i bin toktok pinis wantaim sampela kampani husat i bin yusim kadamon long bisnis wok bilong ol. Tasol em i kisim bekim olsem ol dispela kampani i no wok moa, bikos ol tu i painim wankain hevi.

Nem bilong tupela kampani Mista Lee i toktok pinis wantaim em PNG Spices na Armco.

Mista Lee i tok nau yet ol maket insait long kantri i no save salim

gutpela namba wan kadamon long ol ovasis kantri. PNG i save salim kadadmon long Arabia na Kuwait.

Nau yet tripela saveman bilong Kuwait i kamap pinis long kantri, na i lukluk long rot bilong kirapim bikipela kadamon bisnis long kantri.

Ol i tokim Betelnut Holdings long edvetais moa long niuspepa, radio na televisen long wok bilong ol wantaim kadamon.

Kibung laik bungim ol bisnisman long PNG na Nu Silan

NAMBA wan kibung (AGM) bilong Papua Niugini Nu Silan Bisnis Kaunsil i bin kamap long Haus Marae long Nu Silan Hai Komisn, Mosbi.

Ol bisnisman bilong PNG na Nu Silan i kamap long dispela kibung.

Man i go pas long opim dispela kibung em tred komisina bilong Nu Silan, Gavin Young. Mista Young i toktok long sampela samting em Nu Silan i save mekim. Na em i plenim long oge-naisim wanpela so bilong soim ol dispela prodak.

Em i tok dispela so bai i kamap long Mosbi long pinis bilong mun Septemba long dispela yia.

Mista Young i tok tu olsem em i bin go long Nu Silan na kam bek. Taim em i stap long hap, em i toktok wantaim sampela bisnis bilong Nu Silan long PNG.

Em i tok planti bisnisman i kamap long ol kibung em i oge-naisim. Na olgeta i soim laik long ol senis i kamap long kantri.

Kibung long Mosbi i pasim tok long kaunsil i mas bungim ol bisnisman bilong Nu Silan na PNG, bai ol i ken wok bung wantaim na strongim bisnis wok namel long tupela kantri.

PE BILONG AIR NIUGINI LONG PNG TASOL

KISIM LONG I GO LONG PE BILONG BALUS	PE BILONG KAGO
POM Alotau	K101 K1.01
POM Daru	K117 K1.17
POM Goroka	K114 K1.14
POM Hoskins	K140 K1.40
POM Kavieng	K234 K2.34
POM Kundiawa	K113 K1.13
POM Lae	K95 K0.95
POM Madang	K129 K1.29
POM Manus	K206 K2.06
POM Mendi	K136 K1.36
POM Misima	K155 K1.65
POM Mount Hagen	K132 K1.32
POM Popondetta	K59 K0.58
POM Rabaul	K187 K1.87
POM Tabubil	K189 K1.89
POM Tari	K153 K1.53
POM Vanimo	K234 K2.34
POM Wapenamanda	K141 K1.41
POM Wewak	K180 K1.80

Ol kago em hevi abrusim 16kg bai gat pe

Exchange Rates



Bank buys at:	Notes	T/T
Australia	1.4330	1.4036
USA	1.0840	1.0499
UK	0.5710	0.5491

Bank sells at:	
Australia	1.3926
UK	0.5382
USA	1.0419
Solomon Islands	3.0051
China	5.6280
Fiji	1.5180
Hong Kong	7.9930
India	29.0840
Japan	129.0900
New Zealand	1.8846
Philippines	25.5560
Singapore	1.6650
Switzerland	1.3900
Germany	1.5360

Gold rates (in US\$):	
per ounce	\$350.85
per gramme	\$11.28

Andersons WHOLESALE SUPERSPECIALS



Slash and Save

BULK PACK
LAMB FLAPS

K22⁰⁰

18KG CARTON

Slash and Save

Maggi

2-MINUTE
NOODLES

K16⁹⁹

CARTON
FOUR FLAVOURS

Slash and Save

BULK PACK
SAVELOYS

K39⁸⁰

20KG. CARTON

Slash and Save

Paradise

Wankai crackers

K11⁵⁵

CARTON
TWO FLAVOURS

Slash and Save



K9⁰⁶

CRATE

24 x 285ml
BOTTLES

Slash and Save



NIUGINI
TABLEBIRDS
CHICKEN
SIZE 11

K73⁶⁹

CARTON

22 UNITS PER CARTON

Slash and Save



TRUKAI RICE

K12⁴⁷

BALE

(20 X 1KG)

Slash and Save

BULK PACK
MUTTON
CHOPS

K29⁹⁹

CARTON

20KG SLICED

Slash and Save

NIUGINI
TABLEBIRDS
MUMU PIECES

K27⁸⁰

CARTON

15 x 750G PER CARTN

Slash and Save

OX & PALM

OX & PALM

K35⁶⁹

CARTON

24 x 340G PER CARTON

Slash and Save

BROWN
ONIONS

K14⁷⁹

20KG BAG

Slash and Save

SUNSHINE
MILK

K41⁹⁰

CARTON

24 x 300G

Andersons Foodland LAE

Make it a whole lot easier

PHONE: 42 3731 FAX: 42 6342



Man Ambunti bihainim akis i go bungim masalai

BIPO bipo tru long ples Waihos long Ambunti, Is Sepik provins i gat wanpela man i stap long wanpela ples.

Wanpela taim em i kirap long bikmoning tru na i go long bus. Em wokabaut i go na kamap long wanpela drai saksak i sanap arere long wanpela raunwara.

Dispela man i kirap tromoi olgeta samting i stap na kisim ston akis bilong em na stat katim saksak. Em i wokim i go tasol han bilong em i wel na ston aki i pundaun i go long raunwara. Insait long dispela raunwara tu i gat wanpela masalai meri i stap na dispela akis i go slip stret arere long lek bilong em.

Masalai meri i lukim olsem na kwiktaim kisim ston akis na haitim long bilum bilong em.

Antap, dispela man i sanap arere long raunwara na i tingting planti i stap. Em i wari tru long ston akis bilong em na i no save long wanem samting bilong mekim. Mekim nogat na boi kirap tromoi olgeta samting i stap antap na kalap i go insait long raunwara bilong painim akis. Em i kalap i go insait stret na bungim dispela masalai meri.

Masalai meri i kirap na askim man ya, "Yu kam painim wanem samting stret long hia?" Na man i bekim, "Mi kam painim akis bilong mi. Mi i wok long katim saksak i stap antap na han i wel na akis i pundaun i kam insait long wara. Olsem na mi kam painim."

Masalai meri i harim olsem na kirap kisim dispela man i go long haus boi bilong ol masalai. Bringim em pinis, dispela masalai meri i go na kisim olgeta arapela masalai i kam lukim dispela man. Na ol i paitim toktok nau long kilim em na kaikai o nogat. Mekim i go na ol i krungutim tingting bilong kilim em na tok



long bringim em i go bek long ples. Olsem na dispela masalai meri husat i bin kisim em i kam i go na tokim em, "Mipela laikim olsem yu bai stap wanpela o tupela wik pastaim wantaim mipela.

Bihain orait mipela bai wokim

kaikai na bringim yu i go bek long ples bilong yu."

Orait bihain long tupela wik samting, ol masalai long dispela raunwara i wokim bikpela kaikai tru na redi long bringim dispela man i go bek antap long graun. Pastaim long ol i mekim olsem, ol

masalai i givim em sampela kina sel mani bilong ol tumbuna, sampela kaikai na sampela ring bilong ol tumbuna long baim meri na ol bikpela wok olsem.

Ol i kirap na bringim em i go antap long graun. Long dispela taim, bikpela ren na win i kirap na ples i tudak olgeta. Olsem na ol lain long ples i no go raun long bus o gaden o go painim pis long raunwara liklik. Olgeta i stap long ples. Orait ol masalai i bringim dispela man i kam antap na lusim em arere long as bilong wanpela diwai bikus na ol i go bek. Long dispela taim, win na ren i pinis na ples i lait gen.

Ol manmeri long ples i lukim olsem na kwiktaim ol i kisim ol samting bilong wok na laik go long bus. Sampela lain i laik go painim pis long raunwara i kam stret na lukim bikman ya i sanap i stap wantaim ol kain kain kaikai, sel mani na ring bilong ol tumbuna. Ol i kalap nogut na askim bikman ya, "Yu kisim ol dispela samting long wanem hap tru ya?" Na em i bekim, "Ating yupela i ting mi bin dai pinis, tasol mi kam bek. Kirap karim ol kaikai samting na yumi i go long ples. Long ples, mi bai stori gut long yupela."

Orait long apinun, olgeta manmeri i bung na dispela man i tokim ol long wanem samting i bin kamap long em. Ol manmeri long ples i harim olsem na pasim tok long bekim dinau bilong ol masalai long raunwara. Inap long wanpela wik, ol i redim ol kaikai samting i go na bringim i go long raunwara. Long hap, dispela man i go singautim ol masalai i kam antap long raunwara na kisim ol samting bilong ol i go long ples bilong ol.

Paul Olphant,
RMI-BHP,
Rabaul, E.N.B.P.



WANPELA moning Kanage i kirap na go painim wok. Ol pikinini wantaim meri tasol i stap long haus. Ol meri pikinini i wet i go na hangre nogut tru. Em nau ol pikinini i stat kra i long kaikai. Olgeta i kra i tasol nek bilong las pikinini meri i antap moa. Mekim nogat na mama i kirap bomim draipela kapupu stret. Pikinini meri i kalap nogut na askim, "Mama, em wanem i pairap ya?" Mama i no toktok olsem na pikinini i tok, "Mama, em frok i karai a?" Mama i bel hat na tokim pikinini bilong em, "Pikinini, yu stap isi na inap nau long karai. Mi paitim garamut bilong papa long harim na kam hariap long haus."

Wilson Zee,

Sandaun provins.

WANPELA lapun Wabag i go painim wok long stua bilong wanpela Saina. Em i paitim dua nau na Saina i singaut long insait i kam ausait, "Hang on." Bikman ya i harim olsem na kwiktaim em i kalap i go hangamap antap long banis bilong dua. Saina i pinisim wok insait na i kam ausait, tasol no gat man i sanap long dua. Na taim em i laik lukluk i go antap, boi nogut i hangamap olsem blakbokis i stap. Sainaman i lukim em na askim, "Who are you and what are you doing here?" Lapun i kirap na bekim, "Mi manki Wabag na mi luking to wok."

Wilson Zee,

Sandaun provins.

Wanpela taim kanage i laik go lukim sista bilong em lus blut long ples balus. Olsem na hariap tru boi ros i painim trausis long putim. Em i putim han long wanpela longpela trausis. Trausis i bruk long fran.

Em i putim tasol na siksti i go long ples balus. Boi i go sindaun i stap long sia. Na smol boi insait long trausis i kam ausait. Olgeta man i lukim na lap. Em tu i no save na kilim skin long lap wantaim ol manmeri long ples balus. I no long taim wanpela yangpela meri i kam insait. Em i lukim Kanage na kilim skin stret long lap. Bihain em i singaut "O yo yupela, balus i no kam daun yet tasol tupela wil bilong em i kam daun pinis." Olgeta man i harim na askim. Long wanem hap? Meri tanim na tok em ya i stap long fran bilong Kanage. Man Kanage i sem pipia na paitim meri ya.

Jackson Yam
WEWAK

Mi les long brukim lo bilong marit

LAIPLAIN



Dia Laiplain,

Dia Pren,

Mi bin yangpela yet taim mi marit long haus lotu. Man bilong mi i marit gen, tasol mi stap yet long wanem mi mekim promis pinis long haus lotu.

Mi laik marit gen, tasol mi pretim dispela promis mi mekim long God. Mi laikim wanpela pasto o sios lida long helpim mi.

PROMISING

Mipela i sori long harim olsem man bilong yu i go na maritim narapela meri. I luk olsem yu wanpela gutpela meri. Na yu painim bikpela hevi nau long wanem samting bilong mekim long ai bilong God.

Laiplain i no inap tokim yu long wanem samting bilong mekim. Mipela bai helpim yu tasol long tingting long wanem samting yu

inap mekim. Ating yu laik mekim samting bihainim lotu bilong yu, tasol mipela i no save wanem lotu stret. Olsem na hia em sampela samting yu inap mekim.

Taim man na meri i promis long ai bilong God, Em i no laikim dispela marit i bruk. Yu ting wanem, i gat sans bilong dispela marit i stret gen o nogat. Ating man bilong yu i no bihainim lo long marit gen. Bikos lo bilong sios i tok yutupela i marit yet. Yu ting i gat sans bilong man long kam bek gen long yu o nogat? Traim askim wanpela pasto o pater long helpim yu.

Yu husat i gat hevi a i laikim sampela klia tok long dispela i ken salim pas long Laiplain, P.O. Box 6047, BOROKO, N.C.D. Tasol yu mas putim trupela nem na adres bilong yu olsem bai mipela inap bekim stret pas bilong yu. Yu no ken wari bikos long Wantok Niuspepa, mipela i no inap putim tru tru nem bilong yu.


Sapos yutupela i no inap stap wantaim gen, yu traime toktok wantaim ol sios lida, pasto o pater bilong yu tu long dispela o no gat. Em i klia olsem yu laik bihainim ol skul bilong lotu na God long marit. Olsem na i mobeta yu askim tingting na save bilong ol. Ating ol bai inap helpim yu.

Pre na askim God long soim Pawa na Laik bilong Em long stiaim yu long gutpela rot. Olsem bai Em inap soim yu long wanem samting bilong mekim. Em i no isi, tasole m i wanpela gutpela rot bilong bihainim.

Mi Laiplain.



Fri wara ya • Ol skul pikinini i bung na lukim wanpela tep wara i bruk na kapsait long Gerehu. Dispela i nupela samting nau long Mosbl Siti, tasol em i wanpela bikpela hevi bilong Nesenel Kapitel Distrik Komisin.



BUSINESS AWARDS

The Times, Air Niugini and Travelodge wishing to promote Excellence in Business in Papua New Guinea have joined together to present three prestigious Business Awards.

BUSINESSMAN - Sponsored by Ela Motors

BUSINESSWOMAN - Sponsored by Steamships Trading Company

SMALL BUSINESS - Sponsored by Australia - Papua New Guinea Business Council

The **BUSINESSMAN OF THE YEAR** will receive two return AIR NIUGINI tickets to Brisbane with six nights accommodation at the BRISBANE CITY TRAVELODGE and a trophy donated by ELA MOTORS.

The **BUSINESSWOMAN OF THE YEAR** will receive two return AIR NIUGINI tickets to Brisbane with six nights accommodation at the BRISBANE PARK ROYAL and a trophy donated by STEAMSHIPS TRADING COMPANY.

The **SMALL BUSINESS OF THE YEAR** will receive two return AIR NIUGINI tickets to Cairns with five nights accommodation at the PALM COVE TRAVELODGE and a trophy donated by the AUSTRALIA - PAPUA NEW GUINEA BUSINESS COUNCIL.

Nominations for these awards should be made on the form below and sent to: The Times Business Awards, P.O. Box 1982 BOROKO, N.C.D.

All nominations will be treated by the panel of judges in the strictest confidence.

"Businessman, Businesswoman and Small Business of the year"

Name of the Business person: Name of Business he or she operates:

Address of the Business he or she operates: Telephone:

Time since business commenced years

Nature of business:

Your reason for nominating he or she to be BUSINESS PERSON OF THE YEAR
(eg: Created new job, created new export market, found new uses for local produce and mentioned its special achievements)

.....
.....
.....

* Please tick the box below to identify the award you are nominating.

(1) Businessman (2) Businesswoman (3) Small Business

Nominated by
Name: Address: Telephone:

EXPORT AWARD:
The prize winner will receive two return air ticket to Brisbane courtesy of Air Niugini with six nights accommodation at DOCKSIDE PARK ROYAL APARTMENTS OF TRAVELODGE HOTELS.

Note: Growth in turnover, profitability, employment and the type of business are essential considerations. So be specific when nominating.

Nominations close on October 23rd 1992.

PAPUA NEW GUINEA EXPORT AWARD 1992

This annual competition for the Papua New Guinea Export Award is now on again.

The competition is open to exporting companies with at least 75 percent national ownership.

WHAT TO DO:
Provide supporting details of your company's export achievements in 1991, eg. volume percentage increases, new markets, new products, etc.

Send your details to: The Marketing Manager
Times of Papua New Guinea,
P.O. Box 1982,
BOROKO, NCD.

CLOSING DATE: 23rd October, 1992.

PRIZE: The Award will be presented by His Excellency, The Governor General, at the Papua New Guinea - Australia Business Council Annual Dinner on 5th November, 1992.

For enquiries, ring telephone 25 2500 and ask for William Kotson.

PROUDLY SPONSORED BY
SHELL PAPUA NEW GUINEA PTY LIMITED

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH Min Aion - Ext 203
John lagata - Ext 215
Kosinto Fosagu - Ext 216
Bonner Hui - Ext 202

1992 GOROKA SO



1. DE 11, 12, 13 September 1992
2. PLES: Nesenel Spots Institut, Wes Goroka
3. **OL BIKPELA SAMTING:**
 - * Singsing resis em ol lain kalsarel danis grup bilong ol provins long Hailans, Nambis na Ailan rijon bai putim kamap. Prais moni: K24,000.00
 - * Villis drama Tieta
 - * Soim ol samting ol tumbuna i save wokim olsem bilum, basket na kaving
 - * Soim tu ol samting na kaikai bilong gaden, ol abus na ol arapela samting bi'ong egrikalsa na laipstok.
 - * Profesenel Atletiks - Goroka Gift - Hailans Mile Maraton resis
 - * Resis long sut long bunara
 - * Ol skul bai mas long ol tumbuna klos
 - * Ol disko ben bai pilai, Pawa Ben
 - * Resis long katim diwai
 - * Ukarampa High School ben bai soim stail bilong ol
 - * Difens Fos bai autim ol paip na dram bilong ol
 - * Resis bilong Mis Goroka So
 - * Soim ol samting bilong graun, solwara na aninit long graun
4. **MOA TOKSAVE NA FOM BILONG PUTIM SAMTING. HIA EM OL LAIN BILONG LUKIM**
 - * Ples bilong Slip - Bird of Paradise Hotel (Warren Daniels Ph: 72 1144)
 - * Wokim liklik haus na salim ol samting - Seketeri Ph: 72 1999.
 - * Singsing resis - Seketeri Ph: 72 1999
 - * Miss Goroka So - Mrs. Lola Meghee Ph: 72 2925
 - * Soim ol Egrikalsa samting - Ian Mopati Ph: 72 1704
 - * Katim diwai - Gabriel Waranu Ph: 72 2193
 - * Ol spot olsem atletik - Samo Sasama - NSI Ph: 72 2391
 - * Soim ol samting bilong graun, Solwara na aninit long graun - Gill Marshall Ph: 72 2128
 - * Disko resis - Pawa ben, Strin ben resis - Pat Siwi Ph: 72 1268



**Sapos yu no klia, ringim
So Seketeri
long telepon - 72 1999**

INTANESENEL SEMINA/KOS

long

SENIS I KAMAP NAU LONG WOK BILONG PAINIM WEL

Long mun Septemba bilong dispela yia, wanpela semina na kos long ol kain kain bensin na wel bai kamap long Papua Niugini. Dispela kos na semina i kamap tu long wankain taim em kantri i stat long salim wel i go long ovasis. Ol lain husat i go pas long kamapim dispela semina na kos em Dipatmen bilong Atoni Jenerel, Lo Rifom Komisen, Lo Fokalti bilong UPNG na Trensnesenel Kopresen Sekta bilong Ekonomik na Sosol Dvelopmen Divisen bilong Yunaited Nesens.

Het tok bilong dispela semina na kos long tok inglis em "The Changing Environment of Petroleum Arrangements". Na ol samting bilong toktok long taim bilong dispela semina em:

1. Tok orait bilong Kutubu Wel Projek: Sapos dispela em i gutpela eksampel o piksa bilong ol arapela liklik kantri olsem PNG long bihainim o no gat?; na
2. Ol Toktok bilong husat bai Papa long ol Samting i kamap long Wok bilong Wel.

Dispela semina na kos bai i sut long mekim ol pipel i luksave long wanem samting wok bilong ol inap kamapim long Papua Niugini. Olsem bai ol inap toktok long ol samting bilong mekim dispela wok i go het moa yet. Ol bai lukluk na glasim tu ol kain lo na polisi we i save karamapim ol dispela kain gol, kopa na wel projek. Na wanem helpim na hevi ol dispela projek inap bringim long ol komyuniti, pipel na kantri.

Ating planti lain husat bai kamap long dispela semina na kos em ol loya na bikpela saveman. Namel long ol tu bai i gat ol saveman bilong lo na bisnis i kam long ol dipatmen bilong Prais Minista, Minerels na Eneji, Atoni Jenerel, Fainens na Plening, ol

Provinsal Gavman, na ol arapela oganaisesen olsem long MRDC, UPNG na Yunitek.

Dispela semina bai lukluk tu long ol kain hevi i kamap long ol lo long wok bilong painim gol, kopa na wel long Papua Niugini bihainim ol dispela samting:

- a). long larim ol lida na wan wan man na meri long autim tingting long wanem lo ol i gat long en; olsem bai dispela inap;
- b). kirapim bel bilong ol pipel long luksave long wanem samting i kamap long wok bilong painim gol, kopa na wel long kantri.

Long taim bilong dispela semina bai i gat wanpela trening kos tu bilong ol Pablik Opisa husat i save wok long ol Nesenel na Provinsal Gavman Dipatmen.

Moa tok save bilong dispela semina na kos bai kamap long ol redio, televisen na niuspepa long taim bihain. Husat i laik save moa long dispela i ken salim pas i go long Dokta John Nongorr, Nesenel Kodineta, Join Oganaising Komiti bilong Semina, c/- Lo Fokalti, P.O. Box 320, UPNG.

POMAT PALIAU, ISOSeketeri
Dipatmen bilong Atoni Jenerel.



BENSON & HEDGES SOFTBALL

Wantok

Ol sofbal kwin bai bung long Bomana pilai graun

BOMANA OFF SEASON COMPETITION:

Sunday 19th July, 1992

WEEK SIX

TIME	A	FIXTURES	GROUND
1.00pm	A	Bomana 2 vs	Prontos D1
1.00pm	A	McGregor 1 vs	Bomana 1 D2
3.00pm	A	Wild Ducks vs	Gordon 1 D2
3.00pm	A	Dog vs	G. Village 1 D1

OL raun wan gem bilong ol meri long junia divisen na B gret bilong Bomana op sisen sofbal resis i bin pinis long las wiken.

Inap long 5-pela wik olgeta, ol meri bilong junia na B gret i bin pilai. Na long dispela wik Sande na narapela wik, ol bai malolo na ol lapun bilong A gret tasol bai kirapim das inap long tupela wik. Dispela i bilong pinisim ol A gret gem

bilong raun wan.

Na bihain long neks mun, olgeta tripela divisen wantaim bai statim gen ol gem bilong raun tu.

Long ol las gem bilong ol long Sande, ol yangpela Rebels bilong McGregor na Bomana i soim yet strong bilong ol na winim ol gem. Long ol dispela pilai, Rebels i rausim laplap bilong Gems Viles na Bomana i sutim nus

bilong Godens.

Wantok i no inap tokaut long wanem ples wan wan tim i holim nau long poin lata. Long wanem dispela i no redi yet.

Long ol pilai bilong A gret, Gems Viles i wok long kirapim yet bikipela paia long Bomana. Na ol meri husat i salim long ol long las wiken em ol lain bilong Prontos, 9-

6.

Bikos ol gem bilong raun wan i laik pinis nau, dispela win bilong Gems Viles i soim olsem ol bai i wanpela tim bilong kamapim bikipela bagarap long resis bilong raun tu. Olsem na long winim ples na taitel bilong dispela yia, olgeta tim long A gret resis i mas winim dispela tim bilong ol meri long ples bilong pilai.



• Ketsa bilong Gems Viles 1, Michaela Giru i sindaun narakain stret na autim beta bilong Prontos, Elizabeth Killingit long Bomana op sisen sofbal resis las wiken. Dispela kain gutpela stail bilong Michaela i mekim na ol i autim Prontos, 9-6. Foto: Julie Wagambie.

Kiapen bihainim lek bilong papamama

STORI BILONG PILAIA

NEM : John Kiapen
KRISMAS : 11 yia
PROVINS : Is Nu Briten provins
SKUL : Bavaroko Komyuniti Skul
GRET : 4
TIM : Madaha Red Socks
POSISEN : Pitsa na 1st bes

JOHN Kiapen wanpela tasol namel long ol brata na susa bilong em, i save pilai sofbal wantaim papa na mama bilong em. Mama bilong em i save pilai long tim bilong Gazelle na papa i save pilai long City Tigers long Mosbi.

Dispela yia, taim ol i statim junia sofbal resis, em i joinim ol Madaha Red Socks. Madaha em tim bilong ol lain mangi husat i save stap long Tokarara long Mosbi.

John i tok em i save laikim tru long pilai sofbal. Olsem na em i tingting long pilai inap em i bikipela. Long wanem em i gat bikipela laik long pilai insait long sofbal tim bilong Papua Niugini.

Junia sofbal resis i pinisim nau raun wan bilong ol na i go insait long



• John Kiapen

raun namba tu. Olsem na John i tok, "Mipela long Madaha i mas traim long stretim pilai bilong mipela long paitim bal olsem bia mipela inap win."

Don Bosco bosim anda 18 junia resis

MESERY GUBAG I raitim

DON BOSCO i soim strong bilong ol long Sarere, Julai 11 taim ol i pilai wantaim Gerehu haiskul long Mosbi junia sofbal resis.

Ol mangi Gerehu haiskul long grinpela yunifom na ol Don Bosco long blu na wait yunifom long anda 18 divisen i bin kirapim das taim ol i pilai long Bisini sofbal graun.

Pitsa bilong Don Bosco, Patrick G i wok long tro-moi ol strongpela bal long ol boi Gerehu na ol i paitim i go antap tasol. Gutpela pilai bilong ol tripela autifida James Kupe, John Damien na William Petali i banisim olgeta rot bilong Gerehu haiskul long mekim sampela hom ran.

Bihain long namba tu ining, Don Bosco i kirapim das wantaim tri poin na lusim ol boi Gerehu bihain long tu poin tasol. Long namba tri na 4 ining, tupela tim wantaim i banisim ol yet gut tru na no gat wanpela pilaia i go krungutum hom bes.

Ereman Peril na Steven Poraporo bilong Gerehu

haiskul i no was gut long namba tu na tri bes. Olsem na ol boi Don Bosco i salim wanpela pilaia bilong ol i go hom long las ining bilong ol. Taim bilong ol long paitim bal na ol mangi long blupela yunifom i no givim sans long ol. Olsem na ol i lus i go long Don Bosco. Taim namba faiv ining i pinis, skoa i bin stap olsem Don Bosco 4 na Gerehu haiskul 2.

Long poin lata bilong ol anda 18 junia sofbal resis, Don Bosco i stap antap long namba wan ples na Gerehu haiskul i stap long namba faiv ples.

Ol narapela pilai i bin kamap las wiken em ol mangi De La Salle i fofitim ol Fuji (U15), Don Bosco II na Gordons (U18) dabol fofit, NGI na Gerehu (U15) 6-8, Malangan na Madaha (U15) 5-1, Don Bosco na Gerehu (U18) 4-2. Long pilai bilong ol meri, ol skoa i stap olsem Malangan na Sen Peters (U15) fofit, Yunivesti na Fuji (U15) 5-6, Elcom na Marianville (U18) 6-6.

Dispela em i namba tu raun bilong junia sofbal resis long Mosbi. Na tu em bai las raun bilong pilai.



Yangpela i moa yet...Dispela yangpela beta bilong Fuji long junia sofbal resis long Mosbi i redi na hamalm gut tru dispela bal. Em i laki long rausim harlap, sapos nogat, Tessie Komek bilong Yunivesiti long baksait bal lukluk strong long dispela. Fuji i bin winim Yunivesiti, 6-1. Foto: Ivan Bayagau.

BENSON & HEDGES SOFTBALL

**PMSA POINTS LADDER
WEEK 11 & 12**

Team	P	W	D	L	F	A	Pts
Guria	11	7	3	1	21	9	24
Uni	11	6	4	1	26	8	22
K. Andra	11	7	1	3	14	11	22
Westpac	11	5	3	3	21	15	18
G.F.C.	11	4	4	3	22	14	16
Rapatona	11	4	4	3	19	17	16
Koupa	11	4	3	4	17	28	15
B. Kumuls	11	3	3	5	13	20	12
Amalpak	11	2	4	5	12	19	10
B.F.C.	11	2	3	6	18	22	9
Sobou	11	2	2	7	10	22	8
Golo	11	2	2	7	11	23	8

First Division

Verave	12	8	1	3	31	13	25
P.T.C.	12	7	4	1	24	6	25
Moukasi	12	7	3	2	24	17	24
Bao-Mitas	12	6	3	3	19	11	21
Maset	12	6	2	4	26	22	20
Amazon Bay	12	5	3	4	18	16	18
Sunam	12	6	-	6	20	28	18
Tarangau	12	4	4	4	15	15	16
Wanzesi	12	3	5	4	13	17	14
S.T.C.	12	3	4	5	13	19	13
Kula	12	3	3	6	14	17	12
Boroko Utd	12	3	2	7	14	21	11
Defence	12	3	2	7	14	22	11
P.S. Roots	12	1	2	9	9	29	5

Second Division

Kinhill Krama	13	9	4	-	41	7	31
Waliya	13	10	-	3	34	15	30
Hoods	12	9	2	1	18	7	29
Mt. Obree	13	8	2	3	32	15	26
Fisika	12	7	5	1	24	12	26
P.M.G.H.	13	6	4	3	20	20	22
Gala Utd	13	6	2	5	19	18	20
Maniata	13	5	4	4	23	17	19
Buresong	12	4	5	5	18	13	17
Tubi	13	4	4	5	17	17	16
Losegu	13	4	2	7	12	25	14
T. Yellow P.	13	3	5	5	15	21	14
Cloudy Bay	13	2	7	4	19	26	13
Elcom	13	2	7	4	11	22	13
Bao-Mitas	13	2	3	8	10	19	9
Amazon Bay	13	2	3	8	14	31	9
Keroro	13	2	1	10	9	42	7
Watamads	13	-	2	10	5	40	2

Premier Reserve Division

G.F.C.	11	7	2	2	26	6	23
Golo	11	7	1	3	14	8	22
Amalpak	11	7	1	3	21	15	22
K. Andra	11	6	2	3	18	9	20
B.F.C.	11	6	2	3	18	16	20
Guria	11	5	4	2	18	13	19
Uni	11	5	-	6	12	16	15
Rapatona	11	4	1	6	10	18	18
Westpac	11	3	2	6	13	21	11
Koupa	11	3	2	6	9	18	4
B. Kumuls	11	3	-	8	11	18	9
Sobou	11	2	3	6	10	14	9

Under 19 Division

B. Kumuls	12	9	2	1	23	6	29
G.F.C.	13	8	4	1	24	11	28
Golo	13	7	4	2	25	22	25
Guria	13	7	2	4	24	15	23
Sobou	13	7	2	4	16	11	23
Westpac	12	7	1	4	19	9	22
Rapatona	13	5	2	4	21	20	18
Maset	10	5	3	2	20	10	18
Amalpak	13	5	2	6	14	13	17
K. Andra	13	4	3	6	17	16	15
Koupa	12	4	2	6	14	19	14
Mt. Obree	12	3	3	6	13	24	12
B.F.C.	13	3	2	8	8	22	11
Uni	13	3	2	8	9	21	11
Bao-Mitas	10	2	2	6	7	12	11
Gala Utd	10	2	1	7	10	23	7

**PORT MORESBY SOCCER SATURDAY
18th JULY 1992.**

TIME	DIV	GR	FIXTURE
9.00	Reserve	Bisini 1	Amampak Vs Gold
10.15	U/19	Bisini 1	Guria Vs Amalpak
11.40	women	Bisini 1	Guria Vs Sobou
1.05	Second	Bisini 1	Fisika Vs Amazon Bay
2.30	Frst	Bisini 1	Verave Vs S.T.C
4.05	Premier	Bisini 1	Uni Vs B.F.C
9.00	U/19	Bisini 2	Rapatona Vs Uni
10.15	Second	Bisini 2	Waliya Vs P.M.G.H
11.40	women	Bisini 2	P.M.G.H Vs Koupa
1.05	First	Bisini 2	Moukasi Vs Maset
2.30	First	Bisini 2	Wanzesi Vs Kula
4.05	Premier	Bisini 2	Koupa Vs Sobou
9.00	Reserve	G.F.C	Rapatona Vs B/Kumula
10.20	Women	G.F.C	Golo Vs K/Andra
11.45	Women	G.F.C	Sogeri N.H.S Vs Wanzesi
1.15	Second	G.F.C	Keroro Vs Watamads
2.45	Second	G.F.C	Elcom Vs Maniata
4.15	Second	G.F.C	Hoods Vs Buresong
9.00	U/19	Defence	Maset Vs B.F.C
10.20	U/19	Defence	Sobou Vs Gold
11.45	U/19	Defence	K/Andra Vs B/Kumuls
1.15	U/19	Defence	Mt.Obree Vs Koupa
2.45	U/19	Defence	Bao/Mitas Vs G.F.C
4.15	U/19	Defence	Gala Utd Vs Westpac

SUNDAY 19th JULY 1992.

TIME	DIV	GR	FIXTURE
9.00	Reserve	Bisini 1	Guria Vs G.F.C
10.30	First	Bisini 1	P.S Roots Vs P.T.C
12.00	First	Bisini 1	Defence Vs A/Bay
1.45	Premier	Bisini 1	K/Andra Vs Westpac
3.30	Premier	Bisini 1	B/Kumul Vs Rapatona
9.00	Second	Bisini 2	B/Mitas Vs Tubi
10.30	First	Bisini 2	Sunam Vs Tarangau
12.00	First	Bisini 2	B/Mitas Vs Boroko Utd
1.45	Premier	Bisini 2	Amalpak Vs Golo
3.30	Premier	Bisini 2	Gurid Vs G.F.C
9.00	Reserve	G.F.C	Uni Vs B.F.C
10.20	Reserve	G.F.C	Koupa Vs Sobou
11.15	Reserve	G.F.C	K/Andra Vs Westpac
1.15	Second	G.F.C	Kinhill.k.m Vs Mt/Obree
2.45	Second	G.F.C	C/Bay Vs Gala Utd
4.45	Second	G.F.C	Losegu Vs T/Y Page
9.00	U/19	Defence	Gala Vs B/Kumul
10.00	Women	Defence	Tarangau Vs Amalpak
11.00	Women	Defence	Waliya Vs Uni
1.00	Women	Defence	B/Kumul Vs B.F.C
2.30	Women	Defence	Sunam Vs Kula
4.00	Women	Defence	P.T.C Vs T/Y Page

**MADANG SOCCER ASSOCIATION
ROUND TWO (2)
WEEK 5**

Ground One

Time	Grades	Teams	Referee
10.00 am	U/19	P.T.C. vs AD Guria	T. Maripal
11.15 am	U/19	Waskia vs Mimlon	C. Tuari
12.30 pm	Res	Panafun vs Watabag	A. Magim
2.30 pm	Pre	Panafun vs Watabag	P. Marika
4.30 pm	Pre	Mad/Blues vs Mimlon	A. Magim

Ground Two

10.00 am	U/19	Mad/Blues vs Momase	C. Wanny
11.15 am	U/19	Panafun vs M.T.C.	Gerry
12.30 pm	Res	Waskia vs Ad Guria	C. Tuari
1.30 pm	Res	PX vs Momase	T. Maripal
2.30 pm	Res	Mad/Blues vs Mimlon	C. Wanny
4.30 pm	1st Div	Diwai vs Paramad	F. Tuwedels

Ground One

10.00 am	U/19	Spiders vs PX	T. Maripal
11.15 am	Women	Watabag vs Momase	B. Pongo
12.30 pm	1st Div	Spiders vs M.T.C	F. Tuwedels
2.30 pm	Pre	Waskia vs Ad Guria	A. Magim
4.30 pm	Pre	PX vs Momase	B. Pongo

Ground Two

10.00 am	U/19	K. Andra vs Watabag	S. Laia
11.15 am	Wom	M.T.C. vs Ad Guria	C. Wanny
12.30 pm	Wom	K. Andra vs Mad/Blues	Gerry
1.30 pm	Wom	Waskia vs P.T.C.	R. Hanandi
2.30 pm	1st Div	K. Andra vs Saifco	C. Tuari
4.30 pm	1st Div	P.T.C. vs Godawan	T. Maripal

Women: Panafun Bye.

ENGA SOCCER ASSOCIATION WABAG

Competition games for 18th/19th July second leg of the third round

**SATURDAY JULY 18
GROUND NO. 1**

TIME	FIXTURES
12.30pm	Buresong v Teachcom (Jr)
3.00pm	Tarakum v Moku (Wom)
4.30pm	Tarakum v Magani (Sen)

GROUND NO.2

12.30pm	Elcom/GP's v Moku (Jr)
4.30pm	Elcom v Buresong (Sen)

**SUNDAY JULY 19
GROUND NO. 1**

12.30pm	Lutheran Yuth v Magani (Jr)
3.00pm	Lutheran Yuth v Magani (Wom)
4.30pm	Teachcom v United (Sen)

GROUND NO. 2

3.00pm	United v Teachcom (Wom)
4.30pm	Moku v Luth. Yuth (Sen)

This is the second games of the last round Enga womens squad have started training at the oval please attend. All members of the squad must attend for selection.

ENGA SOCCER ASSOCIATION

POINTS TABLE AS AT 6TH JULY 1992

TEAM	P	W	D	L	G/FOR	AG.	G/DIFF.	PTS
Lutheran Yuth	13	10	1	2	43	13	30	21
Buresong	14	8	3	3	31	26	5	19
United	14	7	2	5	37	23	14	16
Tarakum	12	7	1	5	31	22	9	15
Elcom	14	7	1	6	27	28	-1	15
Teachcom	14	7	0	7	22	16	6	14
Moku	14	2	4	8	20	34	-14	8
Magani	14	0	2	12	5	43	-38	2

JUNIOR MEN

Magani	14	10	3	1	26	11	15	23
Lutheran Yuth	14	9	2	2	39	9	30	20
Teachcom	14	8	4	2	27	12	15	20
Elcom/GP's	14	7	2	5	28	19	9	16
Moku	14	6	0	8	24	25	-1	12
Buresong	14	2	1	11	12	23	-11	5
Tarakum	13	2	1	13	0	39	-39	0
United	13	0	0	13	1	45	-44	0

WOMEN

Lutheran Yuth	14	13	0	1	47	3	44	26
Teachcom	14	13	0	1	34	7	27	26
Magani	14	6	2	6	22	18	4	14
Moku	14	6	2	6	19	19	0	14
United	14	6	1	7	15	18	-3	13
Tarakum	14	3	1	10	10	24	-14	7
Elcom	14	2	0	10	6	42	-36	4
Buresong	14	0	0	14	0	42	-42	0

**MT HAGEN SOCCER ASSOCIATION
ROUND TWO - WEEK 2**

Ground 1	Ground 2
Saturday 18/7/92	
11.00 Squad vs Squad	12.30 Wom: T/Gau vs H/Utd
12.30 Squad vs Sunam	2.00 Jnr: H/Utd vs BFC
2.00 Res: K/bobo vs T/gau	3.30 Jnr: K/bobo vs W/toks
3.30 Res: W/toks vs W/pac	

Sunday 19-7-92.	
12.30 Jnr: W/toks vs W/pac	12.30 Wom: W/toks vs K/bobo
2.00 Jnr: H/Utd vs BFC	2.00 Jnr: S/gala vs W/pac
3.30 Jnr: K/bobo vs T/gau	3.30 Res: H/Utd vs BFC

Sunam - Snr, Res and Won on bye.
* Mt Hagen Soccer Association wishes to advise that they will not be sending its womens team to the national titles due to lack of commitment of players and financial constraints.

**MOUNT HAGEN SOCCER ASSOCIATION
ROUND 2: WEEK 1**

JUNIOR DIVISION

Weekend Results	RST	Club	Played	Won	Draw	Lost	Points	G For	G Against
KALIBOBO 7 - BFC 1	1	Westpac	6	4	1	1	9	10	7
S/NAM 4 - W/PAC 1	2	Sunam	6	4	-	2	8	12	4
W/PAC 2 H/UTD 1	3	Kalibobo	6	3	1	2	7	15	9
	4	H/United	6	3	-	3	6	12	7
	5	Wantoks	6	2	1	3	5	8	13
	6	BFC	6	2	1	5	1	4	21

WOMENS DIVISION

T/GAU 1 - S/NAM 1	1	H/United	5	4	1	-	9	23	1
-------------------	---	----------	---	---	---	---	---	----	---

Hagen makim B&H Guria na Waskia bungim sem long NSI

trening skwat pinis

HAGEN Soka Asosiesen i makim pinis 26 pilaia bilong em long stap insait long bikpela kik bilong Benson & Hedges Kap em bai kamp long Manus long Septemba 17, 1992.

Dispela ol pilaia em Joe Mambu (Tarangau), Peter Marawa (Hagen United), Nara Kakat (Westpac), Safathos Khandua (Sunam), Kuring Kawon (BFC), Indy Geana (BFC), Clement Apiap (Hagen United), Paul Collin (Tarangau), John Bowie (Kalibobo), Elijah Kobua (Kalibobo), Sengi Watts (Sunam), Eagen Passa (Sunam), Roger Yupe (BFC), Mugite Manggin (BFC), Weivi Bangu (Hagen United), Leo McNai (Kalibobo), Aki Ilai (Kalibobo), Timothy Igobe (Kalibobo), Simon Mexie (BFC), Tony Pendene (Sunam), Robert Upaiga (Westpac), Alfred Ireiong (Westpac), Edwin Rukko (Hagen United), Roland Mark (Tarangau), Jaison Kobua (Kalibobo), Romie Livu (Sunam).

Dispela trening skwat bai stap aninit long lukaut bilong kosa Joe Kimat. Channel Kakehe bai helpim em tu long kosim ol dispela 26 pilaia.

Narapela samting em, olgeta kik bilong Hagen Soka Asosiesen bai kamap long Nutaun pilai graun bihain long ol i stretim ples bilong pilai na gol mak. Ol i bin stat yusim dispela pilai graun long las wiken.

Nau yet presiden bilong HSA, Jimmy Kabata i givim bikpela tok amamas i go long ol lain husat i bin helpim long stretim fil long Nutaun. Dispela ol lain em DCA, Tom (Total Hardware), Robert Manau, Joel Maisan, Lukas na ol arapela lain husat i bin givim han tu long stretim fil.

GOROKA RIPOT

WINIS MAP i raitim

LIDA bilong primia resis long Goroka soka, Guria i bin bungim bikpela sem tru long Nesenel Spot Institut pilai graun taim ol i lus long Rapatona.

Rapatona i bin banisim gut tru ol boi bilong Guria na bagarapim sindaun bilong ol, 4-1. Na dispela tu i bekim dinau bilong raun wan taim ol i lus long Guria.

Wankain bikpela bagarap i bin kamap long Waskia taim PTC i katim olgeta telipon waia bilong ol.

Rapatona i bin kisim gutpela sevis bilong Peter Koboni long midfil na Noel Tamsen long fowat na mekim ol gutpela ron tru long brukim banis bilong Guria. Dispela tupela pilaia i wok hat na

sutim 4-pela gol na Guria i bekim tasol wanpela.

Guria i bin traim brukim banis tasol difens bilong Martin na Ida i stapim ol. Golkipa bilong Rapatona, Willie Bera i bin stapim olgeta sans bilong Guria.

Waskia i ting olsem ol bai winim PTC tasol kas i abrus na PTC i nekim ol. PTC i bin kisim gutpela helpim i kam long Paul Lessie husat i lusim Guria long dispela sisen. Narapela ol pilaia husat i bin kamapim gutpela kik bilong PTC em Francis, Tony na Takiseng. Dispela ol lain i bin soim rot bilong ol arapela wan pilaia bilong ol na bagarapim sindaun bilong Waskia.

Long narapela gem namel long Murat na

Yuni-Tech, Murat yet i bin winim dispela gem. Dispela win i mekim Murat i kalap i go antap liklik gen long lata.



Traim umben...Dispela pilaia bilong Elcom long Goroka i laik traim meknais liklik long umben bilong Guria. Em i no laki na Guria i nekim ol, 4-2. Foto: Sape Metta.

Las sans bilong baim ol pilaia fi

SAMPELA tim husat i gat nem long stap insait long ol fainal bilong Goroka soka bai lusim sans sapos ol i no baim ol pilaia rejistresen fi hariap.

Presiden bilong GSA, Mathew Waram i tok Yuni-Tech tasol i no baim yet olgeta pilaia rejistresen fi bilong en. Na sampela klap i baim tasol rejistresen fi bilong ol sampela pilaia. Na sampela nogat.

Waram i tok ol dispela klap i mas baim ol pilaia rejistresen fi hariap. Sapos nogat, hat wok bilong ol bai lus nating na ol i no inap stap insait long ol fainal.

Bikpela kik long dispela wiken bai i stap namel long Murat na Kalibobo. Ol boi Madang i gat namba long rausim tiket bilong sampela strongpela tim husat i kik long Goroka. Sapos Murat i no

was gut, umben bilong ol tu bai bagarap.

Tasol ol boi solwara i katim bai givim hattaim liklik long Kalibobo sapos ol i painim banis bilong Kalibobo i gat hul.

Narapela strongpela kik bai stap namel long Guria na PTC. Guria i save pinis wanem hap ol i bin rong na Rapatona i winim ol. Na ol i stretim pinis dispela samting na PTC i mas was gut.

Tasol PTC i no inap larim Guria i winim ol. PTC i gat gutpela rekot long namba wan raun taim ol i bin bungim Guria. PTC i bin stapim Guria na ol i bin dro long kik bilong raun wan. Na dispela wik, ol bai traim long kamapim wankain kik na daunim Guria.

Long ol arapela gem, Waskia bai nekim Elcom na Rapatona bai winim Yuni-Tech.



Waliya traim tasol...Ol lain boi bilong Waliya soka tim i redi tasol long go insait long gem bilong ol long Mosbi las wiken. Ol i save kik long namba tu divisen. Long resis lata bilong Mosbi soka, Waliya i stap nau long namba tu ples. Kas bilong ol stret. Foto: David Rom.

Madang i stap maus pas yet

i kam long pes 28 Girigo na Norman Kunawai i sapotim tingting olsem i mas gat inap taim bilong ol pilaia long tren. Long wanem, gem plen em i bikpela samting.

Na long strongim dispela, tupela i aplai tu pinis long kisim gen dispela wok olsem ol tim opisal.

Long bekim ol dispela toktok, presiden bilong Madang Soka Asosiesen, Peter Angasa i tok ol tripela

seleka, Bonny Bongo, Norman Kunawai na Reuben Hamadi i no givim em yet nem bilong ol pilaia ol i makim long en. Taim em i kisim dispela, em bai tok save long ol klap na tim opisal long nem bilong ol pilaia na taim bilong trening.

Angasa i tok em tu i no klia long husat bai holim ol wok olsem ol kosa na menesa bilong tim. Wok bilong makim dispela i stap long han

bilong asosiesen tresera na ol komiti bilong em.

Long ol narapela samting, Girigo na Kunawai i laikim olsem Papua Niugini Futbol Asosiesen (PNGFA) na Mosbi Soka Asosiesen (PMSA) i mas putim gutpela sekyuriti long taim bilong pilai. Sapos nogat orait ol i mas muvim sempionsip i go long Rabaul o Lae. Long wanem dispela tupela hap i gat ol gutpela ples bilong kik.

Ol referi straik long Madang

PRESIDEN bilong Madang Soka Referi Asosiesen, Paul Marika i stapim olgeta memba bilong em long lukautim ol gem long las wiken.

Dispela hevi i kamap bikos ol i laik soim ol pilaia na olgeta eksekutiv bilong Madang Soka Asosiesen olsem ol i biknem pipel tu long fil.

Marika i tok long tupela wik i go pinis. Waskia i bin kik wantaim Mimlon. Na long dispela taim, wanpela mausman bilong Waskia i bin kros na paitim referi, Caspar Wani long fil.

Olsem na Marika i tokim ol referi long no ken lukautim ol gem inap asosiesen i stretim hevi bilong ol pastaim. Em i tok pasin bilong paitim referi na lainsmen i bilong bipo yet. Na em i no laik long dispela pasin i go het yet.

Royals bagarapim ol sindaun

KAVIENG RIPOT

WINIS MAP i raitim

ROYALS soka klap husat i kik long Kavieng soka i bin bagarapim stret sindaun bilong Murat long las wiken.

Dispela i no wanpela isi gol Royals i sutim bikos long namba wan hap bilong kik, Murat i bin banisim olgeta rot bilong Royals na tupela wantaim i no inap sutim gol.

Tasol bi'hain long hap-taim, Royals i kamapim gutpela balwok na stat setim ol strika bilong ol. Bryau Mave i bin painim rot bilong em i

go insait long umben bilong Murat na brukim kiau.

Sampela minit bihain long kik, Murat i pilai kaskas liklik na Shiney Mitiel i stilim bal long ol na sekim gen umben bilong Murat long namba tu taim. Murat i no bin inap long bekim dispela tupela gol.

Narapela bikpela kik long Sande i bin stap namel long Nauru na Momase. Dispela i bin wanpela gutpela kik. Momase i no bin luk fit tumas long kik. Nauru i pilaim gutpela balwok tru na kusai liklik long ol kas bilong Momase.

Strika bilong Nauru, Vali Tau i bin wok tru

long sutim gol tasol gol kipa bilong Momase, Heinz Peter i no larim em. Klostu long namba tu hap i pinis, Tau i painim liklik spes na brukim kiau namel stret long maus bilong umben.

Long namba tu hap, Nauru i sutim gen namba tu gol. Dispela gol i bin kamap long wanpela paul pilai em Nehemiah i wokim long penelti eria.

Momase i no wari tumas long dispela tupela gol na wok tru long bekim. I no long-taim, Momase i bekim na rausim wanpela gol tasol ol i no gat taim gen long rausim arapela gol.

Nauru i bin winim dispela gem, 2-1.



Stailim long anda 19...Ol boi bilong Yunivesiti na Maset i kaikaim bun long anda 19 kik resis long Mari Bareks fil las wiken. Tupela tim bilong Mosbi soka wantaim i bin dro, 1-1. Foto: Ivan Bayagau.

WAU BASKETBALL ASSOCIATION WEEKEND DRAW: SATURDAY JULY 18, 1992.

TIME	FIXTURE	DIVISION
10.00am	St. Francis vs Wau High	Women 'B'
11.00am	N.C.A vs Palif	Women 'B'
12.00noon	St. Francis vs WHS	Men 'B'
1.00pm	Sampai vs Palif	Men 'B'
2.00pm	Palif vs St. Francis	Women 'A'
3.00pm	Kurex vs Sampai	Men 'A'

SUNDAY JULY 19, 1992

1.00pm	Pasindia vs Kurex	Women 'B'
2.00pm	N.C.A vs Sampai	Women 'A'
3.00pm	Kurex vs St. Francis	Men 'A'
4.00pm	Sampai vs Bucks	Men 'A'

"Bye:" - Buck - Men 'B'
- Pasindia - Women 'A'
- Palif - Men 'A'

SATURDAY JULY 18, 1992.

TIME	FIXTURES	DIVISON	GR
9.00am	Waramuli vs M/United	U/23	1
10.00am	BFC vs Wokman	U/23	1
11.00am	Wau High vs Guria	U/23	1
12.00noon	Yaragoe vs Wokman	Primier	1
1.40pm	Guria vs Kurex	Primier	1
3.20pm	M/United vs Waramuli	Primier	1

SUNDAY JULY 19, 1992.

1.00pm	Sen. Francis vs Wau High Skul	U/23	1
2.00pm	Kurex vs Yaragoe	U/23	1
3.00pm	Wau High vs Wokman	U/23	1
1.00pm	Waramuli vs Wau High Skul	U/16	2
2.00pm	Sen. Francis vs Wau High Skul	U/16	2
3.00pm	Wau High vs M/United	U/16	2

"Bye:" St. Francis - Under 23
BFC - Premier

Enga kik nau long namba tri raun

GODFRIED NIAKA i raitim

PRESIDEN bilong Enga Soka Asosiesen, Ananias Popo i tok long nau yet ol tim i wok long pilai hat tru.

Long wanem, Enga i pinisim ol kik bilong raun tu na i go insait pinis long namba tri raun. Dispela em i fainal na las raun bilong ol gem long Enga. Popo i tok ol tim i wok long pilai hat tru long winim namba wan foapela ples bilong kik long ol fainal.

Nau yet olgeta junia divisen bilong Enga soka resis i no pilai moa. Asosiesen i rausim ol long wanem ol i no save kamap stret long ol taim

bilong pilai long wiken. Popo i tok olsem i gat tupela tim bilong ol meri tu i pinis long pilai long wankain as tasol.

Long kik bilong B&H Kap long Enga, Presiden Popo i tok olsem i gat foapela tim nau i wok long sambai tasol long go insait long ol fainal taim Papua Niugini Futbol Asosiesen i makim ol de bilong holim ol kik. Nem bilong ol dispela foapela tim em Elcom, Buresong, Lutheran Youth, na United.

Narapela samting tu em Enga Soka Asosiesen i makim pinis wanpela tim bilong ol meri long go kik long Rabaul long resis bilong Wimens soka sempionsip.

Yunaited bekim dinau long Westpac

BOS bilong primia divisen long Hagen soka, Westpac i bin kisim taim long Hagen United.

Ol kas nogut bilong Hagen United i banisim gut Westpac na bagarapim ples bilong ol long sindaun.

Liklik bagarap tu i bin kamap long Kalibobo. Kalibobo husat i stap namba tu long poin lata i no bin sutim planti gol na ol i dro wantaim BFC husat i stap daunbilong long lata.

Ol pilaia bilong Hagen United i bin redi gut tru pastaim long kik. Na ol i mekim Westpac i kirap nogut long stail pilai bilong ol long las wiken. Westpac i no bin gat sans long sutim gol.

Kalibobo i bin traim olgeta stail tasol ol kande bilong BFC i no larim ol. BFC i stapim olgeta pawa

bilong Kalibobo na tupela i dro long 2 gol.

Narapela tim husat i pait strong long winim gem em Sunam. Sunam i bin winim Tarangau, 4-1. Tarangau i no bin larim Sunam long win isi, ol i givim sampela hattaim tru.

Tasol bihain long gem i laik pinis, ol pilaia bilong Tarangau i slek liklik na Sunam i kapsaitim wara long umben bilong ol.

Lukluk long dro bilong dispela wiken, Kalibobo bai pilaim Tarangau, Hagen United na BFC, Wantoks wantaim Westpac.

Sunam i stap malolo tasol em bai pilaim lain bilong Hagen trening skwat long Sarere. Dispela em pilai bilong amamas tasol.

Wewak tok long bagarapim sindaun long tonamen

BASKETBAL RIPOT

ISRAEL KEPAS i raitim

WEWAK i makim pinis wanpela tim bilong ol man na narapela bilong ol meri long resis long namba tu Momase rijonal basketbal tonamen.

Dispela bikpela basketbal resis bai kamap long Madang stat long Fraide 17 i go inap long Sande, 19 Julai long dispela wiken.

Seketeri bilong Wewak Basketbal Asosiesen (WABA), Martin Surab i tok i gat ol nupela na olpela pilaia insait long ol tim. Na planti bilong ol yangpela pilaia i no save makim Wewak long ol ausait gem bipo. Tasol wok bilong pinisim pilai bai i stap long han bilong ol lapun yet.

Sampela bilong ol dispela olpela pilaia i gat nem long basketbal insait long kantri.

Surab i tok tupela tim bilong Wewak wantaim bai i go long Madang long dispela wiken long banisim nem ol i winim long 1990. Dispela em long taim ol i autim Vanimo na kisim ol taitel long Wewak yet.

Em i givim strongpela tok lukaut i go long ol arapela senta tu long redi gut na kam long Madang long wiken. Long wanem ol boi bilong Wewak i redi gut pinis long bagarapim ol sindaun long hap.

Ol pilaia husat i stap long tim bilong ol meri em Maria Kungamere, Maria Oma, Magdeline Posa, Jacklyn Makias, Betty Bonny, Yaom Kesum, Judith Moka, Ronnsie Paul, Ronah Kanemba, Joyce Knaru, Evon Maule, Carol Siaguru, Antonia Otto na Susan Jimmy.

Kosa bilong ol meri em John Lakam, tim menesa em Simon na trena em Jack Fave. Asisten menesa bilong tim em Alois Jerowai.

Long tim bilong ol man em Jacob Mulavasa, Kelly Ella, Laho Ella, Joe Moka, Terence Moka, Jack Fave, Vago Fave, Marcus Savi, Luke Erill, Gilbert Sari, David Tunan, Francis Gabby na Dominic Kasen.

Kosa bilong tim em Alwyn Ulo Sandau, tim menesa em Martin Surab, man bilong helpim wok bilong tim menesa em Barth Pukaro na trena em Luke Erill.

Dokta Moses Manwau bai lukautim tupela tim wantaim long wanem bagarap ol i kisim long taim bilong pilai long Madang.

Surab i tok klia long ol pilaia olsem husat bilong ol i no inap go long tonamen i mas tok save hariap long em. Telipon namba bilong seketeri em 86 2327.

Olgeta pilaia bilong go long Madang i mas baim K80 fi bilong karamapim wokabaut bilong tupela tim wantaim.

BENSON & HEDGES SOCCER

MOMASE BASKETBALL TOURNAMENT JULY 1992

MEN

POOL A

- A Madang 2
- B Vanimo
- C Butibum
- D Yambo
- E Saidor
- F Bogia 1

POOL B

- A Madang 1
- B Wewak
- C Mare
- D Karkar
- E Sum
- F Manam

WOMEN

POOL A

- A Madang 1
- B Vanimo
- C Butibum
- D Karkar
- E Sum

POOL B

- A Madang 2
- B Wewak
- C Yambo
- D Saidor
- E Bogia

FRIDAY 17/07/92

COURT 1 (MEN)

*4.00	Bogia 2	vs	Karkar (POOL B)
5.30	Madang 2	vs	Yambo
7.00	Vanimo	vs	Saidor
8.30	Butibum	vs	Bogia 1
10.00	Madang 2	vs	Saidor
11.00	Yambo	vs	Bogia 1
1.00	Vanimo	vs	Butibum

COURT 2 POOL B - MEN

4.00	Madang 1	vs	Sum
5.30	Wewak	vs	Manam
7.00	Mare	vs	Bogia 2
8.30	Karkar	vs	Manam
10.00	Madang 1	vs	Bogia 2
11.30	Wewak	vs	Mare
1.00	Manam	vs	Sum

COURT 3 (WOMEN)

4.00	Wewak	vs	Madang 2
5.30	Madang 1	vs	Karkar
7.00	Vanimo	vs	Sum
8.30	Madang 2	vs	Saidor
10.00	Wewak	vs	Bogia
11.30	Vanimo	vs	Butibum
1.00	Sum	vs	Karkar

SATURDAY 18/07/92

COURT 1 (POOL B MEN)

*9.00	Madang 1	vs	Vanimo (WOMEN)
10.00	Sum	vs	Bogia 2
12.00	Karkar	vs	Mare
1.30	Madang 1	vs	Wewak
3.00	Manam	vs	Mare
4.30	Sum	vs	Wewak
6.00	Karkar	vs	Madang 1
7.30	Bogia 2	vs	Wewak
9.00	Manam	vs	Madang 1
10.30	Sum	vs	Karkar
12.00	Mare	vs	Madang 1

Kurex holim BFC long Wau

ARI GUH DANDEE i raitim

PRIMIA tim bilong Kurex long Wau soka i bin kamapim gutpela kik tru na stapim BFC long winim gem las wiken.

Long namba wan hap bilong kik, Kurex i sutim namba wan gol. Dispela gol i bin kam long Steven Jacob. Tasol dispela i no stapim BFC long skoa.

Kwiktaim ol i kisim bal i kam gen long namel na statim kik. Samting olsem 5-pela minit bilong haptaim i stap yet na Giyu Mugau i painim rot bilong em i go insait long umben bilong Kurex.

Long namba tu hap bilong kik, ol kas nogut bilong BFC i soim strong bilong ol na sutim narapela tupela gol long apim skoa bilong ol i go antap long 3 poin. Namba tu gol

bilong BFC i kam long Towai Angai. Wesley Banabas i setim Angai long sutim gol.

Wesley i bin hangre tru long sutim gol olsem na em sutim namba tri gol bilong BFC.

Bihain long dispela gol, BFC i putim strongpela banis long beklain na stapim Kurex long skoa. Straika bilong Kurex, John Damin, i bin painim hat tru long brukim banis bilong BFC em Harvey Banabas, Giyu Mugan, Sinaka Yamu na Sim-brog Moses i putim.

Damin i stat toktok long ol wan pilaia bilong em na paulim tingting bilong ol pilaia bilong BFC. Taim em i lukim beklain bilong BFC i slek, em i sutim namba tu gol bilong Kurex. I no longtaim Francis i bihainim lek bilong Damin na meknais long umben bilong BFC.

Long fultaim, Kurex 3 i dro wantaim BFC 3.

Primia na risev opim raun tu

NAMBA wan kik bilong raun tu bilong ol primia na risev divisen long Mosbi bai kamap long dispela wiken.

Dispela tupela divisen i bin pinisim kik bilong raun wan long Julai 4 na 5. Na ol i bin malolo inap long wanpela wik.

Ol arapela divisen bai kik yet long raun wan bikos ol i gat sampela gem i stap. Ol tim husat i kik long namba wan divisen bai pinisim kik bilong raun wan long dispela wiken. Na

i go stret long raun tu long narapela wik. Ol bai i no inap malolo.

Ol divisen husat i gat sampela moa gem long pilai em anda 19 (tupela), namba tu divisen (tripela) na wimens divisen i gat 7-pela gem i stap yet.

Narapela samting em seketeri William Vui i laikim ol tim husat i no pinisim yet ol pilaia rejistresen fi long baim hariap pastaim long pinis bilong dispela wik. Em i tok wanem

tim o klap i no baim pilaia rejistresen fi pastaim long taim em i makim bai i no inap kik long neks wiken.

Vui i tok em i givim ol longpela taim pinis na em bai i no inap skruim taim moa.



Kula bomim umben bilong ol soldia boi long Mosbi

KULA em wanpela namba wan divisen tim husat i kik long Mosbi Soka Asosiesen. Na long las wiken, ol i bin kamapim gutpela kik tru.

Kula i bin nekim Difens wansait taim ol i bomim tripela kiau long mak bilong ol boi Difens.

Long namba wan hap, Kula yet i sutim namba wan gol. Dispela gol i bin kamap taim winga bilong Kula, Vali Gairo i kikim bal long saitlain i kam insait long namel. Dispela bal i kam stret na pas long lek bilong Paul Faiteli husat i suvim i go insait long umben bilong Difens.

Tasol Difens i no wari long dispela gol na pit hat long bekim.

Tupela olupela pilaia bilong Difens, Andrew Marampau na Clement Taupa i bin wok hat tru. Winga, Woi Smith i kisim tupela sans tasol lek bilong em i popaia na em i no painim maus bilong umben.

Long namba tu hap bilong pilai, Kula i kam bek

na kirapim gen das. I no longtaim, Vali Gairo i sutim namba tu gol bilong Kula.

Woi Smith bilong Difens i kisim narapela sans gen tasol em i no painim maus bilong umben. Las wiken i mas wanpela taim nogut bilong Smith olsem na em i painim hat long glasim maus bilong umben.

Fulbek bilong Difens, Daniel Sarapu, i bin wok hat tru long stapim ol fowat pilaia bilong Kula long brukim banis. Kilus Ndrawei tu i bin traim long sutim gol taim em i kam insait bihain long 10-pela minit bilong kik long namba tu hap. Tasol ol boi Kula i no givim spes long em.

Difens i no bin stretim gut umben na Paul Faiteli i sutim gen namba tu gol bilong em. Patrick Arada na Punei Gairo i bin kamapim gutpela kik long sait bilong Kula. Tasol tupela i no kisim sans long sutim gol.

Fultaim skoa; Kula 3 na Difens 0.

Udi kik long amamas na stretim gen lek

STORI BILONG PILAIA

WINIS MAP i raitim

Nem: Benson Udi
 Krimas: 19 yia
 Ples: Dorobisoro
 Distrik: Kwikila
 Provins: Sentrel
 Klap: Mt Obree
 Divisen: Anda 19

BENSON Udi em i wanpela yangpela boi Kwikila husat i wok long brukim bun long kik bilong Mosbi Soka Asosiesen.

Benson i bin stat pilai soka long 1984 taim em i skul long Laloki haikul. Long dispela taim, em i bin pilai long skul tim na i save salensim ol arapela haikul long Mosbi.

Bihain long 1984 i kam inap long 1991, Benson i lusim soka na i no save soim pes long pilai graun. Em i lusim soka inap 7-pela yia olgeta na i no moa tingting long kik. Tasol long dispela yia, tingting bilong Benson i kirap long pilai soka na em i joinim ol lain wantok bilong em na i wok long stretim gen roslek bilong em.

Benson i save kik long anda 19 tasol sampela taim em i save kik wantaim namba tu divisen tim bilong Mt Obree.

Nau yet Benson i no gat bikpela tingting long sampela samting. Em i laik kik tasol long amamasim em yet na kamapim kik bilong em.



□ Benson Udi





BENSON & HEDGES SOKA

Wantok

INSAIT

OL WIKEN
SPOT DRO
...p24

SOFBAL
NIUS...p23




• Ol kwin i
bung long
Bomana

SOKA NIUS

p25 • Ol soka
referi i straik
...MADANG

p26 • Royals
bagarapim
...KAVIENG

OL MOSBI
NIUS...p27



Resis long bal...Ol lain pilaia bilong Maset na Yunivesti long Mosbi i resis long kism bal. Dispela em kik bilong anda 19 divisen long Mari Bareks las wiken. Tupela tim wantaim i strong na ol i bin dro, 1-1. Foto: Ivan Bayagau.

Glasing ol bikpela gem long Mosbi

WINIS MAP i raitim

LUKLUK long ol bikpela kik bilong primia tim em bai kamap long dispela wiken.

Long Sarere bikpela kik bilong apinun bai stap namel long Yunivesiti na BFC. Dispela kik bai kamap long Bisini 1. Na long Bisini 2, Koupa bai traime bun wantaim Sobou.

Dispela gem namel long Yuni na BFC bai i wanpela gutpela gem long lukim. Tasol mi bilip olsem gem bai i go wansait liklik long sait bilong ol sumatin. Bikos ol i gat gutpela rekot long raun wan.

Ol boi BFC i ken daunim Yuni sapos ol i stapim yangpela Desmond Waku, Noel Vari na Steven Mune long sutim gol. BFC i mas ron i kam hariap long bungim ol pilaia bilong Yuni pastaim long ol i painim spes long muv.

Na long gem bilong Koupa na Sobou, i gat bikpela bilip olsem Koupa bai winim dispela gem.

Narapela 4-pela gem bilong primia tim bai kamap long Sande.

Long Bisini 1, namba wan gem bai stap namel long Kurti Andra na Westpac. Long wankain taim yet, Morobe United bai bungim Golo long Bisini 2.

Tupela bikpela gem long Sande bai i stap namel long Guria na GFC long Bisini 2 na Blu Kumuls na Rapatona long Bisini 1.

Gem namel long Guria na GFC bai i wanpela hatpela gem tasol i luk olsem Guria bai win. Bikos ol i gat nem pinis long kik bilong raun wan. Tasol, sapos GFC i strong, ol inap daunim Guria.

Narapela gem bai stap namel long Blu Kumuls na Rapatona. Planti man bai tingting strong olsem Rapatona bai nekim Blu Kumuls. Tasol mi ting olsem ol plisman bai winim dispela gem. Bikos pilai bilong ol i kamap gut tru klostu long pinis bilong raun wan. Na sapos ol i kirapim gen das long Sande, Rapatona bai sup stret.

Redi long 1992 nesenel soka sempionsip

Madang i stap maus pas yet

BEN TAUMAI
i raitim

TAIM bilong holim nesenel soka sempionsip i wok long surik i kam klostu. Dispela bikpela resis bai kamap long mun Okto-ba long Mosbi.

Tasol long Madang, ol pilaia, tim, klap na asosiesen opisal yet i no save husat bai stap insait long trening skwat bilong traime winim ples long dispela yia.

Planti sinia pilaia i komplek nau bikos ol i laikim ol opisal long

tokaut kwik long husat tru i stap insait long trening skwat. Olsem bai ol i gat inap taim bilong trening na redi long dispela bikpela kik resis.

Long 1989, Madang i bin brukim tru rekot taim ol i autim soka taitel long Mosbi. Na long dispela yia, ol i laik banisim dispela taitel gen.

Sampela ol biknem pilaia husat i bin helpim Madang long dispela taim i stap wet yet long lukim nem bilong ol. Dispela em ol kain man olsem Dickson Laviong, Trimo Topio,

Amos Ramo, Thomas Arnold, Fred Tonten, Alfred Gabong, Joe James na Victor Kasen.

Maski wanem samt-ing i kamap, i luk olsem planti bai winim ples gen bikos pilai bilong ol long sisen i kam i bin gutpela tru.

Ol ripot i tok taim bilong skwat long tren i stat pinis long las wik Trinde, tasol nau no gat wanpela man i save husat i stap long trening skwat na husat i no gat.


Wanpela sinia pilaia bilong Waskia soka klap, David Knox i tok, "Madang i laik winim gen dispela taitel. Olsem na mipela i mas givim inap taim long ol boi long tren."

Bihainim ol dispela komplek, em i klia tu olsem no gat wanpela man i save long husat ol lain bai holim wok olsem ol tim opisal.

Tupela bos bilong tim long 1989 taim Madang i winim taitel,

i go moa long pes 25

BENSON & HEDGES SOCCER



RUGBY

Namba 57

Fonde Julai 16, 1992

NIUS

Noten bai testim fowat lain bilong kosa Sam Heaho

LEO WAFIWA i raitim

NAMBA tu raun bilong Son sempionsip bai kamap long dispela Sande.

Long Lae, olupela sempion Sauten bai bungim Noten Son. Na long Rabiambul Oval long Hagen, ol strongpela bagaros bilong Hailans bai traिम strong bilong ol solwara boi (Ailan Son).

Long Lae Ragbi Lig Oval, Sauten bai bungim strongpela salens stret bilong Noten.

Las Sande Sauten i bagarapim stret sindaun bilong ol boi solwara 35-16. Bikos long gutpela strongpela pilai long fowat lain. Tasol Noten bai testim dispela fowat lain.

Kosa Sam Heaho i amamas tru long ol fowat pilaia olsem prop Steven Manas, lok Weka Lae na Fred Leo. Em i tok ol tripela kas ya i mekim planti strongpela ran na brukim banis bilong Ailan. Na dispela i helpim tim bilong em long win.

Gutpela sapot i kam tu long Kumul pilaia em PNGRFL i saspending, Kes Paglipari.

Planti taim ol i ran na kisim 10 o isi 15 mita. Huka Ronald Tovue i lukautim gut tru pilai bilong ol.

Na tu olgeta taim ol i brukim banis, gutpela sapot pilai i kam long ol arapela fowat na baklain pilaia. Kain stail i srukim pilai i go daun moa long eria bilong Ailan.

Ol risev fowat pilaia olsem Poki Kohu bilong Hawks, Gideon Kouoru bilong Wes na Sipa Kule bilong

Tarangau i givim moa salens tu taim ol i kisim fil, klostu long pinis bilong pilai.

Long baklain em olupela Kumul na Mosbi Vipers kepten, Stanley Haru long faiv eit na Elias Paiyo long hap bek posisen i lukautim pilai. Wok bung bilong tupela i gutpela tru.

Tupela kliam gut rot bilong ol arapela baklain pilaia olsem tupela senta, bikpela Bob Tolick na Paul Komboi, tupela winga Thomas Posou na strongpela bagaros bilong Souths, Peter Yuwi, na longpela fulbek Sevi Sarea. Sarea tasol i kam long Tabubil. Tasol em i pilai gut tru long lukautim banis, na tu long poromanim ol arapela baklain pilaia na tromoi bal i go i kam long skoa.

Tasol fowat lain bilong Sauten bai i kam aninit long strongpela salens bilong Noten. Noten bai paia aninit long lukaut bilong ol nem pilaia olsem Thomas Daki, Goro Arigae na John Okul. Ol dispela pilaia bai go pas long fran lain, na kliam rot bilong ol baklain pilaia olsem Paul Sevua, Charlie Vee na Tweedy Malagian.

Ol i mas daunim pawa bilong ol birua fowat pilaia bilong Sauten sapos ol i laik win. Dispela em wanpela rot tasol bilong win.

Noten i salim kaikai long Hailans 26-10 long Lae las Sande. Dispela i no mekim ol i amamas.

Long rausim dispela sem, ol bai mekim olgeta samting long daunim olupela sempion. Olsem na ol boi bilong kosa Heaho i mas tingting gut, taim ol i pundaun long Nadzab ples balus na go long Lae siti.



Fowat pilaia i ran long wing

• Winga bilong Sauten Son Thomas Posou i bungim strongpela takel bilong wanpela Ailan pilaia. Thomas em i wanpela fowat pilaia. Tasol em i pilai gut tru long sait lain. Em yet i skoarim wanpela trai long namba wan hap taim em i go pilai long senta. Sauten i win 35-16. *Ol poto Ivan Bayagau.*

**1992 SON SEMPIONSIP
DRO BILONG RAUN 2**

1. Sauten vs Noten (Lae)
2. Hailans vs Ailan (Hagen)

POIN LATA

Son	GP	W	D	L	PF	PA	PTS
Sauten	1	1	0	0	35	16	2
Hailans	1	1	0	0	20	10	2
Noten	1	0	0	1	10	20	0
Ailan	1	0	0	1	16	35	0

• Poin lata bihain long ol gem bilong raun wan em i bin kamap long las Sande (Tim i win kisim tupela poin). Raun tu bai kamap long dispela Sande. Na wina bihain long raun 3 bai winim dispela sempionsip.

Ol skoa bilong las Sande:

Sauten def Ailan 35-16
Hailans def Noten 20-10

Winfield League '92



• Ailan Son tim husat i bin go daun long strongpela Sauten tim 35-16 long las Sande. Lain bilong las Sande em Pius Jerry (fulbek-Kimbe), Jessie Alunga (lep wing-Rabaul), Max Warium (ausait senta-Rabaul), Issac Gladwin (insait senta-Kimbe), Kevin Gala (rait wing-Kimbe), Willie Langa (faiv eit-Rabaul), Phillip Ngatia (hap bek-Rabaul), Joe Kale (prop-Rabaul), Benard Bate (huka-Rabaul), Pisae Meavo (prop-Kavieng), Bau Wallace (seken ro-Kavieng), Ben Emban (seken ro-Kavieng), Apelis Walia (lok-Rabaul), Jonny Barbs (risev-Rabaul), Henry Pangas (risev-Rabaul), Nason Lavat (risev-Kimbe), Sylvester Pologau (risev-Kimbe). Ol opisal em Paul Sali (kosa), Victor Golpak (tim dokta) na Apelis Maniot (trena).

Sauten son go pas gen long poin lata

OLPELA sempion, Sauten Son i go pas nau long poin lata bilong son sempionsip, bihain long namba wan raun long las Sande. Tasol dispela wiken em bai i bungim strongpela salens bilong Noten Son.

Tupela son ya bai bung long namba tu raun bilong son sempionsip em bai i kamap long Lae long Sande Julai 19. Long sem de bai ol boi Hailans i bungim Ailan Son long Hagen.

Las wiken Sauten Son i memeim stret ol solwara boi 35-16, bihain long Sauten i go pas long namba wan hap 14-10. Na ol maunten boi i daunim strongpela salens bilong ol nambis boi 20-10. Long hap taim, Hailans i bin go pas long skoa 6-4.

Olgeta 4-pela tim i makim wanwan son bai pilai tripela gem. Na wanem tim i go pas long lata bai winim dispela sempionsip. Na tu autim taitel olsem sempion son long Papua Niugini.

Nau yet Sauten Son aninit long lukaut bilong kosa Sam Kaia na kepten Stanley Haru i go pas long poin lata.

Bihain long Sauten Son em Hailans Son, Noten na Ailan Son.

Dispela wiken ol strongpela gem stret bai i kamap.

Wes redi long bekim dinau long Tarangau

WES i redi nau long bekim dinau long 1991 primia tim, Tarangau.

Tupela tim ya bai bung long namba tu las A gret gem bilong dispela Sande.

Las sisen tupela tim ya i bung long gren fainal na Tarangau i win. Wes i sindaun namba tu ples long lata na i gat 100 pesen sans pinis long go insait gen long fainal, na go olgeta long gren fainal. Tasol Tarangau i gat 50 psen sans tasol.

Wantaim bel kaskas bilong las sisen, Wes bai ran i go insait long Lloyd Robson oval long mekim indai olgeta long ol 9 Mail boi.

Wes bai yusim gen sevis bilong Kumul faiv eit Tuksy Karu na winga/senta Joshua Kouoru sapos tupela i redi long pilai. Sapos nogat, bai Michael Toivita yet i lukautim pilai long faiv eit posisen wantaim sapos bilong olupela Kumul huka Roy Heni.

Tarangau bai kism gen sevis bilong ol nem fowat pilaia olsem Kaibel Kanaka, Ben Bire, James Naipao na senta Richard Wagambie.

Tripele arapela pilaia i bin stap insait long Kumul tim. Kanaka i go malolo long ples na kam bek.

Rabiamul Oval bai meknais long Sande

RABIAMUL Oval long bik-taun bilong Westen Hailans provins, Hagen bai i paia long dispela Sande taim Hailans i bungim Ailan long namba tu raun bilong Son sempionsip.

Lukluk long gem bilong las Sande egens Sauten, ol solwara boi i nogat tru spes. Mekim na ol i lus 35-16.

Wanpela samting i gutpela

long ol em ol i gat ol baklain pilaia husat i tromoi bai i go i kam haraip na spit.

Tasol fowat lain aninit long lukaut bilong olupela Kumul huka Benard Bate i mas pait strong moa. Kosa Paul Sali i mas skulim gut ol arapela fowat pilaia olsem Apelis Walia, Joe Kale, Ben Emban na Pisae Meavo long ran strong moa wantaim bal, na

tu long takel.

Ol baklain pilaia olsem fulbek Pius Jerry, Max Warium, Issac Gladwin aninit long lukaut bilong faiv eit Willie Langa na hap bek Philip Ngatia i gat moa spit, na i ken skoa.

Tasol rot bilong ol i ken klia sapos ol fowat i pait hat.

Hailans i no inap isi long ol. Ol bai kam wantaim ol

strongpela bagaros olsem Pora Nema, Elias Kamiak, Bobby Mangope na Robert Singapal. Tingting bilong ol em long win tasol.

Kosa Joe Tokam na trena Gabriel Kiluwa i gat bilip long ol boi bilong tupela long winim namba tu gem. Tasol sapos ol i laik tekova long lata, ol i mas win long bikipela skoa.



• Sauten Son tim long lephan i go long rait em (franlain) Peter Yuwi, Thomas Posou, kepten Stanley Haru, Vincent Eri, Gideon Kouoru, Sevi Sarea, (namel lain) Ronald Vue, Elias Paiyo, Sipe Kule, Kes Paglipari, Jack Lupalu, (baksait) Pennie Gamoga (tim menesa), Tau Roa (tim dokta), Sam Heaho Kaia (kosa), Steve Manas, Fred Leo, Weka Lae, Bob Tolick, Poki Kohu, Paul Komboi, Johannes Kola (trena), na Mans Kei (Sauten Son president).

Dua bilong Mosbi fainal 5 op yet

MOSBI Winfield Lig resis bai i go insait long namel bilong raun tu long dispela wiken. Tasol dua bilong go insait long fainal 5 posisen i op yet (lukim poin lata long pes 4 na 5).

Bikos ol ol top 8 tim i stap klostu tasol long lata. Olsem na olgeta i gat wankain sans.

Tripela tim long aninit

Olsem Royals, Tarangau na Magani i ken go antap moa long lata sapos sampela bilong 5-pela top tim i no win long dispela wiken na i go. Ol top 5 tim em Air Niugini, Wes, Souths, Brothers na Difens.

Lukluk long stail bilong pilai i kam nau, Souths bai go insait yet long fainal 5 wantaim

Air Niugini na Difens. Brothers na Difens i mas pait strong moa. Sapos nogat, spes bilong tupela bai i go long ol tripela tim long aninit.

I gat bilip olsem Souths bai strongim yet win bilong em egens Difens. Tupela bai bung long bikpela A gret gem bilong Sande. Long ol arapela A gret

gem, Wes bai bungim strongpela salens bilong Tarangau, Air Niugini bai winim Magani na Brothers bai autim Royals.

Difens aninit long lukaut bilong faiv eit Tony Daple i mas lukaut long ol boi Sauten Hailans.

Bikpela tingting bilong ol boi Sauten Hailans em long go stret long gren fainal. Olsem na ol i min long win tasol.

Dispela kain bilong ol long tromoi bal i go i kam long sapot pilai bai paulim ol soldia boi ya. Ol soldia boi i mas tingting long strong long muv i go antap hariap na stapim ol Souths pilaia. Dispela em long go stret long pilaia wantaim bal.


Souths em wanpela tim we ol fowat pilaia i save ran nating long giamanim ol birua tim olsem huka bai givim bal long ol. Long dispela kain sapot pilai na ol i win i kam.

Sapos ol soldia boi i ken stapim Souths, lo i ken paia na win.

Kumul tim bai kam bek bipo long Sande. Na sapos tupela pilaia bilong em, bikpela Kera Ngaffin na winga Jack Uradok i joinim gen, ating ol soldia boi bai i strong liklik.

Ngaffin bai poroman wantaim Lahui Ako long fowat lain.

Tupela pilaia husat i stap long Sauten Son tim em Kes Paglipari na Johannes Kola.



Kas bilong 'Zulu' boi - Saka 'Zulu' Tomu i pilai strong tru long fowat lain bilong Souths na ol i winim Brothers 32-10 las Sande. Olsem na em i winim "Man of-the Match" awot, na ol arapela wan pilaia i amamas na karim em i go ausait long fil. Ol wan pilaia husat i karim stat Ing lephan i kam em Philip Welia, Simon Kopape na fulbek Oliva Mika.

Kas bilong boi Juave



• Tabie ... amamas long pilai wantaim Brothers.

Nem : Belden Tabie
Krismas : 22
Ples : Agum, Juave distrik.
Provins : Simbu
Posisen : Huka
Klap : Brothers
Lig : Mosbi Winfield Lig

Belden i bin groa wantaim ragbi lig long Elimbari Komyuniti skul long Juave, Simbu provins. Dispela em long 1984 taim em i mekim gret 6.

Bihain long 1984, em i go long Juave hauskuk long 1984, na pilai aninit long Anda 70 kilogram Skul-bois resis.

Bihain long tupela yia, em i kepten long Juave hauskul tim inap long tripela yia olgeta. Long skul holide taim, Belden i save pilai long ples wantaim ol arapela boi. Em i save supim het wantaim ol A gret pilaia long ples. Na lainim moa stail bilong pilai.

Long 1988 Belden i lusim Juave hauskul na joinim Woks Magani klap bilong Kundiawa Ragbi Lig resis. Em i pilai wantaim ol long sampela gem tasol na lusim, bipo long sisen propa i pinis. Na i flai abrusim planti maunten na pundaun long Mosbi siti.

Taim em i putim lek long Mosbi Jacksons ples balus, em i stap liklik wantok ol wantok, na traim long mekim nem long wanpela klap bilong strongpela Mosbi Ragbi Lig resis.

Tasol swit bilong Magani i stap yet long nek bilong em. Olsem na em i joinim Magani klap, na i pilai 10-pela gem aninit long lukaut bilong kosa Manase long ANda 19 divisen.

Bihain em i lusim na stap nating long wanpela yia olgeta. Bikos em i no amamas long pilai long posisen ol

i makim em long em. Bikpela laik bilong Belden em long pilai long huka posisen, na lukautim gem bilong ol fowat pilaia.

Em stap nating i go inap long 1991 taim Nesenel Kapitel Distrik Pablik Sevan Ragbi Lig resis i kamap. Em i putim nem long buk bilong NCD Ragbi Lig Klap, na pilai long dispela resis. Dispela em wanpela resis bilong ol pablik sevan insait long Mosbi siti.

NCD pilai i go insait long gren fainal, na Belden i pilai gut tru. Orait dispela taim, Ben Bre i lukim gutpela pilai bilong Belden. Bre em bikpela nem fowat na sinia pilaia bilong Mosbi Winfield Lig resis nau, na i save pilai wantaim A gret tim bilong Brothers RLC.

Bre i askim Belden long joinim Brothers long 1992 sisen. Orait Belden i joinim Brothers na pilai long hap bek, na sampela taim long faiv eit o huka posisen. Dispela em tripela posisen Belden i gat moa save long pilai.

Belden i tok em i amamas long pilai long Brothers. Bikos klap i givim em nau moa save long pilai long posisen i gat bikpela laik long pilai.

Nau yet ol wan pilaia i amamas long gutpela pilai bilong Belden. Planti taim bihain long trening o gem, ol bai mekim gutpela toktok long Belden. Na dispela i sutim tru bel bilong Belden long strongim moa pilai bilong em.

Driman bilong Belden olsem ol arapela pilaia nau em long autim namba 9 jesi bilong Sauten Son long sampela taim bihain. Na tu long mekim nem long 1993 o 1995 Kumul tim.

Ol Mosbi Kumul pilaia kam bek pinis long strongim resis

OL A gret tim bilong Mosbi Winfield Lig husat i lusim ol nem pilaia long Kumul tim bai kisim ol gen long dispela wiken.

Kumul tim i pilaim Australia Kangaroo long Trinde, na bai kam bek long Mosbi long tude. Dispela i min olsem ol bai joinim gen klap bilong ol long wiken, sapos ol i no kisim bagarap.

Air Niugini bai kisim bek lok Joe Gispe long strongim fran lain bilong em, Wes bai kisim bek faiv eit Tuksy Karu, Brothers bai kisim faiv eit Aquila Emil, Difens bai kisim Kera Ngaffin na Jack Uradok, Tarangau bai kisim senta Richard Wagambie, fowat James Naipao na kosa John Wagambie.

Narapela gutpela fowat bilong Tarangau, Kaibel Kanaka i stap long ples na i kam bek pinis. Em tu bai kisim fil long dispela Sande egens Wes.

Keroa no laikim Inta Siti resis

SEKETERI bilong Hagen Winfield Lig, Ivan Keroa i askim nau PNGRFL long skruim SP Inta Siti Kap resis i go long op sisen.

Em i tok olsem bikos stended o gutpela stail bilong pilai long Hagen Winfield Lig i go daun nau bihain long SP Inta Siti Kap resis i pinis. Na dispela em wanpela bikpela hevi ol bikman bilong Hagen Winfield Lig i lukim long 1992 sisen.

PNGRFL i lukim olsem Inta Siti Kap resis i gutpela long makim ol namba wan Kumul pilaia. Tasol Keroa i lukim olsem dispela i no gutpela.

Keroa i tok planti gem i no kamap bihainim dro ol i bin makim na oraitim. Bikos planti pilaia i no kamap long fil long stretpela taim bilong pilai.

Olsem na i gat sampela fofit, na sampela tim bai kisim tupela poin nating long Winfield Kap lata. Keroa i tok dispela i soim olsem planti pilaia i no laik long pilai moa.

Keroa i skruim tok olsem planti sapota husat i save kamap na lukim ol Winfield Kap resis i go daun nau. Bikos Inta Siti Kap resis i pulim ol

sapota.

Keroa i tok planti sapota husat i kamap long fil i laik lukim na makim pilaia we ol i ting i gutpela long makim Hagen long ol bikpela gem olsem Inta Siti na Son Sempionsip. Long dispela as ol i no laik long soim stail bilong ol long namba tu raun bilong sisen propa resis.

Em i tok Inta Siti resis i bagarapim stended bilong gem. Taim Inta Siti resis i pinis, stended bilong Winfield sisen propa resis i go daun. Dispela i soim olsem olgeta pilaia i gat bikpela tingting long makim Hagen, na i bin pilai strong bipo long Inta Siti resis i stat. Tasol bihain long Inta Siti resis, olgeta i les long pilai.

Long dispela as na Keroa i no amamas long Inta Siti resis i kamap namel long sisen propa resis. Em i tok PNGRFL i mas senisim taim bilong Inta Siti resis i go long op sisen. "Dispela bai givim inap taim long olgeta gutpela pilaia long soim strong na stail bilong ol i go inap sisen propa resis i pinis," em i tok.

Keroa i bilip olgeta Winfield Lig senta i mas bungim dispela hevi tu.

Wau Bulolo stap long tudak yet

WAU BULOLO Ragbi Lig long Morobe provins i gat bikpela hevi nau long sisen propa resis bilong em. I nogat gem nau long tupela wik olgeta.

Long wanem ol pilaia i pret long sapota bilong ol kendidet i lus long nesenel ileksen long statim trabel long pilai graun.

Wanpela sinia pilaia na tresera bilong lig, Simon Kabi i tok olgeta gem bai stap yet inap ol opisal i tokaut klia long wanem gutpela rot ol bai lukautim ol pilaia long taim bilong gem.

Nau yet Zenag Rooster klap bilong Mumeng i no laik loqq pilai. Bikos ol i bilip olsem birua bai kamap yet namel long ol na sapota bilong ol kendidet i lus long sia bilong Bulolo Open.

Kabi i tok dispela wik ol bikman bilong lig bai kibung long dispela. Na toktok long statim namba tri raun bilong sisen propa resis bipo long narapela mun.

Kabi i tok dispela em las raun bilong sisen propa resis bilong 1992 sisen. "Tasol nau yet las raun bilong sisen propa i stap long tudak," em i tok.

Winfield League Results

PORT MORESBY WINFIELD LEAGUE

A GRADE POINTS TABLE

Team	P	W	D	L	PF	PA	PTS
Air Niugini	16	12	1	3	408	269	25
West	16	11	2	3	435	312	24
Souths	16	11	1	4	402	287	23
Brothers	16	10	0	6	381	330	20
Defence	16	9	2	5	400	302	20
Royals	16	8	1	7	407	372	17
Tarangau	16	8	1	7	361	335	17
Magani	16	8	1	7	331	342	17

WIN MONI K10,000 CLUB CHAMPIONSHIP

Club	A Gr	Res	U/21	U/19	U/17	Total
West	72	44	54	40	24	234
Air Niugini	75	52	46	32	15	220
Souths	69	40	32	52	16	209
Brothers	60	40	44	18	19	181
Hawks	54	24	36	38	27	179
Royals	51	32	28	40	17	168
Waliya	30	36	48	32	18	164
Tarangau	51	34	46	6	7	144
Magani	51	32	6	24	17	130
Kone	30	34	14	36	12	126
Seagulls	30	4	24	32	17	107
Paga	15	18	22	38	12	105
DCA	24	16	4	16	9	69

Reserves Points Table 1992

Team	P	W	D	L	GF	GA	PTS
Air Niugini	16	12	2	2	333	193	26
West	16	11	1	4	302	215	23
Souths	16	9	2	5	316	241	20
Brothers	16	9	2	5	324	276	20
Kone	16	8	1	7	328	327	17
Tarangau	16	8	1	7	275	260	17
Royals	16	7	2	7	274	299	16

PLATE TEAMS

Waliya	16	8	2	6	297	300	18
Magani	16	7	2	7	274	221	16
Hawks	16	6	0	10	328	366	12
Paga	16	4	1	11	197	255	9
DCA	16	4	0	12	247	393	8
Seagulls	16	1	0	15	202	485	2

U/21 Points Table 1992

Team	P	W	D	L	GF	GA	PTS
West	16	14	1	1	367	156	29
Waliya	16	11	2	3	271	144	24
Air Niugini	16	11	1	4	285	140	23
Tarangau	16	10	3	3	245	169	23
Brothers	16	10	2	4	236	145	22
Defence	16	8	2	6	246	195	18
Souths	16	7	2	7	225	225	16
Royals	16	6	2	8	206	262	14

PLATE TEAMS

Hawks	16	9	0	7	209	190	18
Seagulls	16	6	0	10	138	253	12
Paga	16	5	1	10	164	223	11
Kone	16	3	1	12	137	214	7
Magani	16	1	1	14	106	290	3
DCA	16	1	0	15	115	344	2

U/19 Points Table 1992

Team	P	W	D	L	GF	GA	PTS
Souths	16	14	0	2	200	94	28
Royals	16	10	0	6	169	110	20
Defence	16	9	2	5	152	117	20
West	16	9	2	5	167	138	20
Hawks	16	9	1	6	147	108	19
Kone	16	7	4	5	148	136	18
Waliya	16	6	4	6	136	126	16
Seagulls	16	6	4	6	173	185	16

PLATE TEAMS

Paga	16	9	1	6	151	118	19
Air Niugini	16	8	0	8	191	110	16
Magani	16	6	0	10	103	187	12
Brothers	16	4	1	11	121	167	9
DCA	16	3	2	11	118	238	8
Tarangau	16	1	1	14	64	206	3

U/17 Points Table 1992

Team	P	W	D	L	GF	GA	PTS
Hawks	16	13	1	2	226	69	27
West	16	11	2	3	179	99	24
Brothers	16	9	1	6	157	110	19
Magani	16	8	1	7	125	121	17
Seagulls	16	7	3	6	120	186	17
Air Niugini	16	5	5	6	105	83	16
Souths	16	7	2	7	127	121	16
Defence	16	5	2	9	160	174	12

PLATE TEAMS

Waliya	16	8	2	6	167	135	18
Royals	16	8	1	7	130	93	17
Paga	16	5	2	9	135	127	12
Kone	16	6	0	10	114	187	12
DCA	16	4	1	11	128	270	9
Tarangau	16	2	3	11	75	173	7

RESULTS:

ROUND 2: Air Niugini beat Tarangau 26-20, Defence beat Magani 28-14, Wests beat Royals 38-26, Souths beat Brothers 32-10,

PLATE TEAMS: Seagulls beat Hawks 40-26, DCA beat Paga 32-18, Waliya beat Kone 52-24

DRAWS:

Friday July 17

7.45pm Paga vs Kone

Saturday July 18

3.30pm Hawks vs DCA

Sunday July 19

9.30am Seagulls vs Waliya
11.00am Brothers vs Royals
12.30pm Air Niugini vs Magani
2.00pm Wests vs Tarangau
3.30pm Defence vs Souths

MATCH OF THE ROUND:

Sunday July 19

3.30pm Defence vs Souths

COMMENTS/QUOTES RE WEEKEND'S GAME/NEXT WEEKEND:

Draws: Round 2 - Game 4

Friday: Date: July 17

Ground	Time	Grade	Team	Team
LRO	5.00pm	U21	Waliya	vs Souths
LRO	6.15pm	Res	Wests	vs Kone
LRO	7.45pm	A Gr	Paga	vs Kone

Saturday: Date: July 18

LRO	9.30am	Res	Magani	vs Paga
LRO	11.00am	Res	Air Niugini	vs Tarangau
LRO	12.30pm	Res	Brothers	vs Royals
LRO	2.00pm	Res	Defence	vs Souths
LRO	3.30pm	A Gr	Hawks	vs DCA

Sunday: Date: July 19

LRO	9.30am	A Gr	Seagulls	vs Waliya
LRO	11.00am	A Gr	Brothers	vs Royals
LRO	12.30pm	A Gr	ANG	vs Magani
LRO	2.00pm	A Gr	Wests	vs Tarangau
LRO	3.30pm	A Gr	Defence	vs Souths

Draws: Round 2 - Game 4

Saturday: Date: July 18

Ground	Time	Grade	Team	Team
PRL II	9am	U/17	Tarangau	vs Royals
PRL III	9am	U/17	DCA	vs Kone
PRL II	10am	U/17	Waliya	vs Paga
PRL III	10am	U/17	Hawks	vs Brothers
PRL II	11am	U/17	Souths	vs Seagulls
PRL III	11am	U/17	ANG	vs Defence
PRL II	12 noon	U/17	Wests	vs Magani
PRL III	12 noon	U/19	DCA	vs ANG
PRL II	1pm	U/19	Paga	vs Brothers
PRL II	1pm	U/19	Tarangau	vs Magani
PRL II	2pm	U/19	Wests	vs Royals
PRL III	2pm	U/19	Defence	vs Hawks
PRL II	3pm	U/19	Seagulls	vs Kone
PRL III	3pm	U/19	Souths	vs Waliya

Sunday July 19

PRL II	9am	U21	Kone	vs Paga
PRL III	9am	U21	Magani	vs Seagulls
PRL II	10.15am	U21	Hawks	vs DCA
PRL III	10.15am	U21	ANG	vs Waliya
PRL II	11.30am	U21	Brothers	vs Tarangau
PRL III	11.30am	U21	Wests	vs Royals
PRL II	1.15pm	Res	Seagulls	vs Hawks
PRL III	1.15pm	Res	DCA	vs Waliya

LAE WINFIELD LEAGUE

POINTS TABLE

CLUB	P	W	D	L	PF	PA	PTS
Tarangau	10	7	-	3	243	154	14
Spiders	10	7	-	3	232	133	14
Brothers	10	6	1	3	281	143	13
Defence	10	4	2	4	175	91	10
Royals	10	5	1	4	215	134	11
Panthers	10	4	2	4	159	73	10
Magani	10	3	-	7	189	74	6
Tigers	10	1	-	9	136	50	2

RESULTS:

No Winfield League games played this week due to Westpac Mid-week competition finals

DRAW: 19/07/92

Tarangau vs Panthers
Defence vs Tigers
Spiders vs Brothers
Royals vs Magani

MATCH OF THE ROUND:

Spiders vs Brothers

COMMENTS/QUOTES RE WEEKEND'S GAME/NEXT WEEKEND:

Match of the round would have Spiders vs Brothers, second place and third with one point between both clubs a win is vital.

RABAUL WINFIELD LEAGUE

WINFIELD CUP LADDER

TEAM	P	W	D	L	PF	PA	PTS
Royals	13	11	-	2	326	216	22
Crusaders	13	10	-	3	358	199	20
Muruks	13	9	-	4	327	276	18
Norths	13	9	-	4	380	248	18
Seagulls	13	8	-	5	315	284	16
Brothers	13	7	-	6	306	273	14
East	13	4	-	9	263	331	8
Bala	13	4	-	9	232	342	8
Panthers	13	2	-	11	231	336	4
Tarangau	13	2	-	11	178	417	4

RESULTS:

Round 12: Norths beat Easts 40-18, Royals beat Bala 24-14, Seagulls beat Tarangau 40-10, Brothers beat Panthers 30-18, Crusaders beat Muruks 40-12.

DRAWS:

18/07/92
2.00pm Norths vs Bala
3.30pm Seagulls vs Panthers

19/07/92
12.00pm Crusaders vs Royals
1.40pm Muruks vs Tarangau
3.30pm Brothers vs Easts

MATCH OF THE ROUND:

Brothers vs Easts

COMMENTS/QUOTES:



• Mosbi - Royals pilaia i laik autim bal hariap bikos tupela Wes pilaia i kaamap pinis long takelm em. Wes i win 38-26.



• Kepten bilong Brothers Isaac Rop i holim bal long raithan na ran narakain stret egens ol Souths pilaia. Tasol ol boi Sauten Hailans i strong na win 32-10 long A gret gem bilong Mosbi las Sande.



• Yangpela fowat bilong Sauten Son Jack Lupalu i split i kam na i laik brukim banis bilong Allan. Long kain strongpela ran olsem na Sauten i win 35-16.



• Winga bilong Sauten Son, Thomas Posou i pasim ai na ran i go insait long bungim takel bilong tupela Ailan pilaia las Sande long Lloyd Robson oval.



• Olpela nem faiv elt bilong DCA, Kolvi Pirika i soim stall wantaim Souths las Sande egens Brothers. Kas ya i stat long kisim gen stall bilong em em planti sapota i save amamas tru long lukim long bipo.



• Mosbi - Fowat bilong Souths Otmar Wale i holim gut bal na sisti stret long tral lain bilong Brothers.

Ol woda na plisman bai salens long Wewak

OL woda na plisman bai salensim ol yet long namba tu bikpela A gret gem bilong Wewak ragbi lig long dispela Sande.

Dispela bai i wanpela gutpela strongpela gem, na i gat bikpela bilip olsem 1991 primia tim, Royalsbai bungim moa salens stret i kam long ol lain bilong CIS long Brandi rot.

Seketeri bilong lig, Aga Vele i tok ol boi Tarangau i stretim pinis sampela asua bilong ol, na i wok long pilai gutpela gem nau.

Long go pas long ol arapela pilaia em fulbek Kende, senta Aila na faiv eit Veata Noi.

Long fowat lain em Henrix o 'Raba man' bilong Turubu bai i go pas wantaim ol strongpela ran na takel bilong em. Henrix em i wanpela skin tait man na ol Royals pilai i mas lukaut gut long em. Bikos nogut em i salim wanpela bilong ol long Boram haus sik.

Royals i gat ol pilaia husat i helpim em long winim gren fainal bilong las yia egens Country. Na tu dispela yia ol i helpim Royals i go pas gen long lata, na lukluk long autim gen taitel ya long namba tu yia.


Long baklain em Steven Aua, Paul Gonaba, fulbek Peter Tubaya na Noten Son winga, Julius Taliu bai lukautim pilai long rait wing.

Taliu i gat spit bilong Martin Offiah, winga bilong Gret Briten Lions husat i save ran olsem smok balus stret.

Las ol i bungim gut stail egens birua tim Country. Tasol pawa bilong ol i no inap. Olsem na ol i go daun long Country 20-16.

Dispela wiken ol bai bekim dispela dinau egens Tarangau. Olsem na ol boi bilong CIS i mas tingting gut.

Seketeri Vele i bilip ol gem bai pulim moa manmeri na pikinini long wiken. Na em i askim ol sapota arere long sait lain long sapatim tim bilong ol long gutpela pasin.



Langa painim lain • Faiv eit na kepten bilong Ailan Son, Willie Langa i laik kikim bal long painim lain long namba wan raun bilong son resis egens Sauten long Mosbi las Sande. Sauten i win 35-16.

Country gat sans long winim Tigers

OLPELA nem tim bilong Wewak ragbi lig, Country i gat gutpela sans long winim Tigers long bikpela A gret gem bilong dispela Sande. Tasol ol boi Tigers bai givim strongpela salens stret.

Las Sande ol boi Country tromoi bal i go i kam long fil na bekim dinau long Royals 20-16. Las yia tupela tim ya i bung long gren fainal, na ol plisman i win 18-16.

Tasol las Sande ol boi Kantri wantaim 12-pela pilaia tasol i winim ol plisman long las minit.

Dispela wiken ol bai yusim wankain stail bilong tromoi bal i go i kam long wilwilim Tigers. Tasol ol boi Tigers tu i bungim gut stail na pilai strong nau.

Las Sande ol i pilai gut tru, na go daun long Tarangau long tupela poin tasol 6-4. Lukluk long kain skoa olsem, ating ol boi bilong olupela nem tim, Country i noken pilai kaskas

long ol. Country bai ran i go insait long Pora oval aninit long lukaut bilong ol nem pilaia bilong em olsem Peter Munji, Peter Niaga na Chris Mek. Ol dispela fowat pilaia i gat strongpela masel stret long brukim banis wantaim ol strongpela ran.

Long baklain em faiv eit Paul Labu wantaim Patrick Sael na winga Robert Ason bai lukautim pilai. Las wik ol i pilai gutpela gem tru long tromoi bal i go i kam.

Olsem na ol baklain pilaia bilong Tigers mas ran i go antap hariap long stapim ol. Sapos nogat, ol bilong kam na i go tasol.

Tigers bai strong long ol nem pilaia bilong em olsem kepten Willie Biare, Aba Niamen, Caro na David Elavo.

Na long namba wan A gret gem bilong Sande bai Tarangau i kaikai bung wantaim Royals.

12-pela pilaia tasol bekim dinau long Royals

COUNTRY i bekim dinau egens 1991 primia tim, Royals 20-16 long bikpela A gret gem bilong Wewak ragbi lig long las wik Sande.

Klostu long pinis bilong namba wan hap, referi i salim bikpela fowat Alex Anis i go ausait olgeta long fil bikos long sampela paul pilai. Tasol Country i strong wantaim 12-pela pilaia tasol na winim dispela gem long las minit wantaim trai bilong risev pilaia, Paul Gawi.

Las yia tupela i bung long gren fainal na ol plisman i win 18-16. Tasol las Sande, em narapela stori olgeta i kamap.

Country i win bikos long gutpela baklain pilai. Long namba wan hap, Country i skoarim tripela trai olgeta na ol plisman i skoarim wanpela

tasol. Ol trai bilong Country i kam long gutpela han bilong ol pilaia olsem insait senta Patrick Sael, faiv eit Paul Labu, na M Julai. Sael i kikim tupela gol kik bilong 4-pela poin olgeta, na bringim skoa bilong Country i go antap long 16.

Wanpela trai tasol bilong Royals i kam long fulbek Peter Tubaia. Joe Moses i kikim gut kik bilong tupela poin. Tasol Country i go pas long skoa 16-6.

Klostu long pinis bilong hap taim, referi i salim bikpela fowat bilong Country, Alex Anis i go ausait olgeta long fil. Bikos Anis i soim sampela paul pilai we i no bihainim lo bilong pilai.

Olsem na long stat bilong namba tu hap, ol plisman i

lukim olsem birua bilong ol i sot long wanpela pilaia, na i yusim dispela sans long paia moa.

I no longtaim ol i skoarim tupela trai i kam long baklain. Tupela senta Steven Aua na Paul Ganoba i skoarim dispela tupela trai. M. Obet i kikim gut qol kik bilong wanpela trai tasol, na tupela tim i pas long skoa 16-16.

Tupela tim wantaim i stat long pilai strong moa olsem gren fainal bilong las yia stret. Tasol dispela taim, Country i laki long strongpela pilai bilong risev pilaia Paulus Gawi.

Gawi i skoarim wanpela las minit trai we kik bilong tupela poin i popaia, na Country i winim dispela gem 20-16.

Tigers bekim dinau long Hawks

NOGAT gutpela trening i stapim sans bilong Hawks long winim Works Tigers long bikpela A gret gem bilong Vanimo Ragbi Lig long las wiken.

Tigers i bin redi gut long traime strong bilong Hawks. Olsem na em i bagarapim stret sindaun bilong Hawks 26-18. Dispela tupela tim i bin bung long 1991 gren fainal. Long dispela taim ol boi Hawks i soim stret stail bilong ol na i win.

Tasol long las wik Tigers i bekim dinau na daunim Hawks. Ol yangpela baklain pilaia bilong Tigers i pilai gut tru, na paulim stret ol baklain pilaia bilong Hawks.

Hap bek bilong Tigers Alex Rokararea na insait senta Nipi Koli i go pas gut tru na lukautim pilai long baklain. Dispela em long tromoi bal i go i kam long ol wan pilaia.

John Maine, Job Tomur, Kepu na yangpela Poli i paia narakain stret long fowat. Taim ol i kisim bal, ol bai pinisim olgeta spit na strong long ran na brukim banis. Na tu long takel, ol i no slek liklik.

Maine i go pas long olgeta dispela stail long fran lain.

Fowat lain bilong Hawks i bin slek liklik. Bikos ol i no kisim sevis bilong yangpela David Moihe. Moihe i gat sampela lbagarap long bodi bilong em. Olsem na em i no pilai.

Tasol dispela i no daunim tingting bilong John Ilau, Herry Wai na Kaupa. Dispela tripela man i givim sampela hetpen liklik long ol Tigers pilaia.

Faiv eit John Welly i kirapim sampela das tu, na pulim lek bilong ol sapota bilong Tigers taim em i kisim bal. Tasol ol boi Tigers i banisim olgeta rot. Na paulim liklik pilai bilong em long tromoi bal i go i kam long ol wan pilaia long skoa.

Tupela senta, Jessie Kairu na Patrick Rubben i pilai gut tru tasol i nogat gutpela sapat. Fulbek Danny 'Moson' Welly i traime long rabim sampela moson long ol Tigers pilaia, tasol em painim hat tru.

Winga Edward na olupela smok balus pilaia, Max Api i traime spit bilong tupela long sait lain. Tasol gia bokis bilong tupela i bagarap liklik. Na ol kas nogut bilong Tigers i katim spit bilong tupela.

WEWAK RAGBI LIG DRO BILONG WIKEN:

SARERE JULAI 18, 1992.

U17	Tigers	vs	Country
U17	Royals	vs	Tarangau
U19	Tigers	vs	Country
RES	Royals	vs	Tarangau

SUNDAY JULAI 19, 1992.

U19	Royals	vs	Tarangau
RES	Tigers	vs	Country
A	Royals	vs	Tarangau
A	Tigers	vs	Country

Ol skoa bilong las wiken:

U19	Tigers	fofitim	Tarangau
RES	Country	def	Royals 18-4
A	Tarangau	def	Tigers 6-4
A	Country	def	Royals 20-16

Brothers bai winim Is long Rabaul

PLANTI gutpela pilai bilong Brothers i bin go pilai wantaim Royals long dispela sisen. Tasol dispela i no inap stapim Brothers long winim PTC Is long bikpela A gret gem bilong Rabaul Winfield Lig long Sande Julai 19.

Nau yet Brothers i sindaun long namba 6 ples long poin lata. Na Is i bihainim long namba 5 ples wantaim Bala United.

Resis i stap long namba tu raun nau. Na presiden bilong Brothers, Pias Mano i tok i gat 4-pela moa gem i stap bipo long fainal.

Olsem na Brothers i mas pilai strong sapos em i laik resis long winim 1992 primia taitel bilong Rabaul Winfield Lig.

Nau yet Brothers i stap long namba 6 ples na Is i holim pasim namba 7 ples.

Mano i tok tim bilong em i gat planti nupela fowat pilaia. Tasol ol bai bihainim plen bilong gem long winim Is.

Dispela Sande lok Tulo Sose, prop Jeffrey Kepori na seken rowa Peter Numbon bai sanapim strongpela banis long fowat lain. Ol bai mekim dispela wok long ful 80 minit, na stapim ol pilaia bilong Is long skoa.


Long baklain, ol pilaia olsem Sam Erepan, insait senta Denial Kamo na ausait senta Junias Michael bai soim stail bilong ol. Ripot i tok i gat liklik senis bai i kamap long ol baklain pilaia bilong dispela Sande.

Lukluk long plen bilong pilai em ol boi Brothers bai bihainim, ol dispela pilaia inap givim bikpela het pen long ol boi Is. Olsem na Is i mas sambai gut.

Save bilong ol arapela pilaia olsem Sose Gutuma, Gabriel Bonga na Bernard Kake inap helpim ol arapela boi tu long fowat. Ol bai sanapim strongpela banis. Tasol ol i noken pilai kaskas long Is.

Bikos Is i gat wankain lain ap we i gat ol olupela pilaia husat inap long daunim strong bilong Brothers.

Tasol Is i mas winim dispela gem sapos em i laik winim ples long go insait long fainal.



Winfield League Interzone Championships

Sunday, 19th July, 1992

SOUTHERN vs NORTHERN AT LAE

HIGHLANDS vs ISLANDS AT MT. HAGEN



SPAKMAIK

NAU OLGETA KAM NA ADIM EM I GO ANTAP OLGETA...

TUMBUNA KIRAP NA TOKIM MAIK OLSEM EM WINIM ELEKSON... MAN, AI BILONG MAIK I OP STRET...

EM KALAP IGO ANTAP NA SANAPIM TUPELA MAN I KARIM EM I STAP...



TUPELA YAH I BEHAT NA LUSIM MAIK I KAM PUNDAUN LONG GRAUN...

TASOL EM I NO KEA... EM KIRAP NA SINGAUT IGO LONG OL PIPEL BILONG EM...

MAN, EM I NO ISI LONG AMAMAS, EM KIRAP NA SINGAUT MOA...



NAU OL I SELEBRETIM WIN BILONG KAUN-SOL MAIK... EM LAS PATI EM I MEKIM LONG PLES... LONG WANEM?.. EM LUSIM PLES NA GO STAP LONG MOSBI...





REBO

NAU FRANCIS KISIM BAL NA GNIM SIKSTI IGO... KLIA WAN!



STOPIM NAMBA FAIV YAH!
BRUKIM KIAU, NAU!!

FUL-BEK I MAKIM FRANCIS GUT TRU, OLSEM NA EM SALIM BAL I GO LONG BASIL...



BASIL, EM, YAH! WAN FO DA ROT!
TENKS BRAS!

BASIL I GO PUTIM ANANIT LONG GOL POS STRET...



P.N.G.B.C INAMBAWAN!
EM I TRU!!

KONVENSON KIK NA BAL I GO INSAIT TASOL... SKOA IGO 6-0...



WALAHU!

OL TARANGALI BELHAT NA OL I PILAI NOGUT... NAMBATEN BILONG P.N.G.B.C IRISIM BAGARAP...



OL TARANGALI PILAI NOGUT... BAI MI GO INSAIT NA PILAI!


TINGTING BILONG REBO INO STRET... EM SENIS NAU LONG GO PILAI...




OL I BIKHET LONG OL BOIS BILONG MI, AHZ YUPELA WET, MI KAM INSAIT, NAU!

OL SAVEMAN BILONG BISNIS YUSIM OL!


Lister




LT1 5 K.V.A.
● TOTALLY PORTABLE ENERGY SOURCE
● IDEAL UNIT FOR VILLAGE LOCATIONS



TS2 8.5 K.V.A.
● 3 PHASE OR SINGLE PHASE POWER
● COMPACT AND EFFICIENT



HR3 26.25 K.V.A.
● IDEAL COMMERCIAL BACKUP SYSTEM



CS6 58 K.V.A.
● INDUSTRIAL CAPACITY
● WILL HANDLE MAXIMUM DEMAND FOR POWER ANYTIME

Brian Bell Stores

- BOROKO — 25 5411
- LAE — 42 1433
- GOROKA — 72 1098
- MT. HAGEN — 52 1999
- RABAU — 92 1966

Televison na Musik

Malmal Brothers redi long SP Festival ov Ats

BEN TAUMAI
i raitim

Madang bai i go long Kuk Ailan long mun Oktoba long dispela yia.
Ol lain bilong Malmal

WANPELA biknem stringben bilong

Brothers Bamboo ben bilong not kos bai go makim Papua Niugini long bikpela kalsarel so bilong Saut Pasifik Festival ov Ats. Dispela so bilong ol kantri long Pasifik ailan rijon bai kamap long biktaun bilong Kuk Ailan long Raratonga long mun Oktoba.

Ben menesa bilong ol, Edward Mui i tok ol i bin amamas nogut tru taim ol i harim olsem ol bai go pilai long dispela so.

Em i tok, "Mipela olgeta i amamas long go lukim dispela kantri. Na mipela bai soim ol lain long hap long ol kain stail musik bilong mipela long hia."

Long sapotim dispela wokabaut blong ol, wanpela bisnisman long Madang, Peter Yama i givim ol sampela kulele, ol gita, ol mambu na pawa spika bilong yusim.

Mui i tok dispela kain helpim i gutpela tru. Na

i mekim nem bilong ol i kam antap nau.

Ol memba bilong ben husat bai go long Kuk ailan long mun Oktoba em Edward Mui, Paul Ben, Peter Kubai, Andrew Ngak, Loman Ngak, William Gunaz, Joe Kubai, Masil Mot, Paul Silum, Francis Mot, Adolf Sakeu na Gabriel Smais.

Mui i tok nau ol i wok long stretim ol bilas samting bilong ol long go. Na ol i raitim na redim tu sampela nupela singsing. Em i tok taim ol i stap long hap, ol bai wokim tu sampela singsing bihainim kain laip na sindaun bilong ol pipel long Kuk ailan.

Dispela em i namba tu taim bilong ol *Malmal Brothers* long go pilai long ovasis. Namba wan taim em ol i bin go long Filipin ailan. Dispela em long taim bilong wanpela Tred na Industri so.

EMTV

THURSDAY 16TH JULY, 1992

6.00 TEST PATTERN AND MUSIC

6.27 STATION OPEN

6.30 ITN NEWS (G)

7.00 TODAY SHOW (G)

8.58 EMTV TOK SAVE (G)

9.00 STATION CLOSE

1.10 STATION RE-OPEN

1.13 EMTV TOK SAVE (G)

1.15 MIDDAY SHOW WITH RAY MARTIN (G)

2.30 SESAME STREET (G)

3.30 FAT CAT

4.00 MARGILLA GORILLA (G)

4.30 TEENAGE MUTANT NINJA TURTLES (G)

5.30 GET SMART (G)

5.27 EMTV TOK SAVE (G)

5.29 EMTV NEWS BREAK (G)

5.30 HOME AND AWAY (G)

6.00 NATIONAL EMTV NEWS (G)

6.30 A CURRENT AFFAIR (G)

7.00 SALE OF THE CENTURY (G)

7.25 CHIN H MEEN SUPER-SOUND NEW RELEASE (G)

7.30 NEIGHBOURS (G)

8.00 THE COSBY SHOW (G)

8.27 RUGBY UNION ROUND - UP

8.30 ALL TOGETHER NOW (G)

9.00 THE GOLDEN GIRLS (G)

9.30 MARRIED WITH CHILDREN (PGR)

10.00 BURKE'S BACKYARD (PGR)

11.00 HAWAII 5-0 (PGR)

12.00 NATIONAL EMTV NEWS REPLAY (G)

12.27 MEDITATION WITH PASTOR WALO

12.30 STATION CLOSE

FRIDAY 17TH JULY, 1992

6.00 TEST PATTERN AND MUSIC (G)

6.27 STATION OPEN

6.30 ITN NEWS (G)

7.00 TODAY SHOW (G)

8.00 TODAY SHOW (G)

8.58 EMTV TOK SAVE (G)

9.00 STATION CLOSE

1.12 STATION RE-OPEN

1.13 EM TV TOK SAVE (G)

1.15 MIDDAY SHOW RAY MARTIN (PGR)

2.30 SESAME STREET (G)

3.30 KIDS KONA FAT CAT

4.00 MAGILLA GORILLA (G)

4.30 TEENAGE MUTANT NINJA TURTLES (G)

5.00 GET SMART (G)

5.27 EMTV TOK SAVE (G)

5.29 EMTV NEWS BREAK (G)

5.30 HOME AND AWAY (G)

6.00 NATIONAL EMTV NEWS (G)

6.30 A CURRENT AFFAIR (G)

7.00 SALE OF THE CENTURY (G)

7.25 CHIN H MEEN SUPER-SOUND NEW RELEASE (G)

7.30 NEIGHBOURS (G)

8.00 NCDC NEWS (G)

8.05 HEY DAD (G)

8.30 FRIDAY NIGHT FOOTBALL (G)

10.35 EMTV TOK SAVE (G)

10.45 FRIDAY NIGHT MOVIE: "Prizzi's Honour" (G)

12.45 NATIONAL EMTV NEWS REPLAY (G)

1.12 MEDITATION WITH PASTOR WALO ARNI

1.15 STATION CLOSE

SATURDAY 18TH JULY, 1992

10.27 STATION OPEN

10.30 SKY ROCK

12.00 THE SPIRIT OF KOKOPO

12.30 GILLETTE

1.00 WIDE WORLD OF SPORTS

5.00 BEYOND 2000 (PGR)

6.00 NATIONAL EMTV NEWS (G)

6.30 HEY HEY IT'S SATURDAY

8.25 CHIN H MEEN SUPER-SOUND NEW RELEASE

8.30 AUSTRALIA'S FUNNIEST HOME VIDEO

8.52 EMTV TOK SAVE

9.00 JAKE AND THE FATMAN "Sweet Leilani" (MAO)

10.00 MTV (MAO)

12.00 WINFIELD CUP

1.57 MEDITATION

2.00 STATION CLOSE

SUNDAY 19TH JULY, 1992

10.57 STATION OPEN

11.00 WIDE WORLD OF SPORTS

1.00 BUSINESS SUNDAY

2.00 SUNDAY

3.30 LUMEN 2000

4.00 SPORTS SUNDAY

5.55 CHIN H MEEN SUPER-SOUND NEW RELEASE

6.00 NATIONAL EMTV NEWS

6.30 SUNDAY NIGHT FOOTBALL

7.30 60-MINUTES

8.30 CHIT CHAT WITH SIR PAULIAS MATANE

8.35 SUNDAY NIGHT MOVIE: "Mystery Junction" (PGR)

10.00 MAN ABOUT THE HOUSE

10.30 GUNSMOKE: "The Founding"

11.30 NATIONAL EMTV NEWS REPLAY

11.57 MEDITATION

12.00 STATION CLOSE

G General Exhibition

PGR Parental Guidance Required

AO Adults Only

PNG TOP 20

AS AT 11/07/92

NUMBER	SONG	ARTIST
1 (1)	Wan Kantri	Barike
2 (2)	Missing You	Voice In The Wind
3 (5)	Island B'Ville	Crisis Survivors Band
4 (5)	You Are The Key	Voice In The Wind
5 (4)	Awara Mei	Pongoros '91
6 (7)	Aiye Aiye	Barike
7 (3)	Susan Lewa	Sandaun Misfits
8 (8)	Nurvue Ke Iau	Telek
9 (11)	Iwarwatut	Vincent Pia
10 (12)	Lonely Makuri	Basil Greg
11 (9)	Peaceful Harbour	Cornerstones
12 (10)	Jesus Bai Kam	Max Manimbi
13 (15)	Seselig Seselig	Kales Gadagades
14 (16)	Tat Nambo	Aida Paska
15 (18)	Long Taim Tumas	Kales Gadagades
16 (20)	Yangin Meri	Reuben Kami
17 (13)	Lord Blong Mi	Max Manimbi
18 (0)	Kulungi	JR Kopex
19 (17)	Seng, Guge Fo	Rex Band
20 (0)	Sori Puspup	Kenry Kuskus

• Compiled by Kalang Radio.
• The programme is heard on Kalang Radio at 10am every Saturday.





**WHOLESALERS OF BLOCK ICE, CRUSHED ICE
(CUBE SIZED) & BULK ICE**

25 6588

CITY ICE PTY. LTD.

**MORATA STREET...GORDONS
POM., P.O. BOX 7529, BOROKO**

FAX: 25 7321

AVAILABLE AT MOBIL LAHARA SERVICE STATION

**FREEZERS SUPPLIED TO
APPROVED CLIENTS**

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.